

ԴՐՕՇԱԿ

ISSN 2579-2954



Հայ Յեղափոխական Դաշնակցության Պաշտոնաթերթ

(76-րդ տարի) Թիվ-1 (1659)

Հունվար 2022

Բովանդակություն



«Դրոշակ» ամսաթերթ
Հայ Յեղափոխական Դաշնակցության
պաշտոնաթերթ
Հիմնադիր՝ «ՀՅԴ պատմության թանգարան
հիմնադրամ»
Երևան, Միեր Սկրոյցյան փ. 12/1
Հեռ. (+374) 10-52-18-90
Էլ. հասցե՝ droshak@arf.am
Կայք՝ <https://www.droshak.am>
Գլխավոր խմբագիր՝ Արտաշես Շահբազյան
Խմբագրական խորհուրդ



1- Առաջնորդող

Համախմբվել՝ միավորելով առավելությունները
(Էջ 1-2)

2- Քաղաքական

Հրանտ Մելիք-Շահնազարյան
Հայ-ռուսական հարաբերությունների բարդ
թնջուկը (Էջ 3-6)

3- Տարածաշրջանային

Վահե Սարգսյան
Տեղական ինքնակառավարման համակարգի
ձևավորումը. 2021 թ. ՏԻՄ ընտրությունները
Վրաստանում և դրանց ազդեցությունը
Տավախքի վրա (Էջ 7-14)

4- Աշխարհաքաղաքական

Արմեն Պետրոսյան
Տարածաշրջանային զարգացումների ընդհանուր
միտումները 2022 թվականին (Էջ 15-19)

Լիանա Պետրոսյան
Ադրբեջանական իշխանությունների քաղաքա-
կանությունը թախիշների նկատմամբ
(Էջ 20-22)

Լարե Գևորգյան
Էթնիկ փոքրամասնությունների խնդիրը
Թուրքիայում: Չազա-այլիներ (Էջ 23-26)

5- Պատմության լուսարձակ

Անի Մելքոնյան
Հայկական ռազմական ուժի պատմությունից
(Էջ 27-30) (մաս 1)

Մարիամ Հովսեփյան
Միլի շարժումը Կ. Պոլսի «Ճակատամարտ» և
«Ժամանակ» օրաթերթերի էջերում
(1919-1920 թթ.) (մաս 2) (Էջ 31-33)

6- Հասարակություն

Տիգրան Զանդոյան
Մուստաֆա Բեմալ Աթաթուրքի պաշտամունքի
կառուցարկումը և հետմահու պաշտամունքը
Թուրքիայի քաղաքական համակարգում
(Էջ 34-38) (հոդված 3)

7- Հարցազրույց

**Հարցազրույց «Համազգային» հայ կրթական
եւ մշակութային միության կեդրոնական
վարչության ատենապետ Սկրտիչ
Սկրտիչեանի հետ**

Մշակութային ժառանգության տարրերը
արդիականացնելով հաստատուն քայլերով
ուղղուհի դեպի երաշխաւորեալ ապագայ:
(Էջ 39-42)

8- Ամմահները

(Էջ 43-44)

Համախմբվել՝ միավորելով առավելությունները

Մեծի Տանն Կիլիկիո կաթողիկոս Արամ Ա-ն 2022 թվականը հռչակել է Սփյուռքի տարի: Նկատի ունենալով Ադրբեյջանի ու Թուրքիայի կողմից Արցախի դեմ սանձազերծված պատերազմն ու հայության կրած մարդկային, տարածքային և մշակութային ծանր կորուստները՝ Կիլիկիո կաթողիկոսը 2021 թվականը հռչակել էր Արցախի տարի: Հաջորդող 2022 թվականը Սփյուռքի տարի հռչակելը ենթադրել է տալիս հիմնահարցի լրջության մասին: Եվ իսկապես, կաթողիկոսական պատգամում, որը հրատարակվել է 2022 թ. հունվարի 1-ին, ասվում է. «...Հայ ժողովուրդն իր երեք թեւերով՝ Հայաստան, Արցախ և Սփյուռք, բազմաթիւ ու բազմազան մարտահրաւերներ ու վտանգներ կը դիմագրաւէ, իսկ հայօրէն մաշումի ենթակայ Սփյուռքը՝ աւելին: Տեղ մը ան անորոշութեան ալիքներու մէջ կ'օրօրուի, այլ տեղ փոթորիկներու դեմ կը պայքարի. տեղ մը նոր ինքնութեան փնտրութի մէջ է, այլ տեղ՝ տեղայնացումի արագ ընթացքին մէջ: Արդ, Սփյուռքի վերակազմակերպումն ու վերակենսաւորումը հրամայական անհրաժեշտութիւն է...»: Իսկ այս նախաձեռնությունը նշանակում է արդյոք, թե Սփյուռքը պետք է ինքնուրույն դիմագրավի առկա մարտահրավերներին՝ ինքն իր մէջ գտնելով սեփական հիմնահարցերի պատասխաններն ու հասնելով դրանց լուծմանը: Այս հարցադրման պատասխանը կարելի է գտնել նույն կաթողիկոսական պատգամում, մասնավորապես՝ հետևյալ տողերում. «...Սփյուռքը ինքնավստահան իրականութիւն մը չէ. ան իր տեւականը պէտք է միշտ սեւեռած պահէ Հայաստանի ուղղութեամբ, որ ողնասիւնը կը կազմէ հայ ազգի ներկային ու երաշխիքը՝ անոր ապագային: Այս խոր գիտակցութեամբ Սփյուռքը կոչուած է ինքզինք վերակազմակերպելու...»:

Կարելի է ակնկալել, որ իր իրավունքների մէջ մտած 2022 թվականին, Հայաստանի ու Արցախի գլխին կախված կենսական հիմնահարցերին զուգահեռ, շահեկան և անկեղծ խոսակցություն կծավալվի Սփյուռքի ներկայի, ներքին մարտահրավերների և դրանց հաղթահարման ուղիների շուրջ, ինչը վաղուց տեղի չի ունեցել: Ավելին՝ ամենուր և մշտապես հնչող դատողությունները Հայաստանի ու Արցախի բազմաթիվ հիմնահարցերի վերաբերյալ կարծես թե տասնամյակներ շարունակ շղարշել են հայության մեծամասնությունը կազմող աշխարհասփյուռ համայնքների խնդիրներն ու հոգսերը, որոնք հայրենիքի երկու հատվածների անկախացումից հետո, թվում է, ոչ թե նվազել, այլ ավելացել են:

Իրականում այս թեմայի շուրջ այսօրվա խոսակցությունները սկսվել են արցախյան վերջին պատերազմում կրած պարտության ու դրան հետևած հայրենի մռայլ իրականության ծանր տպավորությունների մթնոլորտում: Եվ, հավանաբար,

ինչնց նման տրամադրությունների ազդեցությունն են երբեմն կրում արվող հետևությունները: Մասնավորապես ձեռք թափ տալով տագնապալի ու ճակատագրական իրականության նկատմամբ ոչ համարժեք կեցվածք դրսևորող հայաստանցիների վրա՝ ոմանք եզրակացնում են, թե Հայաստանի հետ հույսեր կապելն անհիմաստ է, և Սփյուռքը պետք է ինքն իր գլխի ճարը տեսնի: Մնում է երևակայել, որ եթե այսպես մտածողների ձայնին ակնաչափով լինեն աշխարհասփյուռ զանգվածները, Սփյուռքը դուրս փակելու է Հայաստանի, ողջ աշխարհն իր մէջ ընկղմող համաշխարհային նոր իրողություններին, թե՛ նաև ինքն իր վրա: Անսառ լինելու համար պետք է խոստովանել, որ անցած մեր ավելի քան երեսնամյա ընթացքի հաշվեքննությանը մղող քառասունչորսոթյա ձախող պատերազմը և պարտության կառավարության «խրոխտ» առաջնորդությամբ շարունակվող համազգային նահանջը բնականորեն մղում են եզրահանգումների և Սփյուռքին, և Սփյուռքի շուրջ ու ընդհանրապես:

Հայրենիք-Սփյուռք մերձեցումն իրական ընթացք առավ դեռևս 1988 թվականի երկրաշարժից հետո: Խորհրդային սահմանների փլուզումը, արցախյան ազատագրական պայքարն ու հայրենի երկու պետականությունների ձևավորումը լրջագույն խթան դարձան հայության երկու հատվածների միջև ամուր ու լայն կամուրջների կառուցման համար: Դժբախտաբար, այս անգամ ոչ թե արտաքին գործոնները, այլ ներքաղաքական հաշվարկները ստեղծեցին պատնեշներ այդ մերձեցման ճանապարհին: Անկախ Հայաստանի չորս դեկավարներից առաջինն ու չորրորդը որդեգրեցին հայությունը սևի ու սպիտակի բաժանելու, հայաստանցու և արցախցու, Հայաստանի և Սփյուռքի միասնականացման ընթացքը պառակտելու և հատվածականությունը խորացնելու քաղաքական կուրս: Երկրորդ և երրորդ նախագահները փորձեցին մերձեցնել ժողովրդի երեք հատվածներին՝ վերացնելով Հայաստանն ու Սփյուռքը շաղկապող կամուրջներին ի հայտ եկած խոչընդոտները: Եթե անկախացմանը նախորդող ու հաջորդող առաջին տարիներին հայությանը միավորող գործոններ էին իր տագնապները, պայքարն ու ձեռքբերումները, ապա վերջին շրջանում միասնականացման գործոն են ծառայել պատերազմներն ու դժբախտությունները Սիրիայում, Լիբանանում, Արցախում ու Հայաստանում:

Չնայած երկրորդ ու երրորդ նախագահների օրոք հայրենիք-Սփյուռք մերձեցմանն ուղղված զանազան միջոցառումների՝ խորհրդածողովների ու համաժողովների, փոխայցելությունների ու ծրագրերի պակաս չկար, այսօր կարծես այդ

ամենը չի էլ եղել: Երրորդ նախագահի օրոք անգամ Սփյուռքի նախարարություն ստեղծվեց, բայց կարծես թե բարի ցանկությունները ամրագրված չէին հայեցակարգերով, որոնք պետք է նախանշեին, թե ի վերջո ինչ է ուզվածներս, հայրենիքն ու Սփյուռքը ինչպես են կառուցելու իրենց հարաբերությունները՝ ելնելով հստակեցված վերջնականատակներից ու տեսլականներից: Անաչառությամբ առաջնորդվելով՝ արձանագրենք, նաև որ այդ գործընթացին թերևս խանգարել են մի շարք կեղծ պատկերացումներ ու կանխատեսումներ: Օրինակ՝ ինչ իրական ներուժ է պարունակում Սփյուռքը, և ինչ ենք ակնկալում նրանից՝ մեր ընդհանուր նպատակներին միտված գործը դերաբաշխելով: Սրանից ավելի կարևոր հարց է, թե ինչ պարտականություններ ու հանձնառություններ է պատկերացում իր համար ազգային պետությունը սեփական Սփյուռքի նկատմամբ՝ ելնելով նրա գոյատևման հրամայականներից և համընդհանուր գործի համար ներուժի կուտակման ու համախմբման անհրաժեշտությունից: Փոխարենը շոուներ հիշեցնող ու կարգախոսային բնույթի զանազան հայտարարություններ են արվել, օրինակ, զանգվածային ներգաղթի կազմակերպման վերաբերյալ այն պարագայում, երբ տեղացի բնակչությունն անգամ մշտապես ունեցել է թե՛ կեցության, թե՛ աշխատանքի և թե՛ եղած աշխատանքով քիչ թե՛ շատ բարեկեցիկ կյանք ապահովելու խնդիր: Զարմանալիորեն այդ անիրական պատկերացումները այն նույն իրականության վերաբերյալ, որում մեր հայրենակիցներն են ապրում, եղել են ու կան ոչ միայն հայրենիքում, այլև Սփյուռքում: Ինքնաբավ է արդյոք Սփյուռքը, որպեսզի կարողանա, օրինակ, ինքն իր մեջ վերակազմակերպվելով ապահովել սեփական հեռանկարը և ազգային երազանքների համար համարժեք պայքարի կարողականությունը: Զանազան դատողություններ անելիս մեր մտապատկերում է արդյոք կացությունը Միջին ու Մերձավոր Արևելքում, հաշվված է արդյոք հայկական դպրոցների քանակը Եվրոպայում, Ռուսաստանում կամ այլ գաղութներում, նկատի՞ ենք ունենում արդյոք խառնամուսնությունների թիվը նույն այս երկրներում, Ամերիկայում և այլուր:

Այո, հայտնի են այն տազնապները, որոնք թուխայի պես ծանրացել են Սփյուռքի մթնոլորտում ողբերգական պատերազմից, մարդկային ու տարածքային կորուստներից հետո, երբ մանավանդ հայրենաբնակ ժողովուրդը չի ընդվզում ազգադավ իշխանության դեմ, կարծես անզգայության մեջ է այն կենդանու նման, որը պատկած դիտում է, թե ինչպես են իրեն հոշոտում: Ինչու է զոհաբերությունների պատրաստ երեկվա հերոսական ժողովուրդն այսօր այս վիճակում՝ այլ խոսակցության կոյուղ է: Հստակ է մի բան՝ սա մեր ժողովուրդն է, սա է մեր Սփյուռքը, և երկրորդ հայ ժողովուրդ, որով կարող ենք եղածին փոխարինել, գոյություն չունի: Այս պայմաններում մենք պետք է մտածենք ժողովրդին հույս ու ոգի ներշնչելու, մահաբնից դուրս բերելու, համընդհանուր պայքարի

զաղափարի շուրջ համախմբելու և կրկին ուրքի հանելու մասին, իսկ նահանջի, սեփական պատյանի մեջ պարփակվելու մտայնությունները վտանգավոր ցեղեր են ազգային օրգանիզմի համար: Այդ վարակի տարածումը չպետք է թույլ տալ, մանավանդ երբ հայրենադավ դեկավարը Հայաստանն ու Արցախը «հաջողությամբ» պառակտելուց հետո ձեռնամուխ է եղել պատակտիչ օջախների ձևավորմանը Սփյուռքում:

Չսայած Հայրենիքի և Սփյուռքի մերձեցմանը խոչընդոտող վերիվայրումներին ձևավորվել են մնայուն կապեր, որոնք լայն ցանց են կազմում, մասնավորապես՝ մարդկային հարաբերությունների ձևով: Չսայած Հայաստանի ներկա ծանր վիճակին ու չղաղարող արտահոսքին՝ կա ներգաղթ, և նորանոր ընտանիքներ են խարխախ նետում հայրենի ավերին: Աշխարհի տարբեր ծագերում հայ մարդիկ թերթերով, ռադիոյով ու հեռուստատեսությամբ ամենօրյա կենդանի կապ են պահում Հայաստան-Արցախի հետ՝ անկախ հեռավորությունից կիսելով հայրենիքում ապրող հայրենակիցների տազնապները, մտահոգությունները, ճակատագիրը: Ի վերջո ազգային պայքարը, թեկուզ թուլացած, շարունակվում է մեկ ճակատով՝ նույն նպատակների համար: Մենք այլևս պատմության այն հանգրվանում ենք, երբ չի կարող լինել սփյուռքահայության ու հայաստանցիների կամ արցախցիների պայքար առանձնաբար՝ տարբեր թիրախների և նպատակների համար: Օրվա ապագային իշխանություններից առաջ Հայաստանի իշխանություններն արել են քայլեր, որոնցով եթե Հայ դատի ընդհանուր պայքարի առաջնորդողն էլ չեն դարձել, ապա մաս են կազմել այդ պայքարին:

Երբ գոյություն ունի հայոց պետություն, բնականորեն հայության պայքարը պետք է տարվի պետության ակտիվ դերակատարությամբ (թեկուզ որոշ դեպքերում՝ ոչ հրապարակայնորեն): Ընդհանուր պայքարն ու ընդհանուր նպատակները այն հիմնական գործոններն են, որոնք միավորում են և պետք է միավորեն հայրենիքն ու Սփյուռքը: Առանձնաբար մղվող պայքարները կամ մեկուսի գոյությունը կլինեն կործանարար առաջին հերթին սեփական երկրի կենսունակ միջավայրից կտրված զանգվածների համար:

Հայության արտագաղթն ունի երկու հազարամյակի պատմություն, սակայն ներկայիս Սփյուռքը բնորոշվում է որպես Հայոց ցեղասպանության հետևանք: Պատճառը շատ պարզ է. դրանից առաջ ձևավորված համայնքներն այլևս գոյություն չունեն, անգամ նրանք, որոնք հարյուր տարի առաջ դեռևս կենսունակ էին: Հայկական սփյուռքը կենսունակության և երկարակեցության մեկ աղբյուր ունի՝ հայրենիքը, իսկ հայրենիքի համար հավելյալ կենսունակության և ուժի մեկ աղբյուր գոյություն ունի՝ Սփյուռքը: Մենք բոլորս ճակատագրի նույն նավի մեջ ենք և պարտավոր ենք համախմբվել՝ միավորելով մեր առավելությունները, այլ ոչ թե հակառակը: ■

Հայ-ռուսական հարաբերությունների բարդ թնջուկը

Հրանտ Մելիք-Շահնազարյան
«Քաղաքագետ, «Ռուկանապատ» վերլուծական կենտրոնի ղեկավար

2020 թ. սեպտեմբերի 27-ին Արցախի դեմ Ադրբեջանի սանձազերծած հերթական պատերազմը կտրուկ մեծացրեց Ռուսաստանի մասնակցությունը մեր տարածաշրջանի քաղաքական, տնտեսական և անվտանգային գործընթացներին: Պատերազմի ավարտին՝ 2020 թ. նոյեմբերի 9-ին, Հայաստանի, Ադրբեջանի և Ռուսաստանի ղեկավարների ստորագրած հայտնի փաստաթղթում, ի թիվս ադրբեջանա-հայկական ռազմաքաղաքական օրակարգային խնդիրների, անդրադարձ կատարվեց նաև տարածաշրջանային կարևորության մի շարք այլ հարցերի, որոնցից էին տնտեսական կապերի ապաշրջափակումը, կոմունիկացիաների բացումը և այլն: Իսկ այն փաստը, որ Արցախում ռուսական խաղաղապահ զորքերի տեղակայումը պատերազմի հետևանքներից մեկն է, շատ փորձագետների և քաղաքական գործիչների առիթ տվեց խոսելու այն մասին, որ Հարավային Կովկասում Ռուսաստանի ներկայությունը սկսում է վճռորոշ դառնալ տարածաշրջանի բոլոր երկրների համար՝ սպառնալով անգամ նրանց սուվերենությանը:

Իհարկե, հասկանալի է, որ, լինելով մեր տարածաշրջանի աշխարհաքաղաքական հիմնական դերակատարներից մեկը, Ռուսաստանը հաճախ դառնում է նաև ուժային այս կամ այն կենտրոնի շահերը պաշտպանող շրջանակների հարձակումների, տարաբնույթ մեղադրանքների և քարոզչական թեզերի գոհ: Մինևույն ժամանակ պետք է արձանագրել այն փաստը, որ հայ հանրությունը լիարժեքորեն տեղեկացված չէ մեր տարածաշրջանում Ռուսաստանի նպատակների, առաջնահերթությունների, քաղաքական, տնտեսական, սոցիալական և անվտանգային ծրագրերի մասին: Այս երկու իրողությունները, հաճախ՝ նաև ռուսական կողմի հակասական մոտեցումներն ու վարքագիծը, որոշակի խնդիրներ են ստեղծում հայ-ռուսական հարաբերությունների հանրային ընկալումներում, որոնք, անկասկած, կարող են լուրջ ազդեցություն ունենալ երկու երկրների թե՛ տարածաշրջանային և թե՛ երկկողմ ուղղվածության քաղաքականության վրա:

Մեծ հաշվով, դա արդեն իրողություն է: Կարծում եմ՝ գաղտնիք բացած չեմ լինի, եթե պնդեմ, որ հայ ժողովրդի մի ստվար հատված 2020 թ. 44-օրյա պատերազմի հիմնական մեղավորների շարքում նշում է նաև Ռուսաստանի անունը: Մեր հայրենակիցների այդ հատվածն իրեն դավաճանված է զգում և այլևս որևէ հույս չի կապում հյուսիսային դաշնակցի հետ: Գրեթե նույնը կարելի է ասել նաև ռուս ժողովրդի զգալի հատվածի մասին: Նրանք էլ վստահ են, որ Հայաստանն ու հայ հանրությունն ըստ արժանվույն չեն գնահատում պատերազմը կանգնեցնելուն ուղղված Ռուսաստանի ջանքերը: Նրանց խոսքերը



շատ կոպիտ ու վիրավորական են և հանգում են մոտավորապես հետևյալին. «Ռուսաստանը ոչ ոքի ոչինչ պարտք չէ: Գնացեք, թող թուրքերը կոտորեն ձեզ: Մենք ձեզ փրկեցինք, իսկ դուք նույնիսկ շնորհակալություն չեք հայտնում մեզ դրա համար»:

Նշված դիսկուրսը, որը, իհարկե, շատ տհաճ է, նոր չէ ներդրվել հայ և ռուս ժողովուրդների հանրային քննարկումների օրակարգում: Կասկածից վեր է՝ դա արվել է մեր երկու երկրների թշնամիների կողմից: Եվ նրանք հաջողել են այդ գործում: Այնքան են հաջողել, որ կարողացել են կործանարար այդ բանավեճի մեջ ներքաշել անգամ հայ և ռուս այն գործիչներին, որոնք մշտապես կանգնած են եղել իրենց երկրների ազգային շահերի պաշտպանության դիրքերում: Օրինակ՝ ռուս հայտնի գրող, հրապարակախոս Զախար Պրիլեպինը: Հիշում եմ, թե Պրիլեպինը որքան դիպուկ և խոր բնորոշում էր տվել 2016 թ. Ապրիլյան պատերազմի առնչությամբ Ռուսաստանի հինգերորդ շարասյան հնարավոր վարքագծին: Իր անձնական բլոգում այն ժամանակ նա գրել էր, որ եթե Թուրքիան աջակցում է Ադրբեջանին, Ռուսաստանի հարաբերություններն էլ Թուրքիայի հետ լարված են, ուրեմն երկրի «լավագույն մարդիկ» երկրպագելու են Ադրբեջանին: «Ինչպիսի անսխալ ընտրություն են կատարում լավագույն մարդիկ դեպքից դեպք: Եթե վաղը Ռուսաստանը պատերազմի երեքոտանի մարդակեր դեգեներատների ցեղերի դեմ, որոնք կտրում և տեղում խժռում են պարտվածների սեռական օրգանները, ես գիտեմ, թե ում կերկրպագեն նրանք: Գրողը տանի, ավար դրանք անսխալական մեքենաներ են: Ո՛վ է նրանց այդպես ծրագրավորել: Թեկուզ փոքրիկ խափանում նրանց համակարգում հնարավոր է», - գրել էր Պրիլեպինը: Իսկ ահա 2020 թ. սեպտեմբերի 27-ին՝ 44-օրյա պատերազմի հենց առաջին օրը, նույն Պրիլեպինը սկսեց միանգամայն այլ երգ երգել: Այդ օրը նա մի գրառում արեց, թե Հայաստանը շատ շտապ պետք է Ռուսաստանին միանալու հանրաքվե անցկացնի, իսկ «բոլոր քաղաքական գործիչներին, բլոգերներին

ու ակտիվիստներին, որոնք կրնադիմանան դրան, փաթեթավորել և ծանրոցներով ուղարկել Թուրքիա»։ Փոքր-ինչ ուշ Պրիլեպինը հանդես եկավ նման մեկ այլ գրառմամբ, իսկ երբ ես ակնարկեցի, որ այդպիսի գնահատականներն ու վերաբերմունքը չեն սազում իր պես մտավորականին, ստացա շատ կտրուկ պատասխան. «Այսինքն: Իբրև դաշնակից գալ և ռուս տղաներին թաղել Հայաստանի անկախության համար: Որպեսզի Հայաստանի հաջորդ նախագահը ՆԱՏՕ-ին անդամակցելու որոշում կայացնի»¹:

Ներողություն եմ խնդրում ընթերցողից մասնավոր և այսչափ ծավալուն մեջբերումներ անելու համար, բայց կարծում եմ, որ Պրիլեպինն իսկապես այն գործիչներից է, որոնց մոտեցումները կարելի է որպես տվյալ խնդրի ոչ միայն առկայության, այլև խորության ցուցանիշ ընդունել: Այդ մոտեցումները թե՛ հայ և թե՛ ռուս մտավորականության շրջանում վաղուց արդեն համատարած են դարձել: Փոխադարձ մեղադրանքներն անսպառ են ու անցել են բարեվարքության բոլոր սահմանները՝ ազդելով երկու երկրների քաղաքական առաջնորդների կայացրած որոշումների որակի վրա: Համենայնդեպս, հիմա արդեն կարելի է փաստել, որ Հայաստանի ու Ռուսաստանի հարաբերություններում գերիշխող է դարձել ոչ թե քաղաքակրթական, կրոնական ու մշակութային գործոնների ազդեցությունը, երկու ժողովուրդների պատմական մտերմությունը, այլ, այսպես կոչված, պրագմատիկ շահը կամ այն, ինչն ընդունված է պրագմատիկ շահ անվանել: Որպես դրա հետևանք կարելի է մատնանշել նաև այն հանգամանքը, որ այդ «պրագմատիկ շահ» կոչվածն էլ հաճախ ընկնում է Հայաստանի և Ռուսաստանի հակառակորդների ու թշնամիների ազդեցության տակ՝ լրացուցիչ խնդիրներ ստեղծելով երկու դաշնակից պետությունների համար:

Անկախ այս ամենից՝ Ռուսաստանի հետ հարաբերությունները շարունակում են մնալ Հայաստանի կարևորագույն և ամենահեռանկարային խնդիրներից մեկը: Հետևաբար մեր երկրի արտաքին քաղաքականության օրակարգային թիվ մեկ հարցը պետք է լինի պաշտոնական Մոսկվայի հետ իրապես գործընկերային և կարևորը՝ վստահելի հարաբերությունների կառուցումը: Հակադրությունները, ոչնչով չհիմնավորված հավակնությունները, մրցակցությունը այդ խնդրի լուծման լավագույն տարբերակները չեն: Մասնավոր հիմա, երբ Հայաստանի ու Արցախի ֆիզիկական անվտանգությունն այդքան կախված է մեր տարածաշրջանում ռուսական գործերի ներկայությունից: Իհարկե, նաև չի կարելի պնդել, որ Մոսկվայից հնչող ամեն խոսք վերջին աստիճանի ճշմարտություն է, և մենք պարտավոր ենք հետևել նրանց ցուցումներին: Ամենևին ոչ: Խնդիրը հայ-ռուսական հարաբերությունների այնպիսի տրամաբանության կառուցումն է, որը հնարավորություն կտա կողմերին մեկտեղելու իրենց ջանքերը արտաքին սպառնալիքները չեզոքացնելու և երկկողմանի



Ռուս խաղաղապահները Արցախում

պոտենցիալը լիարժեքորեն օգտագործելու հարցում: 2019 թ. ապրիլին Սուրբ Աթոռում ՀՀ նախկին դեսպան Միքայել Մինասյանը հայ-ռուսական հարաբերությունների համար առաջարկել էր «Երկու պետություն՝ մեկ նպատակ» բանաձևը²: Սակայն այն ժամանակների իրողությունները, ինչպես նաև արդեն հիշատակված արտաքին ազդեցությունները թույլ չտվեցին, որ հայ դիվանագետի առաջարկը լսելի լինի Հայաստանի ու Ռուսաստանի իշխանությունների համար: Իսկ այժմ մեր երկիրը, ցավոք, իր համար կենսական նշանակություն ունեցող այդ խնդիրը լուծելու ռեսուրս գրեթե չուի:

Իսկ ինչ է այժմ կատարվում հայ-ռուսական հարաբերություններում: Եթե լսելու լինենք երկու երկրների ղեկավարների ու բարձր պաշտոնյաների հայտարարությունները, ապա ամեն ինչ լավ է. քաղաքական կապերն ակտիվ են, ապրանքաշրջանառությունը մեծանում է, առևտուրը՝ զարգանում, սոցիալական խնդիրները՝ լուծվում և այլն: Բայց ակնհայտ է, որ, չնայած այս ամենին, հայ-ռուսական հարաբերությունները հեռու են իրապես դաշնակցային մակարդակի լինելուց. չկան ընդհանուր նպատակներ: Բոլոր այն հարցերը, որոնք քննարկվում են Հայաստանի և Ռուսաստանի ղեկավարների կողմից, հիմնականում տեխնիկական բնույթի են և բնորոշ ցանկացած երկու երկրների հարաբերություններին: Պարզ է, որ հաղորդակցության նման մակարդակն այն չէ, ինչը կարող էր բավարարել Հայաստանի ու Ռուսաստանի իրական շահերը: Այս հարցում խնդիրներ շատ կան, որոնց հաղթահարման համար, սակայն, միանգամայն այլ իրողություններ են անհրաժեշտ: Նվազագույնը՝ Հայաստանի ու Արցախի քաղաքական շահի համար կոիվ տվող իշխանություն Երևանում: Բայց սա թերևս հետագա քննարկումների հարց է:

Վերադառնանք Ռուսաստանի տարածաշրջանային քաղաքականության հիմնական ուղղություններին և հայկական ազգային շահին դրանց առնչությամբ: Ինչպես հայտնի է, 2021 թ. քաղաքական տարին

մեկնարկեց հունվարի 11-ին Մոսկվայում կայացած Պուտին-Փաշինյան-Ալիև եռակողմ հանդիպմամբ, որի արդյունքներով կողմերը որոշեցին երեք երկրների փոխվարչապետների մակարդակով ստեղծել աշխատանքային խումբ, որը կգրավեր տարածաշրջանում բոլոր տնտեսական և տրանսպորտային կապերն ապաշրջափակելու մասին 2020 թ. նոյեմբերի 9-ի հայտարարության համապատասխան դրույթը կյանքի կոչելու գործով³: Սա ռուսական կողմի առաջարկն էր, որը հնարավորինս շուտ իրագործելու համար սույն հայտարարության 4-րդ կետում կոնկրետ ժամկետներ էին նշված: Այսպես՝ ՀՀ, ԱՀ և ՌԴ փոխվարչապետներից կազմված աշխատանքային խումբը պետք է արդեն 2021 թ. մարտի 1-ին երեք երկրների ղեկավարների հաստատմանը ներկայացնեի Ադրբեջանի և Հայաստանի տարածքներով միջազգային փոխադրումների կազմակերպման, իրականացման և անվտանգության ապահովման համար անհրաժեշտ տրանսպորտային նոր ենթակառուցվածքների օբյեկտների վերականգնման և կառուցման միջոցառումների ցանկն ու իրականացման ժամանակացույցը: Սակայն այս գործընթացը բավական ձգձգվեց և մինչ այս պահը մնում է անավարտ:

Հունվարի 11-ի հանդիպման ընթացքում պաշտոնական Մոսկվան փաստորեն ընդգծեց նոյեմբերի 9-ի եռակողմ հայտարարության իր համար ամենակարևոր դրույթը՝ տարածաշրջանի տնտեսական և տրանսպորտային կապերի ապաշրջափակումը: Վստահ եմ՝ քաղաքական զարգացումներին հետևող ընթերցողը նկատել է, որ ամբողջ տարվա ընթացքում ռուս քաղաքական գործիչները հենց այս խնդիրն էին հիմնականում շեշտադրում: Սակայն այս հարցն ունի մի շարք խութեր և խոչընդոտներ, որոնք ակնհայտորեն խանգարում են թե՛ ռուսական և թե՛ հայկական կողմերին: Խոսքը առաջին հերթին թուրք-ադրբեջանական դաշինքի՝ ՀՀ տարածքով անցնող և որևէ կերպ վերահսկողության

չենթարկվող, այսպես կոչված, Զանգեզուրի միջանցք ստեղծելու պահանջի մասին է: Այս հարցի առնչությամբ ռուս պաշտոնյաների հայտարարությունները հիմնականում համընկնում են այն դիրքորոշման հետ, որը բարձրաձայնվում է պաշտոնական Երևանի կողմից, այն է՝ ապաշրջափակվող ճանապարհները պետք է մնան այն երկրների իրավասության ներքո, որոնց տարածքներով անցնում են: Մինևս ժամանակ ռուսական մամուլն ու իշխանամերձ փորձագիտական շրջանակները նշում են նաև, որ այդ միջանցքը կարող է վերահսկվել Ռուսաստանի համապատասխան ծառայությունների կողմից: Ավելորդ չէ հիշեցնել, որ նոյեմբերի 9-ի եռակողմ հայտարարության 9-րդ կետում հստակ նշված է, որ ՀՀ տարածքով անցնող՝ Ադրբեջանը Նախիջևանի հետ կապող «տրանսպորտային հաղորդակցության հսկողությունն իրականացնում են ՌԴ ԱԴԾ Սահմանապահ ծառայության մարմինները»⁴:

Ելնելով այս ամենից՝ կարելի է պնդել, որ Ռուսաստանը կողմ է մեր տարածաշրջանում տնտեսական և տրանսպորտային կապերի ապաշրջափակմանը պայմանով, որ դրանց հսկողությունն իրականացվի հենց իր կողմից: Եվ սա Հարավային Կովկասում ՌԴ աշխարհաքաղաքական և աշխարհատնտեսական կարևոր առաջնահերթություններից մեկն է:

Երկրորդ կարևոր հարցը, որ փորձում է լուծել Ռուսաստանը, մեր տարածաշրջանում իր ռազմական ներկայությանը սպառնացող վտանգների չեզոքացումն է: 2021 թ. ողջ ընթացքում մենք եղել ենք ականատեսն այն բանի, թե ինչպես են Ռուսաստանի ռազմաքաղաքական իշխանությունները մեծացնում իրենց զորամիավորումների կարողությունները Հայաստանում և Արցախում: Ամբողջ տարվա ընթացքում շարունակ հայտարարություններ են հնչել այն մասին, որ ռուսական զորքը, ինչպես նաև Արցախում տեղակայված խաղաղապահ ուժերը դեռ երկար կմնան տարածաշրջանում: Ավելին՝ ռուսական զորքերն ընդլայնել են Հայաստանում իրենց ներկայության աշխարհագրությունը և այժմ արդեն ապահովում են նաև հայ-ադրբեջանական սահմանի զգալի հատվածի անվտանգությունը: Սա կարևոր ուղերձ է, որը խոսում է Ռուսաստանի մտադրությունների լրջության մասին:

ՌԴ տարածաշրջանային քաղաքականության երրորդ կարևոր ուղղությունը Հարավային Կովկասում այլ տերությունների հնարավորությունների սահմանափակումն է: Այս հարցում Ռուսաստանը մրցակցում է և Թուրքիայի, և Իրանի, և Արևմուտքի հետ: 2021 թ. նոյեմբերի 19-ին, ելույթ ունենալով դիվանագիտական կորպուսի առջև, ՌԴ նախագահ Վլադիմիր Պուտինը պահանջել է իր արտաքին գերատեսչությունից անվտանգության երաշխիքներ ստանալու համար բանակցություններ սկսել ԱՄՆ-ի և ՆԱՏՕ-ի անդամ երկրների հետ⁵: Այդ երաշխիքների թվում են նաև ՆԱՏՕ-ին Վրաստանի անդամակցության բացառումը և Ատլանտյան դաշինքի զորքերի ու ռազմական



Ռուս զինվորականները Մյունխբում

Քաղաքական

համակարգերի տեղակայումը Ռուսաստանին հարող և Ռուսաստանի համար սպառնալիք ներկայացնող տարածաշրջաններում: Եթե հաշվի առնենք այն փաստը, որ 44-օրյա պատերազմի հետևանքով մեր տարածաշրջանում ավելացել է նաև ՆԱՏՕ-ի անդամ մեկ այլ երկրի՝ Թուրքիայի ռազմական ներկայությունը, ապա կարելի է ենթադրել, որ այս իրողությունը նույնպես պիտի առաջացնի Մոսկվայի հակազդեցությունը: Իհարկե, արցախյան վերջին պատերազմից հետո Ռուսաստանն ու Թուրքիան մի շարք հարցերում կարծես բավական լավ փոխըմբռնում ունեն, բայց նաև նկատելի է, որ երկու կողմերի հարաբերությունները սրընթաց անկում են ապրում: Համենայնդեպս, Անկարային ու Մոսկվային այլևս չի հաջողվում կոծկել մի շարք կարևոր հարցերում կողմերի հակասությունները: Ավելին՝ ուկրաինական ճգնաժամի առկայությամբ Թուրքիայի և Ռուսաստանի պաշտոնաստար անձինք վաղուց արդեն անցել են բաց սպառնալիքների լեզվին:

Ամենից կարևոր և հեռանկարային խնդիրը, սակայն, որ Ռուսաստանը փորձում է լուծել մեր տարածաշրջանում, Հարավային Կովկասի ամբողջական ինտեգրումն է ռուսական առաջնությունում գործող կառույցներում: Մյուս բոլոր առաջնահերթությունները ծառայում են հենց այս՝ ամենազիջված նպատակին: Պաշտոնական Մոսկվան ցանկանում է տեսնել Հայաստանը, Վրաստանն ու Ադրբեյջանը ԵԱՏՄ և ՀԱՊԿ կազմում, իսկ հետագայում՝ նաև միութենական պետությունների կարգավիճակում: Բայց ահա այս հարցում ի հայտ են գալիս Ռուսաստանի ամենամեծ խնդիրները՝ թուրք-ադրբեյջանական, վրաց-արևմտյան, իրանական, չինական և այլ հակազդեցությունները: Չնայած մեր պետության աղետալի վիճակին՝ ռուսական այդ ծրագրերի առումով խնդիրներ կան նաև Հայաստանում: Դրանց մի մասին արդեն անդրադարձել ենք մեր հոդվածի սկզբում: Բայց դա ամենը չէ: Իրական խնդիրն այն է, որ ռուսական ինտեգրացիոն ծրագրերը

Հայաստանում հիմնականում ընկալվում են որպես երկրի գաղութացման գործընթաց: Միավորում են արդյոք այդպես մտածող շրջանակները: Իրողությունն այն է, որ Ռուսաստանից ստացվող ազդակներն այլ ենթադրություններ անելու քիչ հնարավորություններ են թողնում հայկական քաղաքական վերնախավին: Այս հարցում էլ ամեն ինչ այնքան միանշանակ չէ, որքան կարող է թվալ առաջին հայացքից: Բանն այն է, որ հայ քաղաքական միտքն էլ ըստ արժանվույն չի ուսումնասիրել Ռուսաստանի տարածաշրջանային քաղաքականության նպատակներն ու տրամաբանությունը և չի տվել մի շարք կարևոր հարցերի պատասխաններ: Օրինակ՝ աջակցել Ռուսաստանին մեր տարածաշրջանում մղվող աշխարհաքաղաքական պայքարում, թե՛ ոչ: Աջակցել նրա ռազմական պոտենցիալի մեծացմանը Հարավային Կովկասում: Ինչ կարևոր գծեր սահմանել ռուսական առաջնությունում իրականացվող ինտեգրացիոն ծրագրերի համար և այլն: Հարցերն իրականում շատ են: Բայց դրանցից յուրաքանչյուրի վերաբերյալ Հայաստանը պետք է ունենա մշակված քաղաքականություն ու գիտակցված որոշումներ կայացնելու մեխանիզմներ: Հակառակ պարագայում նույնիսկ Ռուսաստանի օգտին արված մեր քայլերը ընկալվելու են ոչ թե որպես դաշնակցին մատուցված ծառայություն, այլ պարտադրված որոշում, որի այլընտրանքը թուրքական յաթաղանն է: Իրականում սա մեծ խնդիր է Հայաստանի համար. մեծերի հետ դժվար է ոչ միայն մրցակցել, այլև գործակցել: Բայց այդ խնդիրն լուծում տալու համար նախ և առաջ պետք է հստակ գիտակցել սեփական ազգային շահը: Հակառակ պարագայում երկիրը կվերածվի արտաքին ազդեցություններին տրված մի պետության, որը, վերջին հաշվով, բոլորի համար կվերածվի անլուրջ և անվստահելի մի երևույթի: Իսկ այդ դեպքում պետությունները պարզապես դատապարտված են կործանման: Ցավոք, Հայաստանը ներկայումս ընթանում է հենց այդ ուղով: Եվ այդ ընթացքի կասեցման առաջին քայլը շարունակում է մնալ նույնը՝ կապիտուլյանտ իշխանությունների հեռացումն ու ազգային ղեկավարության հաստատումը: ■



Պուրինի, Փաշինյանի և Ալիևի հանդիպումը Մոսկվայում՝ 2021 թ. հունվարի 11-ին

Հղումներ

- 1- Զախար Պրիլեպին, ֆեյսբուքյան գրառում, 27.09.2020թ., <https://www.facebook.com/zaharprilepin/posts/3609654519078843>:
- 2- Տևուր Միկաէլ Մինասյան, «Два государства – одна цель». Необходима новая архитектура армяно-российского союзнчества, 20.04.2019г., https://www.ng.ru/cis/2019-04-20/100_173218042019.html:
- 3- Տևուր Նիկոլ Փաշինյանի, Վլադիմիր Պուտինի և Իլիամ Ալիևի հանդիպման արդյունքներով ընդունվել է համատեղ հայտարարություն, 11.01.2021թ., <https://www.primeminister.am/hy/press-release/item/2021/01/11/Nikol-Pashinyan-Moscow-meeting-Announcement/>:
- 4- Հայաստանի Հանրապետության վարչապետի, Ադրբեյջանի Հանրապետության նախագահի և Ռուսաստանի Դաշնության նախագահի հայտարարությունը, 10.11.2020թ., <https://www.primeminister.am/hy/press-release/item/2020/11/10/Announcement/>:
- 5- Տևուր Պուտին поручил МИД РФ начать переговоры о создании системы гарантий безопасности, 19.11.2021г., <https://tass.ru/politika/12971059>:

Տեղական ինքնակառավարման համակարգի ձևավորումը. 2021 թ. ՏԻՄ ընտրությունները Վրաստանում և դրանց ազդեցությունը Ջավախքի վրա

Վահե Մարգարյան
ՀՀ ԳԱԱ պատմության ինստիտուտի գիտաշխատող, պատմ. գիտ. թեկնածու

Պրեֆեկտուրայի ինստիտուտի ներդրումը Վրաստանում

Անկախացման գործընթացին զուգահեռ՝ 1991 թ. հունվարի 29-ի հերթական նիստում Վրաստանի Գերագույն խորհուրդն ընդունեց տեղական ինքնակառավարման մասին օրենք: Այդ օրենքի համաձայն՝ հանրապետական ենթակայության քաղաքներում և շրջաններում այդուհետ կառավարման գործառնություններն իրականացնելու էր **պրեֆեկտը**: Պրեֆեկտը կենսագործելու էր վերադաս մարմինների որոշումները: Նա նշանակվելու էր չորս տարի ժամկետով, Գերագույն խորհրդի նախագահի ներկայացմամբ, ազատվելու էր Գերագույն խորհրդի նախագահության կողմից և հաշվետու էր լինելու Գերագույն խորհրդին, նրա նախագահությանն ու Նախարարների խորհրդին:

Պրեֆեկտը նշանակում և ազատում էր ինչպես պրեֆեկտուրայի ստորաբաժանումների, այնպես էլ տեղական սեփականություն հանդիսացող ձեռնարկությունների, հիմնարկների և կազմակերպությունների ղեկավարներին: Նա իրավունք ուներ վերացնելու տեղական իշխանության մարմիններ հանդիսացող ժողովների այն ակտերը, որոնք չէին համապատասխանում Վրաստանի Հանրապետության օրենսդրությանը, թույլատրում էր տնտեսական գործունեություն, իրականացնում մի շարք այլ գործառնություններ: Ինչպես տեսնում ենք, այս պաշտոնյային օժտել էին մի շարք լուրջ իրավունքներով, որոնց կիրարկմամբ նա կարող էր ազդել տվյալ շրջանի ինչպես տնտեսական, այնպես էլ ներքաղաքական կյանքի վրա¹:

1991 թ. մարտի 31-ին՝ ԽՍՀՄ պահպանման հանրաքվեի օրը, Վրաստանում առաջին անգամ անցկացվեցին տեղական ինքնակառավարման մարմինների՝ տեղական ժողովների (սակրեբուլոնների) ընտրությունները: 1992 թ. իշխանափոխությունից հետո պրեֆեկտուրայի ինստիտուտը վերացվեց, և տեղերում ողջ իշխանությունը փոխանցվեց շրջանային վարչությունների նախագահներին: 1993 թ. հոկտեմբերից սկսվեց պետության ղեկավարների լիազորների և երկրամասային վարչությունների ինստիտուտի ձևավորումը: 1993-1995 թթ. ստեղծվեցին *1-ին մակարդակի վարչական միավորները*. երկիրը բաժանվեց 9 տարածաշրջանի, 2 ինքնավար հանրապետության (Աբխազիա, Աջարիա) և մայրաքաղաք Թբիլիսիի: Յուրաքանչյուր տարածաշրջանում նշանակվեց պետության ղեկավարի (հետագայում՝ նախագահի) լիազոր-ներկայացուցիչ



(նահանգապետ)?:

Տեղական ինքնակառավարման մարմինների ձևավորման հետագա ընթացքը Վրաստանում և դրա ազդեցությունը Ջավախքի վրա

Ի տարբերություն ՀՀ-ի՝ Վրաստանում չլուծարվեցին նախկին խորհրդային շրջանները, որոնք (շուրջ 7 տասնյակ)՝ որպես տեղական ինքնակառավարման *2-րդ մակարդակի միավորներ*, առանձին շրջանների (քաղաքապետարաններ, մունիցիպալիտետներ) տեսքով ներառվեցին նորաստեղծ նահանգների մեջ: Երկու ինքնավար հանրապետություններում՝ Աջարիայում և Աբխազիայում² ևս պահպանվեցին նախկին խորհրդային շրջանները, փոխարենը հարավօսեթական ինքնավար մարզի լուծարման և դրա տարածքի՝ 4 նորաստեղծ նահանգների մեջ բաշխման հետ մեկտեղ լուծարվեցին նաև դրա 4 շրջանները³:


Է. Շևարդնաձեի 1994 թ. հուլիսի 31-ի հրամանագրով կազմավորվեց նաև Սամցխե-Ջավախքի նահանգը: Սամցխե (Ադիգենի, Ախալցխայի և Ասպինձայի շրջաններ) և Ջավախք (Ախալքալաքի և Նինոծմինդայի շրջաններ) պատմական գավառների հետ այս նահանգի մեջ ներառվեց նաև գերակշիռ մասով վրացաբնակ Բորժոմի շրջանը, սակայն նահանգից դուրս մնաց հիմնականում հայերով և հույներով բնակեցված մեկ այլ շրջան՝ Ծալկայի շրջանը (պատմական Թոնեղ գավառը): Արիեստական այս վարչաբաժանումը նպատակ ուներ նահանգում

նվազեցնելու հայության տեսակարար կշիռը չնայած որ հայերը դարձյալ շարունակեցին մեծամասնություն կազմել:

1995 թ. օգոստոսի 24-ին ընդունվեց Վրաստանի Սահմանադրությունը: Եվ քանի որ դեռևս կարգավորված չէին Աբխազիայի և Հարավային Օսեթիայի հետ հարաբերությունները (վերջիններս փաստացի անկախ էին), Սահմանադրության մեջ երկրի տարածքային կարգավորման հարցը բաց մնաց: Սահմանադրության 2-րդ հոդվածի 3-րդ կետում նշված էր, որ «Վրաստանի պետական-տարածքային կառուցվածքը սահմանվելու է սահմանադրական օրենքով՝ երկրի ամբողջ տարածքի վրա Վրաստանի իրավասության վերականգնումից հետո լիազորությունների սահմանափակման սկզբունքի հիման վրա»⁵: Հետևաբար փաստացի գոյություն ունեցող երկրամասային բաժանումը իրավաբանական ձևակերպում չստացավ: Այս հարցը նույն պատճառներով կարգավորված չէ առ այսօր:

1997 թ. վերջին մշակվեց և 1998 թ. հունիսի 25-ին Վրաստանի նախագահի կողմից ստորագրվեց Վրաստանի «Տեղական ներկայացուցչական մարմինների՝ ժողովների ընտրությունների մասին» օրենքը: Նշված օրենքով (Վրաստանի Սահմանադրության 2-րդ հոդվածի 3-րդ կետի համապատասխան) մինչև Վրաստանի տարածքային-պետական կառուցվածքի մասին սահմանադրական օրենքի ընդունումը (որը, ինչպես բազմիցս նշել ենք, առ այսօր ընդունված չէ) սահմանվում էին տեղական ինքնակառավարման և կառավարման մարմինների ստեղծման և գործունեության հիմունքները: 1998 թ. նոյեմբերի 16-ին ՏԻՄ ընտրություններն անցկացվեցին այս օրենքով: Նշենք նաև, որ մինչ այս ընտրությունները՝ սկսած 1995 թ. Սահմանադրության ընդունումից, երկրամասում փաստացի դադարեցված էին 1991 թ. Ջվիադ Գամսախուրդիայի օրոք ընդունված «Վրաստանի Հանրապետության տեղական իշխանությունների մարմինների՝ ժողովների ընտրությունների մասին» օրենքի լիազորությունները (իրավաբանորեն 1991 թ. ընդունված այս օրենքն ուժը կորցրած ճանաչվեց միայն 1998 թ. հունիսի 25-ի օրենքով), իսկ նոր օրենքի ընդունման ձգձգման պատճառով մի քանի տարի տեղում կարգավորված չէր ժողովրդական լայն զանգվածների՝ տեղական ներկայացուցչական մարմինների մաս կազմելու գործընթացը, ինչի հետևանքով երկրամասում ստեղծվել էր բարոյահոգեբանական անառողջ մթնոլորտ:

Իսկ ինչ էր նախատեսվում 1998 թ. վերոնշյալ օրենքով: Տեսնենք դա ըստ հոդվածների. «Բազմամանդատային ընտրական շրջաններում տեղական ներկայացուցչական մարմինների՝ ժողովների ընտրություններն անցկացվում են համամասնական ընտրակարգով, եթե համապատասխան ժողովի տարածքում ընտրողների թիվը գերազանցում է 2000-ը»: «Բազմամանդատային ընտրական շրջաններում տեղական ներկայացուցչական մարմինների՝ ժողովների ընտրու-



Վրաստանի վարչատարածքային քարտեզ

թյուններն անցկացվում են մեծամասնական ընտրակարգով, եթե համապատասխան ժողովի տարածքում ընտրողների թիվը չի գերազանցում 2000-ը»:

Ինչ է ստացվում: Փաստորեն, եթե տվյալ բնակավայրում ընտրողների թիվը անցնում էր 2000-ից, և այդ տարածքում առաջադրվող թեկնածուն չէր պատկանում որևէ կուսակցության, իրավունք չունեի առաջադրվելու: Այստեղ կա քաղաքացու՝ և՛ ընտրելու, և՛ ընտրվելու իրավունքի խախտում: Սա՝ մի կողմից: Մյուս կողմից՝ սույն օրենքով խախտվում էր արդարությունը Մամգիե-Ջավախք-Ծալկայի հայաբնակ շրջաններում: Բանն այն էր, որ նախ և առաջ այս շրջաններում գրանցված չէր հայկական ոչ մի կուսակցություն, և ընտրությունների ժամանակ իրենց գործն էին տեսնելու վրացական կուսակցությունները (հատկանշական է, որ 1998 թ. նոյեմբերի ընտրություններին Նիկոմիմիդայի շրջանում տեղական ինքնակառավարման մարմինների 123 պատգամավորական տեղերի համար պայքարող 338 թեկնածուներից 224-ը ներկայացնում էին Վրաստանի քաղաքացիների միությունը, 94-ը՝ վրացական «Լեմի» քաղաքական կազմակերպությունը, և միայն 12-ն էին անկախ թեկնածուներ), իսկ մեծամասնական ընտրակարգով ընտրելու և ընտրվելու հնարավորությունից օգտվելիս առաջ էր գալիս ևս մեկ օրինախախտում, որը պարզապես անհնար էր դարձնում մեծամասնական ընտրակարգով ընտրելը և ընտրվելը: Դա կապված էր այն բանի հետ, որ այս շրջաններում տեղական ժողովները ձևավորվել էին մի քանի գյուղերից, ինչն էլ իր հերթին «սպասեցրել էր» ձայների 2000-ից ավելի լինելը, իսկ մեկ ժողովը համարվում էր մեկ ընտրատարածք:

Այս ամենին զուգահեռ՝ երկրի ղեկավար Է. Շևարդնաձեն իրեն վերապահեց շրջանային վարչության նախագահին նշանակելու իրավունքը: Եվ եթե Զ. Գամսախուրդիայի իշխանության օրոք համընդհանուր քառույթի պայմաններում դա հասկանալի էր, ապա այս դեպքում դա կարելի էր դիտել որպես հակաժողովրդական քայլ:

2001 թ. օգոստոսի 2-ին նախագահ Է. Շևարդնաձեն ստորագրեց Վրաստանի նոր ընտրական օրենսգիրքը⁶, որով ուժը կորցրած ճանաչվեցին Վրաստանի

«Տեղական ներկայացուցչական մարմինների՝ ժողովների ընտրությունների մասին» օրենքը (1998 թ.), «Վրաստանի խորհրդարանի ընտրությունների մասին» (1995 թ.) և «Վրաստանի նախագահի ընտրությունների մասին» (1995 թ.) օրգանական օրենքները: Սույն օրենքի հիման վրա 2002 թ. Վրաստանում անցկացվեցին ՏԻՄ ընտրություններ (ընդհանուր առմամբ՝ 3-րդ), որոնք կրկին վեր հանեցին Ջավախքի շրջանների՝ ազգաբաշխական պատկերին անհամահունչ շրջանային ժողովների ձևավորմանն առնչվող խնդիրները⁷: Այսպես՝ Ախալքալաքի շրջանում վրացաբնակ բոլոր գյուղերը (օրինակ՝ Հոկամ՝ 443 ընտրող, Չունչխա՝ 243, Պրտենա՝ 216, Գոգաշեն՝ 299, Կոթելիա՝ 315 և այլն) ունեին առանձին գյուղական ժողովներ, այն դեպքում, երբ հայաբնակ գյուղերի պարագայում ժողովները ձևավորվում էին մի քանի գյուղերից: Փաստենք նաև, որ հայաբնակ այդ գյուղերից յուրաքանչյուրը, առանձին վերցրած, ավելի շատ ընտրող ուներ, քան նշված վրացական գյուղերը: Այս անարդարությունը հանգեցրել էր նրան, որ, օրինակ, Ախալքալաքի շրջանային ժողովում հավասար ձայներով էին ներկայացված 10.000 բնակիչ ունեցող Ախալքալաք քաղաքը, 6.000 բնակիչ ունեցող Կարտիկամի գյուղական ժողովը և 400 բնակիչ ունեցող վրացական Չունչխա գյուղը: Հետևանքն այն էր, որ 96 %-ով հայերով բնակեցված Ախալքալաքի շրջանային ժողովի 22 մեծամասնական տեղերից 5-ը ազգությամբ վրացիներ էին զբաղեցնում, մինչդեռ, ըստ համամասնության, Ախալքալաքի շրջանի վրացական համայնքը շրջանային ժողովում պետք է ունենար 1 ներկայացուցիչ:

Տեղական ինքնակառավարման մասին եվրոպական խարտիային Վրաստանի միանալով (*Վրաստանը Տեղական ինքնակառավարման մասին եվրոպական խարտիան* (1985 թ. հոկտեմբերի 15, *Սյրասբուրգ*) ստորագրել է 2002 թ., վավերացրել 2004 թ.: Այն երկրի փարածքում ուժի մեջ մտավ 2005 թ. ապրիլի 1-ից)⁸ նոր իրավիճակ ստեղծվեց երկրում: Պայմանավորված այդ իրողությամբ՝ մշակվեց և 2005 թ. վերջին Վրաստանի խորհրդարանի կողմից ընդունվեց ՏԻՄ նոր օրենքը⁹, որի հիման վրա 2006 թ. աշնանը Վրաստանում տեղի ունեցան տեղական ինքնակառավարման նոր (4-րդ) ընտրություններ:

Նոր օրենքն արմատապես փոխեց երկրում գործող ինքնակառավարման համակարգը: Տեղի ունեցավ գոյություն ունեցող ինքնակառավարվող միավորների խոշորացում, և մինչ այդ գործող ինքնակառավարման 3-րդ մակարդակի 1004 միավորի (նախկին խորհրդային գյուղական խորհուրդները հիմնականում դարձել էին տեղական ինքնակառավարման առանձին միավորներ՝ ժողովներ) փոխարեն ձևավորվեցին ընդամենը 68-ը: Ձևավորվեցին միայն շրջանային ընդհանուր ինքնակառավարման մարմիններ, այսինքն՝ շրջանային ժողովներ (սակրեբուլոներ), իսկ դրանց հենքի վրա՝ շրջանային վարչություն (գործադիր մարմին): Շրջանային ժողովը, փաստորեն, դարձավ մի յուրօրինակ խորհրդարան: Շրջանային վարչությունը

շրջանի կազմի մեջ մտնող բնակավայրերում կամ բնակավայրերի խմբում նշանակեց լիազորներ, այսինքն՝ իր գործառնություններն իրականացնող անձանց: Սակրեբուլոն՝ շրջանային ժողովը, ձևավորվեց հետևյալ սկզբունքով. շրջաններում համամասնական ընտրակարգով ընտրվեց 10 անդամ, իսկ շրջանի կազմի մեջ մտնող նախկին սակրեբուլոներից (գյուղական, թեմական ժողովներ) մեծամասնական ընտրակարգով՝ մեկական անդամներ: Մեծ քաղաքների ինքնակառավարվող սակրեբուլոյում ընտրվեցին համամասնական ընտրակարգով 10 և մեծամասնական ընտրակարգով 5 անդամ:

Օրինակ՝ Ախալքալաքի շրջանում ձևավորվեց մեկ ժողով, որում ընդգրկվեցին կուսակցական ցուցակներով (համամասնական ընտրակարգ) ընտրված 10 և Ախալքալաքի շրջանի կազմի մեջ մտնող ինքնակառավարվող միավորների (դրանք 22-ն են)՝ մեծամասնական ընտրակարգով ընտրված մեկական պատգամավորներ, այսինքն՝ շրջանային ժողովի պատգամավորների ընդհանուր թիվը կազմեց 32: Գյուղական հիմնախնդիրները, ըստ օրենքի, կարգավորվում էին ինչպես ընտրված պատգամավորների, այնպես էլ գործադիրի (որը շրջանային ժողովի կողմից, ըստ օրենքի, օժտված էր լինելու տեղում ծառայություններ իրականացնելու լիազորություններով) միջոցով:

Ինքնակառավարման մարմնի գործադիր օրգանը վարչությունն էր: Նոր օրենքով վարչության նախագահին (քաղաքապետին) ընտրում էր շրջանային ժողովը, այսինքն՝ ընտրությունը դարձավ անուղղակի:

Ջավախքի պարագայում, կարելի է ասել, որ նոր օրենքը իրադրության վրա էական ազդեցություն չունեցավ: Չնայած գյուղական շրջաններում ժողովները շատ աղքատ էին, բայց, փոխանակ դրանք հզորացվեին, ընդհանրապես վերացվեցին, և ինքնակառավարման մարմինն էլ ավելի հեռացավ ժողովրդից, չնայած, ըստ եվրոպական խարտիայի, որքան ինքնակառավարումը մոտ է ժողովրդին, այնքան այն ավելի բարձր մակարդակի է:

Շրջանային ժողովներում ազգային կազմի անարդարացիության առումով հարաբերակցությունը դարձյալ մնաց նույնը: Օրինակ՝ Ախալքալաքի շրջանի սակրեբուլոյի 32 անդամից 10-ը, ըստ օրենքի, կուսակցությունների հայեցողությամբ ներկայացված անձինք էին, 5-ը՝ ազգությամբ վրացի, և միայն 17-ը՝ հայազգի: Նույն պատկերը ձևավորվեց նաև 2010 թ. տեղի ունեցած ՏԻՄ ընտրությունների (5-րդ) արդյունքներով:

2011 թ. վերջին Վրաստանում ընդունվեց ընտրական¹⁰, 2014 թ. տեղական ինքնակառավարման մասին նոր օրենսգրքերը¹¹, որոնք, ենթարկվելով մի շարք փոփոխությունների, գործում են առ այսօր: Այս օրենքների հիման վրա 2014, 2017 և 2021 թվականներին անցկացվեցին տեղական ինքնակառավարման մարմինների համապատասխանաբար 6-րդ, 7-րդ և

Կալածեն (55.6 %), Ռուսթավում՝ Նինո Լացարիձեն (53.7 %), Քութայիսում՝ Իոսեթ Խախալեիշվիլին (51.7 %), Փոթիում՝ Բեքա Վաճառաձեն (57.3 %), Բաթումում՝ Արչիլ Չիքովանին (51 %)¹⁷:

2-րդ փուլում 15 շրջաններում ևս հիմնական մրցակից ուժերը իշխող «Վրացական երազանքը» և ընդդիմադիր ՄԱՇ-ն էին: Այս դեպքում ևս հաղթանակը գրեթե ամբողջությամբ իշխող ուժին էր. 1. Թեթվում՝ 56.9 %, 2. Թիանեթում՝ 54.8 %, 3. Քարելում՝ 56.7 %, 4. Խաշուրում՝ 59.1 %, 5. Ցագերում՝ 63.5 %, 6. Բաղդաթում՝ 60.7 %, 7. Ծղալտուրյում՝ 57.1 %, 8. Օզուրգեթում՝ 55.4 %, 9. Սենակում՝ 53.1 %, 10. Մարտվիլիում՝ 51.8 %, 11. Խոբիում՝ 56.8 %, 12. Ջուզղիդում՝ 51.6 %, 13. Չխորժոդում՝ 50.9 %, 14. Խելվաչաուրիում՝ 55 %¹⁸, և միայն Ծալենջիսայի շրջանի ղեկավարն է ընտրվել ՄԱՇ-ից՝ 51.1 %-ով պարտության մատնելով «Վրացական երազանքի» թեկնածուին (վերջինս ստացել էր 48.9 % քվե)¹⁹:

Այսպիսով՝ **Վրաստանի 59 ինքնակառավարվող շրջաններից** (համայնք, մունիցիպալիտետ կամ քաղաքապետարան)²⁰ 58-ի, 5 խոշոր քաղաքների (այդ թվում՝ մայրաքաղաքի) ղեկավարներ ընտրվեցին իշխող ուժի թեկնածուները, 1-ում՝ ընդդիմադիր «Միացյալ ազգային շարժում» ուժի թեկնածուն: Վրաստանի 59 ինքնակառավարվող շրջաններից 58-ի, 5 ինքնակառավարվող քաղաքներից 4-ի (այդ թվում՝ մայրաքաղաքի) համամասնական և մեծամասնական կարգերով ձևավորված ժողովներում նույն կերպ գերակշիռ (50+) դիրք զբաղեցրեց իշխող «Վրացական երազանքը». ընդդիմադիր ՄԱՇ-ը առավելություն ունեցավ միայն Ջուզղիդի շրջանային ժողովում և ինքնակառավարվող Բաթումի քաղաքային ժողովում:


Ջավախքը 2021 թ. ՏԻՄ ընտրությունների նախօրյակին

2021 թ. հոկտեմբերին կայացած ՏԻՄ ընտրությունների նախօրեին հերթական անգամ փոփոխության ենթարկվեց Վրաստանի ընտրական օրենսգիրքը, և փոփոխություններից մեկով բազմաթիվ տեղերում միավորվեցին շրջանների (մունիցիպալիտետների)՝ 3-րդ մակարդակի ինքնակառավարվող միավորների հենքի վրա ձևավորված մեծամասնական ընտրատարածքները, ինչի հետևանքով էլ, օրինակ, Ախալքալաքի շրջանային ժողովում նվազեց մեծամասնական ընտրակարգով ընտրված պատգամավորների թիվը՝ 24-ից դառնալով 14: Փոխարենը՝ Ախալքալաքի շրջանային ժողովի պատգամավորների թիվը 38-ից դարձավ 42՝ համամասնական կարգով ընտրված պատգամավորների թվի ավելացման հաշվին, որը 14-ի փոխարեն դարձավ 28²¹:

Մեծամասնական ընտրատարածքների միավորումը դրական ազդեցություն ունեցավ Ախալքալաքի շրջանում, և մեծամասնական կարգով ընտրված հայ և վրացի պատգամավորների 13/1 հարաբերակցությունն

ինչ-որ տեղ արտացոլեց շրջանի ազգաբաշխական պատկերը (2014 թ. դրությամբ՝ շուրջ 42.000 հայ և 3.000 վրացի)²²: Այդուհանդերձ, միավորման նույն գործընթացը բացասական էական ազդեցություն թողեց Ջավախքի մեկ այլ՝ Ախալցխայի շրջանի վրա, որի շրջանային ժողովում մեծամասնական ընտրակարգով ընտրվող 13 պատգամավորից ընդամենը 3-ն են ազգությամբ հայ (1-ը՝ Ախալցխա քաղաքից, 2-ը՝ գյուղերից), ինչն այնքան էլ չի արտացոլում Ախալցխայի շրջանի ազգաբաշխական պատկերը. 2014 թ. մարդահամարի արդյունքներով՝ 26.400 վրացի և 12.000 հայ ազգաբնակչություն ունեցող Ախալցխայի շրջանում հարկ էր, որ մեծամասնական կարգով ընտրվեր առնվազն 4 հայ:

Ինքնակառավարվող համայնքներում տեղական մեծամասնական ընտրատարածքների միավորման հետևանքով մեկով նվազել է նաև Սամցխե-Ջավախք նահանգի Բորժոմի շրջանային ժողովում մեծամասնական կարգով ընդգրկվող հայերի թիվը (Տարածդուրի, Մոլիթ, Չխարոլա և Բալանթա գյուղերի հենքի վրա ձևավորված նախկին 2 ընտրատարածքների փոխարեն այժմ 1-ն է), քանի որ Բորժոմում այլ միավորումներ չեն եղել: Ասպինձայում 1 (Դամալա գյուղ) ընտրատարածքը, հետևաբար 1 հայազգի պատգամավորի տեղը պահպանվել է, փոխարենը միավորվել են վրացաբնակ գյուղերի առանձին ընտրատարածքներ: Նինոմմինդայի պարագայում փոփոխություն տեղի չի ունեցել, իսկ Ծալկայի շրջանում միավորվել են թե՛ հայաբնակ



Վրաստանի խորհրդարանի շենքը

գյուղերով կազմված նախկին ընտրատարածքները (հայաբնակ բոլոր 13 գյուղերն այժմ կազմում են 4 ընտրատարածք), թե՛ նախկինում հունաբնակ, այժմ աջարներով և սվաններով բնակեցված գյուղախմբերով կազմված ընտրատարածքները:

Ջավախքի Ախալքալաքի շրջանում ՏԻՄ ընտրություններին մասնակցեց 12 ուժ՝ 1. «Երրորդ ուժ», 2. «Եվրոպական Վրաստան. Շարժում հանուն ազատության», 3. «Միասնական ազգային շարժում», 4. «Եվրոպական դեմոկրատներ», 5. «Դավիթ Թարխան-Մուրադի, Իրմա Ինաշվիլի. Վրաստանի հայրենասերների դաշինք», 6. «Լեոն հանուն Վրաստանի», 7. «Շավվա Նաթելաշվիլի – Վրաստանի լեյբորիստական կուսակցություն», 8. «Եվրոպական սոցիալիստներ», 9. «Գիորգի Գախարիա – Վրաստանի համար», 10. «Գիրչի», 11. «Ազատ Վրաստան» (Զազա Խատիաշվիլի, Կախա Կուկավա, Գրիգոլ Ջոջուա), 12. «Վրացական երազանք – ժողովրդավարական Վրաստան»²³:

Ջավախքի մեկ այլ՝ Նինոծմինդայի շրջանում ՏԻՄ ընտրություններին մասնակցեցին 9 կուսակցություն և մեկ նախաձեռնող խումբ՝ 1. «Երրորդ ուժ», 2. «Եվրոպական Վրաստան. Շարժում հանուն ազատության», 3. «Միասնական ազգային շարժում», 4. «Եվրոպական դեմոկրատներ», 5. «Դավիթ Թարխան-Մուրադի, Իրմա Ինաշվիլի. Վրաստանի հայրենասերների դաշինք», 6. «Շավվա Նաթելաշվիլի – Վրաստանի լեյբորիստական կուսակցություն», 7. «Գիորգի Գախարիա – Վրաստանի համար», 8. «Ազատ Վրաստան» (Զազա Խատիաշվիլի, Կախա Կուկավա, Գրիգոլ Ջոջուա), 9. «Վրացական երազանք – ժողովրդավարական Վրաստան»: Սուրեն Մոսոյանը քաղաքապետի թեկնածու էր առաջադրվել նախաձեռնող խմբի կողմից²⁴:

Ախալքալաքում և Նինոծմինդայում շրջանի ղեկավարի (քաղաքապետի) թեկնածուներ էին առաջադրել միայն 3 կուսակցություններ՝ «Վրացական երազանք – ժողովրդավարական Վրաստան»-ը (Ախալքալաք, Նինոծմինդա), «Եվրոպական Վրաստանը» (Ախալքալաք) և «Միասնական ազգային շարժումը» (Ախալքալաք, Նինոծմինդա):

Ջավախքի մյուս շրջաններում՝ Ախալցխայում, Ասպինձայում, Ադիգենում և Բորժոմում, պայքարել է 15 քաղաքական ուժ: Այս շրջաններում համամասնական ցուցակներով առաջադրված 1.012 թեկնածուներից միայն 58-ն էին ազգությամբ հայեր, որոնցից 25-ը՝ Ախալցխայում, 5-ը՝ Ադիգենում, 8-ը՝ Ասպինձայում, 20-ը՝ Բորժոմում: Իսկ մեծամասնական ընտրակարգով առաջադրված 137 թեկնածուներից հայ էին միայն 12-ը, որոնցից 7-ը՝ Ախալցխայում, 1-ը՝ Ասպինձայում, 4-ը՝ Բորժոմում²⁵: Եվ մեծամասնական, և՛ համամասնական ընտրակարգերով թեկնածուներ էին առաջադրել ինչպես երկու հիմնական մրցակից կուսակցությունները՝ «Վրացական երազանք – ժողովրդավարական Վրաստան»-ը և ՄԱՇ-ը, այնպես էլ «Գիորգի Գախարիա – Վրաստանի համար»

նորաստեղծ կուսակցությունը և մի շարք այլ ուժեր: Կուսակցությունների ցուցակներում առաջադրված հայ թեկնածուների զբաղեցրած տեղերը խիստ տարբեր էին, ինչից ելնելով էլ՝ շատ դեպքերում զրոյական էր հավանականությունը, որ նրանք տեղ կզբաղեցնեին այս կամ այն շրջանի ՏԻՄ-ում:

Փոխարենը բոլորովին այլ պատկեր էր Ախալքալաքում և Նինոծմինդայում ազգությամբ վրացիների առաջադրման առումով: Այս շրջաններում 12 քաղաքական ուժերի՝ համամասնական ցուցակներով առաջադրված 524 թեկնածուներից 107-ը ազգությամբ վրացի էին. Ախալքալաքում տարբեր ուժերի կողմից առաջադրված 346 թեկնածուներից ազգությամբ վրացի էին 79-ը, իսկ Նինոծմինդայում 178 թեկնածուներից՝ 28-ը²⁶: Չափազանց հետաքրքրական է որոշ քաղաքական ուժերի կազմած համամասնական ցուցակների ազգային կազմը: «Գիրչի» կուսակցությունը (№ 36) Ախալքալաքում համամասնական կարգով առաջադրել էր 31 թեկնածուի, որոնց գրեթե կեսը (14-ը)՝ ազգությամբ վրացի (վերջիններս հանդես են եկել 1, 2, 4, 5, 6, 7, 8, 16, 17, 18, 19, 22, 24 և 30 համարների ներքո): Երկրի նախկին վարչապետ Գիորգի Գախարիայի «Գիորգի Գախարիա – Վրաստանի համար» կուսակցությունը (№ 25) Ախալքալաքում համամասնական կարգով առաջադրել էր 40 թեկնածուի, որոնցից 39-ն ազգությամբ վրացի էին (հանդես են եկել 2-40 համարների ներքո): Պատկերը նույնն էր «Եվրոպական դեմոկրատներ» (№ 6) կուսակցության պարագայում. առաջադրված 28 թեկնածուներից ընդամենը 1-ն էր ազգությամբ հայ, այն էլ՝ 26 համարի ներքո: Իսկ անհա «Շավվա Նաթելաշվիլի – Վրաստանի լեյբորիստական» կուսակցությունը (№ 10) Ախալքալաքում համամասնական կարգով առաջադրել էր 32 թեկնածուի, որոնք բոլորն ազգությամբ վրացի էին: «Շավվա Նաթելաշվիլի – Վրաստանի լեյբորիստական կուսակցություն» և «Գիորգի Գախարիա – Վրաստանի համար» կուսակցությունների համամասնական ցուցակների պարագայում ազգաբաշխական նույն պատկերն էր նաև Նինոծմինդայում. համապատասխանաբար 20 թեկնածուներից 19-ը (հանդես են եկել 2-20 համարների ներքո) և 28 թեկնածուներից 27-ն ազգությամբ վրացի էին (միակ հայը հանդես է եկել 5 համարի ներքո)²⁸:

2021 թ. ՏԻՄ ընտրությունների արդյունքները Ջավախքում²⁹

Փաստենք, որ Ջավախքի բոլոր 7 շրջաններում, ներառյալ գերազանցապես աղբրեջանաբնակ Քվեմո Քարթլի նահանգի մեջ ներառված Ծավկայի շրջանը, հենց 1-ին փուլով թե՛ շրջանի ղեկավարի, թե՛ շրջանային ժողովի՝ մեծամասնական և համամասնական կարգերով ընտրվող պատգամավորների պարագայում ջախջախիչ հաղթանակ է տարել իշխող «Վրացական երազանք – ժողովրդավարական Վրաստան» կուսակցությունը: Նշված շրջաններում

ընտրությունների՝ հոկտեմբերի 30-ին անցկացված 2-րդ փուլում որևէ կարգով սահմանված ընտրություն տեղի չի ունեցել³⁰: Որպես արդյունք՝ բոլոր շրջանների շրջանային ժողովներում 50%-ից ավելի առավելություն է ստացել նույն ուժը, իսկ շրջանների ղեկավարներ (մունիցիպալիտետի ղեկավար կամ քաղաքապետ) ընտրվել են «Վրացական երազանքի» առաջադրած թեկնածուները: Ծալկայում՝ Իլիա Սաքաձեն (55.9 %), Նինոմինդայում՝ Անիվարդ Մոսոյանը (82.5 %), Ախալքալաքում՝ Մելքոն Մակարյանը (82 %), Ասպինձայում՝ Ռոստոմ Մագրաքվելիձեն (68.2 %), Ախալցխայում՝ Իրակլի Լազարաշվիլին (56.7 %), Բորժոմում՝ Օթար Արբոլիշվիլին (68.4 %), Ադիգենում՝ Գոչա Քիմաձեն (63.1%)³¹:

Նշված շրջանների շրջանային ժողովներում ազգաբաշխական կազմը, սակայն, վերստին մեծ մասամբ չի արտացոլում ազգաբնակչության ազգաբաշխական պատկերը: Պատճառը և՛ մեծամասնական ընտրատարածքները, և՛ կուսակցությունների համամասնական ցուցակների անցողիկ տեղերը շրջանների ազգային կազմին համահունչ չհնավորելն է: Որպես արդյունք՝ ունենք հետևյալ պատկերը.

1. **Ծալկայի շրջանային ժողով** – 30 պատգամավոր (10-ը՝ մեծամասնական, 20-ը՝ համամասնական ընտրակարգով), որոնցից 7-ը՝ ազգությամբ հայ (4-ը՝ մեծամասնական, 3-ը՝ համամասնական ընտրակարգով, բոլորը՝ իշխող «Վրացական երազանքից»): 2014 թ. մարդահամարի տվյալներով՝ վրացի՝ 8.800 (46.7 %), հայ՝ 7.300 (38.7 %): Անհամաչափությունն ակնհայտ է. պետք է լիներ 11-12 հայազգի պատգամավոր:

2. **Նինոմինդայի շրջանային ժողով** – 30 պատգամավոր (10-ը՝ մեծամասնական, 20-ը՝ համամասնական ընտրակարգով), որոնցից 29-ը՝ ազգությամբ հայ (10-ը՝ մեծամասնական, 19-ը՝ համամասնական ընտրակարգով, նշված 19-ից 1-ը՝ «Եվրոպական Վրաստան», 1-ը՝ «Միացյալ ազգային շարժում», 1-ը՝ «Գիրգի Գախարիա – Վրաստանի համար», 16-ը՝ իշխող «Վրացական երազանք» ուժերից): 2014 թ. մարդահամարի տվյալներով՝ վրացի՝ 1.000 (4.1 %), հայ՝ 23.300 (95.1 %): Անհամաչափություն չկա:

3. **Ախալքալաքի շրջանային ժողով** – 42 պատգամավոր (14-ը՝ մեծամասնական, 28-ը՝ համամասնական ընտրակարգով), որոնցից 35-ը՝ ազգությամբ հայ (13-ը՝ մեծամասնական, 22-ը՝ համամասնական ընտրակարգով, նշված 22-ից 1-ը՝ «Լեյո», 2-ը՝ «Եվրոպական Վրաստան», 2-ը՝ «Միացյալ ազգային շարժում», 17-ը՝ իշխող «Վրացական երազանք» ուժերից³³): 2014 թ. մարդահամարի տվյալներով՝ վրացի՝ 3.100 (6.9 %), հայ՝ 41.900 (93 %): Անհամաչափությունն ակնհայտ է. պետք է լիներ առնվազն 39 հայազգի պատգամավոր:

4. **Ասպինձայի շրջանային ժողով** – 30 պատգամավոր (10-ը՝ մեծամասնական, 20-ը՝ համամասնական ընտրակարգով), որոնցից 2-ը՝ ազգությամբ հայ (1-ը՝ մեծամասնական, 1-ը՝ հա-

մամասնական ընտրակարգով, բոլորը՝ իշխող «Վրացական երազանքից»): 2014 թ. մարդահամարի տվյալներով՝ վրացի՝ 9.000 (86.8 %), հայ՝ 1.400 (13.5 %): Անհամաչափությունն ակնհայտ է. պետք է լիներ առնվազն 4 հայազգի պատգամավոր:

5. **Ախալցխայի շրջանային ժողով** – 39 պատգամավոր (13-ը՝ մեծամասնական, 26-ը՝ համամասնական ընտրակարգով), որոնցից 5-ը՝ ազգությամբ հայ (3-ը՝ մեծամասնական, 2-ը՝ համամասնական ընտրակարգով, բոլորը՝ իշխող «Վրացական երազանքից»): 2014 թ. մարդահամարի տվյալներով՝ վրացի՝ 26.400 (67.9 %), հայ՝ 12.000 (30.9 %): Անհամաչափությունն ակնհայտ է. պետք է լիներ 12-13 հայազգի պատգամավոր:

6. **Բորժոմի շրջանային ժողով** – 33 պատգամավոր (11-ը՝ մեծամասնական, 22-ը՝ համամասնական ընտրակարգով), որոնցից 2-ը՝ ազգությամբ հայ (2-ն էլ՝ մեծամասնական ընտրակարգով, 1-ը՝ իշխող «Վրացական երազանքից», 1-ը՝ ընդդիմադիր ՄԱԸ-ից): 2014 թ. մարդահամարի տվյալներով՝ վրացի՝ 22.000 (87.3 %), հայ՝ 2.200 (8.7 %): Անհամաչափությունն ակնհայտ է. պետք է լիներ առնվազն 3 հայազգի պատգամավոր:

7. **Ադիգենի շրջանային ժողով** – 33 պատգամավոր (11-ը՝ մեծամասնական, 22-ը՝ համամասնական ընտրակարգով): Ժողովում հայ պատգամավոր չկա: 2014 թ. մարդահամարի տվյալներով՝ վրացի՝ 16.000 (97.2 %), հայ՝ 400 (2.4 %): Պետք է գոնե 1 հայազգի պատգամավոր լիներ:

Ասպինձայի և Ախալցխայի շրջանային ժողովներում նախագահի տեղակալ են ընտրվել հայազգի պատգամավորները, ինչը պետք է արձանագրել որպես դրական փաստ: ■



2021 թ. Վրաստանի ՏԲՄ ընտրությունների պատարա

Հղումներ

- 1- Պրեֆեկտուրայի ինստիտուտի ձևավորումը մեծապես անդրադառնալու էր Ջավախքի ներքաղաքական կյանքի վրա. այսպիսի (հույն, վրացի) պրեֆեկտների նշանակումը 1991 թ. որչ ընթացքում (մինչ նոյեմբերի 11-ին ջավախսահայության պահանջների թավարարումը և հայազգի պրեֆեկտի նշանակումը խոն «Ասպնյակ», 04.12.1991, թիվ 12) մեծ հուզումներ առաջացրեց հայաբնակ Ջավախքում: Չընդունելով պրեֆեկտուրայի իշխանությունը՝ 1991 թ. մարտին Ջավախքում ձևավորվեց մի յուրօրինակ «ժամանակավոր կառավարություն»՝ Ժողովրդական լիազորված խորհուրդ անվամբ (տե՛ս Մարգարյան Վ., Մամիջյան-Ջավախք-Թուրքիա հայ-վրացական հարաբերությունների հիվանդություն (1980-ական թթ. վերջ - 1990-ական թթ.), Եր., 2006, էջ 88-98):
- 2- Վրաստանի վարչատարածքային նոր բաժանմամբ Հարավային Օսեթիայի նախկին ինքնավար մարզի տարածքները ներառվեցին 4 նորաստեղծ նահանգների մեջ. արևելյան հատվածը ներառվեց Մցխեթա-Մթիաների, կենտրոնական հիմնական հատվածը՝ Շիդա Քարթլիի, արևմտյան մի փոքր հատված՝ Իմերեթի, և վերջապես՝ հյուսիսարևելյան ևս մի փոքր հատված՝ Ռաջա-Լեչխումի և Բվերմ Սվանեթիի նահանգների մեջ:
- 3- Վրաստանի «դե յուրե» փաստաթղթերով Աբխազիայում պահպանվել են խորհրդային 6 շրջանները՝ Գուրայի, Գուրաուրի, Մուխոմի, Գուրիբիչի, Օչանչիրայի և Գալիի: 1994 թվականին Օչանչիրայի և Գալիի որոշ տարածքների միավորմամբ Աբխազիայում ձևավորվեց 7-րդ՝ Տվլարչելի շրջանը: Աբխազիայի այս նոր վարչարածանումը չի ճանաչվել Վրաստանի կողմից:
- 4- 1. Ցխիսլայի շրջանը ներառվեց Գորիի նորաստեղծ շրջանի մեջ (Շիդա Քարթլիի նահանգ), այդուհանդերձ, Գորիի նորաստեղծ շրջանը Վրաստանի ԿԸՀ քարտեզում Գորիի և Ցխիսլայի նախկին խորհրդային շրջանների հենքի վրա համապատասխանաբար բաժանված է երկու մեծամասնական ընտրական տարածքի՝ Գորիի և Լխախլիի, 2. Զնաուրի շրջանը՝ Քարելի շրջանի (Շիդա Քարթլիի նահանգ), 3. Զաուի (Ջավախք) շրջանի մի մասի վրա ձևավորվեց Ջավախքի շրջանը (Շիդա Քարթլիի նահանգ), որոշ հատված ներառվեց Օնի շրջանի մեջ (Ռաջա-Լեչխումի և Բվերմ Սվանեթիի նահանգ), մեկ այլ հատված՝ Մաչխերի շրջանի (Իմերեթի նահանգ), 4. Լ. Ենիգորի շրջանը, վերանվանվելով Ալալգորի, որպես առանձին շրջան ներառվեց Մցխեթա-Մթիաների նահանգի մեջ: Բնականաբար, միայն Աջարիայի ԻԸ-ն է ենթարկվում պաշտոնական Թբիլիսիին. Աբխազիան և Հարավային Օսեթիան 2008 թվականից մասամբ ճանաչված անկախ պետություններ են, և Վրաստանի վերոնկարագրյալ վարչական բաժանումները միայն թղթի վրա են ու չեն կենսագործվել:
- 5- 2018 թ. մարտի 23-ին ստորագրված Վրաստանի N 2071 սահմանադրական օրենքով վերախմբագրված նոր Սահմանադրության մեջ նշված ձևակերպումը տեղափոխվել է 7-րդ հոդվածի 3-րդ կետ և ստացել հետևյալ տեսքը. «Վրաստանի պետական-տարածքային կառուցվածքը վերանայվելու է Վրաստանի սահմանադրական օրենքով՝ երկրի ամբողջ տարածքի վրա Վրաստանի իրավասության լիակատար վերականգնումից հետո լիազորությունների սահմանափակման սկզբունքի հիման վրա»:
- 6- Տե՛ս Նախարարության և Վրաստանի ընտրական օրենսգրքի, Թբիլիսի, 2001 թ. օգոստոսի 2, № 1047-ՌՍ), https://matsne.gov.ge/ka/document/view/15622?publication=50&fbclid=IwAR-14LF6KzW1lGyW_ahajXQIKip-6gknVvsmE8TAvx3ABYAHNt-eX3RD2E:
- 7- Տե՛ս Ստեփանյան Խ., Զառախյալ մեկ տարում, «Դրոշակ», 2002, թիվ 4, էջ 47-56:
- 8- Հայաստանը Տեղական ինքնակառավարման մասին եվրոպական խարտիան վավերացրել է 2002 թվականին:
- 9- Տե՛ս Նախարարության օրենսգրքի կառուցման օրենսգրքի, Թբիլիսի, 2005 թ. դեկտեմբերի 16, № 2304-ՌՍ), https://matsne.gov.ge/ka/document/view/27802?publication=36&fbclid=IwAR-1soOSrEBXrMkocluA85aMZAjO0d6FO8yh0icmKkSthr5rVUUHCQw-f0%23part_14#:
- 10- Տե՛ս Նախարարության օրենսգրքի կառուցման օրենսգրքի, Թբիլիսի, 2011 թ. դեկտեմբերի 27, № 5636-ՌՍ), <https://matsne.gov.ge/ka/document/view/1557168?publication=70#>:
- 11- Տե՛ս Նախարարության օրենսգրքի կառուցման օրենսգրքի, Թբիլիսի, 2014 թ. փետրվարի 5, № 1958-ՈՍ), https://matsne.gov.ge/ka/document/view/2244429?publication=59&fbclid=IwAR14NNEUJXpx66kE86Ormy5NxDXKq6TbWJ_E9uPzAumZawi7F9qsiO-BiE:
- 12- Համաձայնագրի տեքստը տե՛ս https://eeas.europa.eu/sites/default/files/mediacia_samomavlo_gza_sakartvelostvis.pdf:
- 13- Տե՛ս Новое предложение Евросоюза по преодолению политического кризиса в Грузии, <http://civil.ge/ru/archives/413928>:
- 14- Грузинская мечта выходит из Соглашения от 19 апреля, <http://civil.ge/ru/archives/434279>.

- 15- Տե՛ս Մեծիցնալոգիայի օրենսգրքի 2021 թվականի օրենսգրքի, https://results.cec.gov.ge/#/ka-ge/election_45/dashboard:
- 16- Տե՛ս Եվրոպայի խորհրդարանը ճանաչել է Վրաստանում կայացած ընտրությունների արդյունքները, <https://jnews.ge/am/?p=64965>:
- 17- Տե՛ս Մեծիցնալոգիայի օրենսգրքի 2021 թվականի օրենսգրքի - II Էջեր, օրենսգրքի օրենսգրքի օրենսգրքի, https://results.cec.gov.ge/#/ka-ge/election_46/dashboard:
- 18- 15 շրջաններից 3-ում իշխող «Վրացական երազանքը» մրցել է այլ ուժերի հետ (Թիանեթում «Թամազ Մեչխուրի» հետևյալ միասնական Վրաստանի», Տագերում «Գալախիա - Վրաստանի համար», Օգուրգեթում՝ անկախ թեկնածուի հետ): Մագյալ 12-ում «Վրացական երազանքը» մրցել է «Միացյալ ազգային շարժման» հետ:
- 19- Տե՛ս Մեծիցնալոգիայի օրենսգրքի 2021 թվականի օրենսգրքի - II Էջեր, օրենսգրքի օրենսգրքի օրենսգրքի, https://results.cec.gov.ge/#/ka-ge/election_46/dashboard:
- 20- 2005 թ. ընդունված օրենսդրության համաձայն, ինչպես վերը նշեցինք, Վրաստանում ձևավորվեցին 68 ինքնակառավարվող միավորներ: Այդուհանդերձ, Աբխազիայի (Վրաստանի 6 ինքնակառավարվող շրջան) և Հարավային Օսեթիայի (Վրաստանի 3 ինքնակառավարվող շրջան) տարածքներում, ընկալաբար, ՏԻՄ ընտրություններ տեղի չեն ունեցել:
- 21- Տե՛ս Նախարարության օրենսգրքի կառուցման օրենսգրքի, Թբիլիսի, 2021 թ. հունիսի 28, № 703-ՎՌՈ-ՄՄՊ), <https://matsne.gov.ge/ka/document/view/5200931?publication=0#DOCUMENT:1>:
- 22- Տե՛ս Նախարարության Վ., Ջավախքի ինքնակառավարվող (մաս 1), «Դրոշակ», հունվար, 2020, թիվ 1, էջ 13:
- 23- Տե՛ս Ալալգորի շրջանում ՏԻՄ ընտրությունների մասնակցում է 12 կուսակցություն, <https://jnews.ge/am/?p=63556>:
- 24- Տե՛ս Նիկոմիդիայում ՏԻՄ ընտրությունների մասնակցում է 9 կուսակցություն և նախաձեռնող խումբ, <https://jnews.ge/am/?p=63560>:
- 25- Տե՛ս Հայեր, որոնք Ալալգորիում մասնակցում են ՏԻՄ ընտրություններին, <https://jnews.ge/am/?p=63965>:
- 26- Մեծամասնական ընտրակազմով առաջադրված 79 թեկնածուներից միայն 6-ն էին ազգությամբ վրացի (4-ը՝ Ալալգորիում, 2-ը՝ Նիկոմիդիայում), քանի որ համապատասխանաբար 93 և 95.1 %-ով հայաբնակ Ալալգորիի և Նիկոմիդիայի ընտանեկ մի քանի վրացաբնակ գյուղերը հայաբնակ գյուղատեղիներ են մեկ ընտրատարածքի մեջ ներառելու պարագան նվազեցնում էր ազգությամբ վրացիների ընտրվելու հնարավորությունը:
- 27- Փաստենք, որ քաղաքական որոշ ոչ իշխանական ուժերի համամասնական ցուցակների ազգաբաշխական սույն պատկերը կապված էր նաև Վրաստանի ուժային կառույցների ձեռնարկած միջոցառումների հետ, որոնց հետևանքով ազգությամբ հայ տեղացիները շատ դեպքերում չեն ցանկացել ՏԻՄ ընտրություններին մասնակցել նշված ուժերի հետ և խուսափել են ավելորդ գլխացավաբերներից: Եվ նշված ուժերը փորձել են ամեն կերպ լրացնել ցուցակները (թեև մեծ գերակշիռ մասով ազգությամբ վրացիներով, ինչի հետևանքով հայաբնակ շրջաններում էապես նվազում էր ծայրերի քանակը)՝ ցույց տալու, որ ՏԻՄ ընտրություններին մասնակցում են երկրի բոլոր շրջաններում:
- 28- Տե՛ս Վրացիներ, որոնք Ջավախքում մասնակցում են ՏԻՄ ընտրություններին, <https://jnews.ge/am/?p=64221>:
- 29- Վրաստանի այլ նահանգների (այդ թվում՝ մայրաքաղաքի) ՏԻՄ-երում հայության ներգրավվածության խնդրի կանոնադրական լրացուցիչ: Մինչ այդ փաստենք, որ բազմազգ Թբիլիսիի՝ 2021 թ. ձևավորված նոր քաղաքային ժողովում (սակրեբուլում), որտեղ, 2014 թ. Վրաստանի պաշտոնական մարդահամարի տվյալների համաձայն, ապրում է շուրջ 53.000 հայ, չկա որևէ հայազգի պատգամավոր (տե՛ս օրենսգրքի կառուցման օրենսգրքի օրենսգրքի, http://tbsakrebulo.gov.ge/index.php?m=338&faction_id=184&fbclid=IwARISedV8cL9IXOCs0x99YMMXd-MAFtGQWqkEMhdYR_V4TCApCnoAHADps0):
- 30- Չնայած որ շրջաններում օրենքով սահմանված է բավական ցածր ընտրաչափ (3%), այդուհանդերձ, Վրաստանի ՏԻՄ ընտրությունների ժամանակ Ջավախքի շրջաններում ևս հիմնական մրցակցությունները լիակատար չէին «Վրացական երազանքի» և հիմնական ընդդիմադիր ՄԱԸ-ի մրջև, և շատ քիչ թվով այլ ուժեր ընդգրկվեցին շրջանային ժողովներում, իսկ ընդգրկման դեպքում ընտանեկ 1-2 պատգամավոր ունեցան այստեղ: Այլ ուժերի՝ «խաղից դուրս» վիճակը խոսում է պետության կողմից հավասար մրցակցության ոչ լիարժեք ապահովման և միակուսակցական մթնոլորտի անկախության մասին:
- 31- Տե՛ս Մեծիցնալոգիայի օրենսգրքի 2021 թվականի օրենսգրքի, օրենսգրքի օրենսգրքի օրենսգրքի, https://results.cec.gov.ge/#/ka-ge/election_45/dashboard:
- 32- Տե՛ս Ռ՝վ կմտի Նիկոմիդիայի Սակրեբուլ, <https://jnews.ge/am/?p=64898>:
- 33- Տե՛ս Ռ՝վ կմտի Ալալգորի Սակրեբուլ, <https://jnews.ge/am/?p=64846>:

Տարածաշրջանային զարգացումների ընդհանուր միտումները 2022 թվականին

Արմեն Պետրոսյան
Արևելագետ, տարածաշրջանային հարցերով փորձագետ

2020 թ. ավարտին և 2021 թ. ողջ ընթացքում Մերձավոր Արևելքում արմատական գործընթացներ են ծավալվել, որոնց հետևանքով աստիճանական վերափոխումներ են գրանցվում հատկապես վերջին տասնամյակի ընթացքում բյուրեղացած տարածաշրջանի առանցքային դերակատարների միջև՝ երկկողմ հարաբերությունների տիրույթում, ինչպես նաև ամբողջ տարածաշրջանի անվտանգային միջավայրի համապատկերում: Մասնավորապես, հարաբերությունների միջև այս առավել տարածված հակամարտային մակարդակից աստիճանաբար անցում է կատարվում համագործակցայինի: Ասել է թե՛ տարածաշրջանում տևական ժամանակ շարունակվող և համեմատաբար նոր ծագած հիմնախնդիրներում արձանագրված տարբեր մասշտաբի և մակարդակի սրացումներից հետո կարծես որոշակի «թայմ-աուտ» է գրանցվում, քանի որ առանցքային դերակատարների միջև խորքային խնդիրները շարունակում են չլուծված մնալ, պարզապես փոխվում է մոտեցումը դրանց ստեղծման հարցում, հատկապես տնտեսական լրջագույնս սրված պատճառների և աշխարհաքաղաքական վերափոխումների ազդեցությամբ: Ըստ այդմ՝ էական փոփոխություններ են արձանագրվել արաբա-իսրայելական, Կատարի, սիրիական, Իրան-Մաուդյան Արաբիա հիմնախնդիրներում, Թուրքիա-ԱՄԷ, Թուրքիա-Եգիպտոս, Թուրքիա-Իսրայել հարաբերություններում: Կարևոր գործընթացներ են ծավալվում Իրանի միջուկային ծրագրի շուրջ և այլն:

«Աբրահամյան համաձայնագրերի» գործընթացը

Մերձավորարևելյան տարածաշրջանի համար առանձնակի կարևորություն ունի ԱՄՆ-ի նախորդ նախագահ Դ. Թրամփի վարչակազմի կառավարման վերջին շրջանում հատկապես նախագահի դստեր ամուսին և ավագ խորհրդական Ջարեդ Բուշների գործուն ցանքերով Իսրայելի և մի շարք կարևոր արաբական երկրների միջև դեռևս 2020 թ. սեպտեմբերից մեկնարկած, այսպես կոչված, «Աբրահամյան համաձայնագրերի» ստորագրման պատմական գործընթացը (մինչ այդ արաբական երկրներից Իսրայելի հետ խաղաղության պայմանագրեր ստորագրել էին միայն Եգիպտոսը 1979 թ. և Հորդանանը 1994 թ.): Բովանդակային առումով այն լրիվ տեղավորվում էր ամերիկյան մերձավորարևելյան քաղաքական ուղեգծի տրամաբանության մեջ և կազմում էր դրա առանձին բաղադրատարրերից մեկը՝ միտված ռազմավարական դաշնակցի՝ Իսրայելի անվտանգության մակարդակի բարձրացմանը: Գործընթացի հետևանքով սեպտեմբերի 15-ին Վաշինգտոնում ստորագրվեցին նախ Իսրայել-ԱՄԷ,



Իսրայել-Բահրեյն խաղաղության պայմանագրերը, իսկ ավելի ուշ՝ հոկտեմբերի 23-ին, Թրամփը հայտարարեց Իսրայել-Մուդան, դեկտեմբերի 10-ին՝ Իսրայել-Մարոկկո հարաբերությունների կարգավորման մասին: Նշված փաստաթղթերի ստորագրումը ոչ միայն նպաստեց դրանց մասնակից դերակատարների միջև երկկողմ հարաբերությունների բարելավմանը, այլև սկզբունքային փոփոխություն մտցրեց տարածաշրջանի ամենաարյունալի և պայթյունավտանգ արաբա-իսրայելական հակամարտության կարգավորման տրամաբանության մեջ:

Մինչև վերոնշյալ գործընթացը պաղեստինյան հիմնախնդրի կարգավորման համատեքստում արաբական երկրների դիրքորոշումը համապատասխանում էր դեռևս 2002 թ. Արաբական պետությունների լիգայի հեղինակած «Արաբական խաղաղ նախաձեռնության» կոնցեպտին: Դրա առանցքում բոլոր արաբական երկրների և Իսրայելի միջև հարաբերությունների համապարփակ կարգավորման առաջարկն էր՝ զուգորդված պաղեստինյան հիմնախնդրի վերջնական կարգավորման զուգահեռ գործընթացով՝ հիմք ունենալով մինչև 1967 թ. հունիսի 4-ը եղած սահմանները (Իսրայելի նահանջ մինչև հարևան արաբական երկրների դեմ վեցօրյա պատերազմը եղած սահմանագիծը), Հորդանան գետի արևմտյան ափում և Գազայի հատվածում Պաղեստին պետության ստեղծման պայմանը: Մինչդեռ «Աբրահամյան համաձայնագրերի» միջոցով վերագործարկվեց Իսրայելի հետ սեպարատ խաղաղության համաձայնագրի ստորագրման գործընթացը: Դրան մասնակից դարձած արաբական երկրներն իրենց մոտեցումը հիմնավորում էին այն պնդմամբ, թե տասնամյակներ շարունակ Իսրայելի հետ հարաբերությունների հակամարտային բնույթը ոչ միայն չի հանգեցրել հիմնախնդրի հանգուցալուծմանը, այլև հակառակը՝ անգամ ավելի է խորացրել հակամարտ կողմերի միջև թշնամանքը և նվազեցրել կար-

գավորման հնարավորությունը: Հետևաբար անհրաժեշտ է փոխել դիրքորոշման սկզբունքը, մասնավորապես՝ փորձել համագործակցային միջավայրում Իսրայելի կախվածության աճի հաշվին հարկադրել նրան գնալ զիջումների:

Հարկ է նշել, որ «Աբրահամյան համաձայնագրերի» գործընթացը միանշանակորեն չընդունվեց բազմաթիվ արաբական և մուսուլմանական երկրների կողմից: Դրանց քննադատությամբ հանդես եկան Սաուդյան Արաբիան (Ռիադի դիրքորոշումը միանշանակ չէ. եթե թագավոր Սալմանը դեմ է գործընթացին, ապա միապետության փաստացի առաջնորդ թագաժառանգ արքայազն Մուհամմադ բին Սալմանը դրա ջատագովներից է), Թուրքիան, Իրանը և այլն: Նշված գործընթացը դրական միտումներ արձանագրեց 2021 թ. ողջ ընթացքում՝ նպաստելով Իսրայելի և արդեն գործընկեր արաբական երկրների միջև տարբեր ոլորտներում հարաբերությունների հաստատմանն ու զարգացմանը: Դրա յուրօրինակ բարձրակետը դարձան 2021 թ. սկզբին դեսպանատների բացումից հետո՝ դեկտեմբերի 12-ին, Իսրայելի վարչապետ Նեֆթալի Բենեթի առաջին «պատմական» այցն Աբու Դաբի, հանդիպումն ԱՄԷ թագաժառանգ արքայազն Մուհամմադ բին Զաիդ Ալ Նահայանի հետ և մի քանի ուղղություններով ձեռք բերված պայմանավորվածությունները:

Կարաթի հիմնասիւղի կարգավորումը

Տարածաշրջանի անվտանգային պատկերի բարելավման ընթացքի վրա դրական ազդեցություն ունեցավ նաև ԱՄՆ-ի նախորդ վարչակազմի և Քուվեյթի ակտիվ միջնորդությամբ նախաձեռնված կատարյան հիմնասիւղի հանգուցալուծման գործընթացը: Դրա շրջանակներում զգալիորեն բարելավվեցին Սաուդյան Արաբիայի գլխավորած ոչ ֆորմալ դաշինքի (ԱՄԷ, Բահրեյն, Եգիպտոս, Եմեն, Լիբիա և այլն) և Կատարի միջև հարաբերությունները, որոնք սրվել էին 2017 թ. հունիսին՝ այն բանից հետո, երբ նշված արաբական երկրներն ահաբեկչությանն ու անջատողականությանն աջակցելու, արաբական երկրների ներքին գործերին միջամտելու, Իրանի հետ համագործակցելու մեղադրանքներով խզեցին դիվանագիտական հարաբերությունները Դոհայի հետ, փորձեցին քաղաքական և տնտեսական առումներով շրջափակել Կատարը և հասնել իշխանափոխության: «Արաբական քառյակը» 13-կետանոց վերջնագիր ներկայացրեց Կատարին՝ սահմանելով դրա կատարման 10-օրյա ժամկետ: Սակայն Կատարի շրջափակման ծրագիրը ձախողվեց Իրանի, բայց հատկապես Թուրքիայի՝ այդ երկրին ցուցաբերած ռազմաքաղաքական, տնտեսական և լոգիստիկ համակողմանի աջակցության պատճառով:

2021 թ. հունվարի 5-ին՝ Կատարում կայանալիք ֆուտբոլային համաարաբական և համաշխարհային իրադարձություններին ընդառաջ, Սաուդյան Արաբիայի Ալ-Ուլա քաղաքում տեղի ունեցած՝ Պարսից ծոցի արաբական միապետությունների



Աբրահամյան համաձայնագրեր

համագործակցության խորհրդի 41-րդ գագաթնաժողովին «միավորվել ընդդեմ Իրանի» քարոզչական բնույթի կարգախոսի ներքո ստորագրվեց Կատարի հետ բոլոր տարածաշրջանային հանգուցալուծման, դիվանագիտական հարաբերությունների լիարժեք վերականգնման և ապաշրջափակման վերաբերյալ փաստաթուղթ: Եգիպտոսի անունից փաստաթուղթը ստորագրել է այդ երկրի ԱԳ նախարար Սամեհ Շուքրին: Այս կարևորագույն միջոցառմանը ևս մասնակցում էր գործընթացի առանցքային միջնորդ Ջ. Քուշները: Հարաբերությունների կարգավորման գործընթացը խթանվեց դեսպանատների փոխադարձ վերաբացմամբ ամբողջ տարվա ընթացքում, ինչպես նաև տեղի ունեցած բարձրաստիճան փոխայցելությունների և բանակցությունների միջոցով: Այսպես՝ Կատարի Էմիր Թամիմ բին Համադ Ալ Թանին Ալ-Ռիադ է այցելել նաև մայիսին, իսկ սաուդյան գահաժառանգ արքայազն Մուհամմադ բին Սալմանը Դոհա՝ դեկտեմբերին:

Սիրիական հակամարտությունում արձանագրված տեղաշարժերը

Տարածաշրջանային մրցակցության տեսանկյունից էական փոփոխություններ են արձանագրվում նաև սիրիական հակամարտության համատեքստում: Մասնավորապես, Սիրիայում իրենց տարածաշրջանային մրցակիցներ Թուրքիային և Իրանին զգալիորեն զիջած արաբական երկրները կարծես փոխում են իրենց ձախողված մարտավարությունը՝ փորձելով վերականգնել Սիրիայում իշխող վարչակազմի հետ անցած 10 տարվա ընթացքում առնվազն ստեղծված հարաբերությունները: Հարկ է նշել, որ արաբական երկրներից այս գործընթացը ևս առաջնորդում է տարածաշրջանային տարբեր նախաձեռնություններում ներկայումս առաջին ջութակի դերակատարում ստանձնած ԱՄԷ-ն: Տարբեր ոլորտներում (մարդասիրական, տնտեսական, շինարարական, քաղաքական և այլն) աջակցության առաջարկներով փորձեր են նախաձեռնվում՝ վերականգնելու հարաբերությունները հակամարտության շրջանակներում գոնե առայժմ անհամեմատ բարենպաստ դիրքեր ունեցող Բաշար ալ-Ասադի

վարչակազմի հետ: Այս գործընթացում բավականաչափ կարևոր քայլ էր նոյեմբերի սկզբներին ԱՄԷ ԱԳ նախարար Աբդալլահ բին Ջաիդ Ալ Նահայանի այցը Դամասկոս և Ալ-Ասադի հետ վարած բարձր մակարդակի բանակցությունները, որոնց հրապարակային մասում Ալ Նահայանն իր աջակցությունն է հայտնել Սիրիայում պատերազմի դադարեցմանն ուղղված բոլոր ջանքերին, կայունության հաստատմանը և սիրիացի ժողովրդի ակնկալիքների բավարարմանը: Հարկ է նշել, որ 2012 թ. փետրվարին Դամասկոսի հետ հարաբերությունների խզումից հետո միայն 2018 թ. դեկտեմբերին է ԱՄԷ-ն վերաբացել Սիրիայում իր դեսպանատունը և 2021 թ. մարտին հանդես է եկել ԱԳԼ-ում Սիրիայի անդամակցության վերականգնման օգտին: Զուգահեռաբար նույն դիրքորոշումն էին արտահայտել նաև Հորդանանը, Եգիպտոսն ու Սաուդյան Արաբիան:

Իրանի միջուկային համաձայնագրի վերականգնման փորձը

Ակտիվ փորձեր են կատարվում տարածաշրջանային մեկ այլ կարևոր հիմնախնդրի՝ Իրանի միջուկային ծրագրի վերագործարկման ուղղությամբ: 2021 թ. ապրիլից Վիեննայում մեկնարկել էին մի կողմից «4+1» (ՄԱԿ-ի ԱԽ անդամները՝ բացի ԱՄՆ-ից, և Գերմանիան)-Իրան, մյուս կողմից՝ ԱՄՆ-ի հետ անուղղակի բանակցությունները: Բանակցությունների առաջին 6 շրջափուլի ընթացքում որևէ էական արդյունքի բացակայության պատճառով դրանք ընդհատվել էին 2021 թ. հունիսին՝ Իրանում նախագահական ընտրությունների պատճառով և վերսկսվել նույն թվականի նոյեմբերի վերջին: Բավականաչափ ծանր և խրթին գործընթացը բանակցությունների 7-րդ և 8-րդ փուլերի ընթացքում կարծես որոշակի հաջողություն է արձանագրել քննարկվող տեքստում սկզբունքների փոխհամաձայնեցման առումով: Բանակցություններին զուգահեռ՝ դրանց դեմ քաղաքական, քարոզչական բավականաչափ լայնամասշտաբ արշավ է իրականացվում Իսրայելի կողմից: Թեև Ավիվը

պարբերաբար հայտարարում է, որ «վատ համաձայնագրի» ստորագրման պարագայում Իսրայելն իրեն իրավունք է վերապահելու ինքնուրույն գործելու և Իրանի միջուկային ծրագիրը ռազմական եղանակով լուծելու հարցում:

Հարկ է հիշեցնել, որ Իրանի միջուկային համաձայնագրի գործողությունը զգալիորեն սահմանափակվել էր Դոնալդ Թրամփի վարչակարգի՝ 2018 թ. փաստաթղթի դրույթներից միակողմանի հրաժարումից և Իրանի դեմ տնտեսական և քաղաքական համակողմանի պատժամիջոցների սահմանումից հետո: ԱՄՆ-Իրան հարաբերությունները հավելյալ սրվել էին նաև 2020 թ. հունվարին ԱՄՆ-ի հատուկ ծառայությունների կողմից՝ անմիջապես նախագահ Թրամփի հրամանով, Բաղդադում ԻՀԳԿ «Ղոդս» ստորաբաժանման հայտնի հրամանատար Ղասեմ Սոլեյմանիի և իրաքյան ժողովրդական աշխարհագրի՝ շիայական «Հաշդ ալ-Շաաբի» խմբավորման փոխհրամանատար Աբու Մահդի ալ Մուհանդիսի դեմ հաջողված մահափորձից հետո: Թեհրան-Վաշինգտոն լարվածությունը պարբերաբար դրսևորվում է ոչ միայն Իրաքի, Սիրիայի և Լիբանանի տարածքներում, այլև Պարսից ծոցի ջրերում՝ պարբերաբար նկատվող «տանկերային հակամարտության» շրջանակներում:

Իրան-Սաուդյան Արաբիա հարաբերությունների կարգավորումը

Տարածաշրջանի անվտանգային միջավայրի բարելավման գործընթացում ոչ պակաս կարևոր նշանակություն ունի 2016 թ. հունվարից ծայրաստիճան սրված Իրան-Սաուդյան Արաբիա հարաբերությունների կարգավորման գործընթացը, ինչի պայմանական մեկնարկը համընկավ ԱՄՆ-ի՝ Իրանի միջուկային համաձայնագրին վերադառնալու քաղաքական ուղեգծի գործարկման ժամանակահատվածին: Անցյալ տասնամյակի ընթացքում հատկապես Եմենի տարածքում ռազմական, իսկ Լիբանանում, Սիրիայում ու Իրաքում քաղաքական և տնտեսական հարթություններում մրցակցող այս դերակատարների միջև հարաբերությունների՝ 2021 թ. ապրիլից Իրաքի վարչապետ Մուստաֆա Քադեմիի անմիջական միջնորդությամբ կարգավորմանը միտված բանակցություններն արդեն 4 փուլ են անցել: Բաղդադից բացի՝ շփման համար կողմերն օգտագործել են նաև ՄԱԿ-ի ԳԱ հարթակը: Սակայն հարկ է նշել, որ կողմերի շփումներն առայժմ բավականաչափ ցածր մակարդակում են և շոշափելի արդյունք չեն արձանագրել. ցայժմ կողմերին չի հաջողվել պայմանավորվածությունն ձեռք բերել անգամ դիվանագիտական հարաբերությունների վերականգնման շուրջ: Առայժմ ձեռք բերված միակ առարկայական պայմանավորվածությունը 2016 թ.-ից ի վեր Ջիդդա իրանցի 3 դիվանագետների մուտքի արտոնումն է՝ ԻՀԿ ներկայացուցչությունում աշխատելու նպատակով: Բայց և այնպես, Թեհրան-Ռիադ գործընթացն արդեն բավականաչափ կարևոր



Կարարի Էմիրի պարունական այցը Սաուդյան Արաբիա

Աշխարհաքաղաքական

հանգամանք է միաժամանակ տարածաշրջանային մի քանի հակամարտություններում լարվածության թուլացման տեսանկյունից:

Թուրքիայի տարածաշրջանային քաղաքականության վերանայումը

Դեռևս 2020 թ. տարեվերջից տարածաշրջանային մրցակիցների և հակառակորդների հետ երկար ժամանակ շարունակվող լարվածությունը թուլացելու ակտիվ փորձեր են նախաձեռնվել Թուրքիայի կողմից: Մի կողմից՝ տևական հակամարտություններում Անկարայի հյուծվածությունը, մյուս կողմից՝ տնտեսական լրջագույն խնդիրները, ինչպես նաև ԱՄՆ-ի գործող վարչակազմի հետ խորացած հակասությունները դրդեցին Էրդողանի վարչակարգին ոչ միայն դիմելու հարաբերությունների կարգավորման, այլև փորձելու ֆինանսական միջոցներ ներգրավել հատկապես արաբական մի շարք կարևոր դերակատարներից՝ երկրում խորացող ֆինանսատնտեսական ճգնաժամը մեղմելու նպատակով: Այս տեսանկյունից հիշատակման են արժանի հատկապես Թուրքիա-ԱՄԷ, Թուրքիա-Եգիպտոս, Թուրքիա-Սաուդյան Արաբիա, Թուրքիա-Իսրայել հարաբերությունների կարգավորման փորձերը, որոնք պայմանավորված են հատկապես Անկարայի նախաձեռնողական քաղաքականությամբ:

Վերոնշյալ արաբական երկրների հետ Թուրքիայի հարաբերությունները ծայրաստիճան սրվել էին «արաբական գարնան» ընթացքում, մասնավորապես՝ Եգիպտոսում և Սիրիայում տեղ գտած զարգացումների համատեքստում, իսկ լարվածությունն իր գագաթնակետին հասավ 2019-2020 թթ. լիբիական հակամարտության շրջանակներում: Վերջին դեպքում անգամ արձանագրվեց ծայրաստիճան վտանգավոր պրոքսի հակամարտություն, երբ Թուրքիան ու Կատարն աջակցում էին Տրիպոլիում գործող ՄԱԿ-ի կողմից ճանաչված Լիբիայի ազգային համաձայնության կառավարությանը, իսկ ԱՄԷ-ն, Եգիպտոսը, Սաուդյան Արաբիան Ռուսաստանի և Ֆրանսիայի հետ միասին՝ երկրի արևելյան շրջանները վերահսկող Լիբիական ազգային բանակին՝ Խալիֆա Հաֆթարի հրամանատարությամբ:

Թուրքիա-ԱՄԷ հարաբերությունների կարգավորման գործընթացի բարձրակետ կարելի է համարել շուրջ տասնամյա ընդմիջումից հետո՝ 2021 թ. նոյեմբերին, ԱՄԷ թագաժառանգ արքայազն Մուհամմադ բին Ջաիդ Ալ Նահայանի այցը Անկարա, անցկացված բարձր մակարդակի բանակցությունները և տրանսպորտային նոր նախագծերի ու Թուրքիայում 10 մլրդ դոլարի ներդրման վերաբերյալ համաձայնագրերի ստորագրումը: Դեկտեմբերի կեսերին տեղի ունեցավ Թուրքիայի ԱԳ նախարար Մ. Չավուշօղլուի պատասխան այցն ԱՄԷ: Բացի այդ՝ հայտնի է, որ արդեն ընթացիկ տարվա փետրվարին ծրագրված են Էրդողանի այցերը Միացյալ Էմիրություններ և, որ ոչ պակաս կարևոր է, Սաուդյան Արաբիա: Ռիադի հետ հարաբերությունները լարվածության



Ալ-Ասադ Ալ Նահայանի հանդիպումը

գագաթնակետին էին հասել դեռևս 2018 թ. հոկտեմբերին՝ Ստամբուլում սաուդցի այլախոհ լրագրող Ջամալ Խաշուկցիի սպանությունից հետո, ինչի կազմակերպման մեջ մեղադրվում է սաուդյան թագաժառանգ արքայազն Մուհամմադ բին Սալմանը: Նրա հասցեին Էրդողանի հնչեցրած մեղադրանքները ծայրաստիճան սրել էին երկկողմ բարդ հարաբերությունները: Լարվածության պատճառով Ռիադն անգամ տնտեսական ոչ պաշտոնական բոյկոտ էր հայտարարել Անկարային՝ լրջագույն խնդիրներ ստեղծելով թուրք գործարարների համար:

Առայժմ բավականաչափ բարդ և դանդաղ է ընթանում Թուրքիա-Եգիպտոս հարաբերությունների կարգավորումը, ինչի պայմանական մեկնարկ կարելի է համարել Թուրքիայի ԱԳ նախարար Մևլութ Չավուշօղլուի և Եգիպտոսի նրա պաշտոնակցի՝ Մամիհ Շուքրիի 2021 թ. ապրիլի հեռախոսագրույցը: Ընդհանուր առմամբ անցյալ տարվա ընթացքում կայացել է Թուրքիա-Եգիպտոս քաղաքական խորհրդակցությունների երկու փուլ՝ դիվանագիտական և հատուկ ծառայությունների ոլորտների ներկայացուցիչների մակարդակով: Մայիսին երկօրյա այցով Կահիրե է մեկնել Թուրքիայի փոխարտգործնախարար Սեդաթ Օսալի գլխավորած պատվիրակությունը, իսկ սեպտեմբերին Թուրքիա է այցելել եգիպտական պատվիրակությունը՝ ԱԳ փոխնախարար Հանդի Սանադ Լոզայի գլխավորությամբ:

Հարկ է հիշեցնել, որ երկու երկրների միջև հարաբերությունները ծայրաստիճան սրվել էին 2013 թ. հուլիսին Եգիպտոսում տեղի ունեցած ռազմական հեղաշրջումից հետո, ինչի հետևանքով իշխանությունից հեռացվել և արգելափակվել էր Թուրքիայում իշխող ԱԶԿ գաղափարակից «Մուսուլման եղբայրներ» խմբավորումը՝ իր առաջնորդ պաշտոնանկ նախագահ Մուհամմադ Մուրսիի գլխավորությամբ:

Թուրքիա-Իսրայել հարաբերությունների կարգավորման առաջին փորձերն արձանագրվեցին 2021 թ. նոյեմբերին, երբ Թուրքիայի իշխանությունների կողմից Էրդողանի նստավայրը լուսանկարելու համար ձերբակալված իսրայելցի ամուսիններն ազատ արձակվեցին: Որպես միջադեպի կարգավորման արդյունք՝ շուրջ ութսուներեք դադարից հետո Թել Ավիվի նախաձեռնությամբ հեռախոսագրույցներ են տեղի ունեցել մի կողմից՝ Իսրայելի նախագահի և վարչապետի, մյուս կողմից՝ Թուրքիայի նախագահի

միջև: Բանակցությունների ընթացքում երկու երկրների ղեկավարները գնահատել են հումանիտար խնդիրների կարգավորման և ճգնաժամային պայմաններում արտակարգ կապուղիների գործարկման կարևորությունը: Բացի այդ՝ երկու երկրների հարաբերությունների նշանակությունը փոխադարձաբար ընդգծվել է նաև տարածաշրջանի խաղաղության, կայունության և անվտանգության ապահովման տեսանկյունից:

Հարկ է նշել, որ Թուրքիայի՝ տարբեր ուղղություններում լարվածության թուլացմանը միտված նպատակային քաղաքականությունը չի շրջանցել նաև այսրկովկասյան տարածաշրջանը: Այս համատեքստում հատկապես կարևոր է Հայաստանի հետ հարաբերությունների կարգավորման գործընթացի խթանումը, ինչն իրականացվում է զուգահեռաբար երկու ուղղություններով՝ երկկողմ հարաբերությունների հարթությունում և «3+3» ձևաչափի շրջանակում:

Ռեոնս 2021 թ. երկրորդ կեսից Երևանից և Անկարայից հնչող՝ բարձրաստիճան պաշտոնյաների հայտարարություններում երկու կողմերից «դրական ուղերձներ» էին առանձնացվել: Իսկ ահա ղեկտեմբերին Թուրքիայի արտգործնախարար Մևուլթ Զավուշոյուն հայտարարեց, որ Թուրքիան և Հայաստանը հարաբերությունների կարգավորման համար հատուկ ներկայացուցիչներ են նշանակելու, վերաբացվելու է օդային հաղորդակցությունը: «Առանց նախապայմանների» կարգավորման գործընթացում թուրքական կողմը ներկայացնելու է փորձառու դիվանագետ, ԱՄՆ-ում ԹՀ նախկին դեսպան Սերդար Քըլըչը, իսկ Հայաստանը՝ ԱԺ փոխնախագահ Ռուբեն Ռուբինյանը: Ըստ Զավուշոյունի՝ հատուկ ներկայացուցիչների առաջին հանդիպումը նա-բավոր է, որ տեղի ունենա 2022 թ. հունվարին՝ Մոսկվայում: Պետք է ընդգծել այն հանգամանքը, որ թուրքական կողմի՝ բոլոր մակարդակների հայտարարություններում շեշտադրվում է, որ Անկարան այս գործընթացի բոլոր փուլերում գործելու է Բաքվի հետ սերտ համագործակցությամբ:

Ինչ վերաբերում է «6-յակ»-ի հարթակին, ապա արդեն 2021 թ. ղեկտեմբերին Մոսկվայում տեղի ունեցավ դրա առաջին հանդիպումը, որին հրաժարվեց մասնակցել Վրաստանը: Պետք է հիշեցնել, որ Այսրկովկասի երեք երկրների՝ Հայաստանի, Ադրբեջանի, Վրաստանի և տարածաշրջանին հարևան տերությունների՝ Ռուսաստանի, Թուրքիայի, Իրանի մաս-նակցությամբ այս ձևաչափի նախաձեռնման գաղափարը առաջադրել է թուրք-ադրբեջանական տանդեմը՝ 44-օրյա պատերազմի հետևանքով ունեցած ձեռքբերումները զարգացնելու և հաղթանակի էֆեկտը հնարավորինս կապիտալիզացնելու նպատակով:

Ռուսաստանը «3+3» ձևաչափը գնահատում է որպես խորհրդատվական հարթակ, Վրաստանն առայժմ հրաժարվում է մասնակցել դրա աշխատանքներին՝ Մոսկվայի անդամակցության պատճառով, իսկ Թեհրանը հարթակը դիտարկում

է որպես տարածաշրջանում իր կորցրած դիրքերը վերականգնելու հնարավորություն:

Փաստացի, առաջ մղելով այս ձևաչափը, Անկարան և Բաքուն նպատակ են հետապնդում տնտեսական, ապա նաև քաղաքական հիմքով նոր հարթակի ձևավորմամբ ստեղծելու այլընտրանք մինչ այդ արցախյան հիմնախնդրի կարգավորման հարցում առանցքային դերակատարություն ունեցած ԵԱՀԿ ՄԽ համանախագահության և «Նոյեմբերի 9»-ի ձևաչափերին, որոնցում ուղղակիորեն բացակայում էր Թուրքիան: Վերոնշյալից բացի՝ ձևաչափը թուրքական կողմից դիտարկվում է նաև Հայաստանի հետ առայժմ չկարգավորված՝ թուրք-ադրբեջանական տեսանկյունից ռազմավարական և աշխարհաքաղաքական նշանակություն ունեցող տարածաշրջանային կապուղիների ապաշրջափակման գործընթացը սեփական շահերին համապատասխան՝ միջանցքային տրամաբանությամբ կարգավորելու նպատակով:

Ամփոփելով նշենք, որ, չնայած մեր տարածաշրջանում առայժմ գերիշխող դրական և պրագմատիկ մթնոլորտին, ընդհանուր մարտահրավերներին միահամուռ կերպով դիմագրավելու նախատրամադրվածությանը, այնուամենայնիվ, որևէ կերպ հնարավոր չէ բացառել լարվածության նոր դրսևորումները հիմնական առանցքային դերակատարների միջև ինչպես տարածաշրջանային չկարգավորված հակամարտությունների, այնպես էլ նոր՝ անակնկալ զարգացումների դեպքում՝ ճիշտ դա-գախստանյան զարգացումների օրինակով, որոնց շրջանակներում հավելյալ լարվածություն առաջացավ Անկարա-Մոսկվա հարաբերություններում: Եվ չի բացառվում, որ նման դեպքերը որոշակի ազդեցություն ունենան նաև մերձավորարևելյան և այլ տարածաշրջաններում ձևավորվող դրական մթնոլորտի վրա, քանի որ ներկայումս ակտիվ մի քանի հիմնախնդիրներում իրենց շահերն ունեցող առանցքային դերակատարները տարբեր ձևաչափերով ներգրավված են նաև նշված տարածաշրջանի հակամարտություններում: ■



Վիեննա, Իրանի միջուկային բանակցությունները

Ադրբեջանական իշխանությունների քաղաքականությունը թալիշների նկատմամբ

Լիանա Պետրոսյան
ԵՊՀ իրանագիտության ամբիոնի աշխատակից

Թալիշները հարավկովկասյան տարածաշրջանի տեղաբնիկ ժողովուրդներից են, որոնց բնակության վայրերը հնում ընդգրկել են ընդարձակ տարածքներ: Այսօր թալիշները բնակվում են Իրանի հյուսիսարևմտյան շրջաններում, մասնավորապես՝ արևմուտքում գտնվող Գիլան (Աստարա, Թալեշ, Մասալ, Ռեզվանշահր, Ֆումանսարա, Շաֆաթ քաղաքներում) և Արդեբիլ նահանգներում: Թալիշ երկրամասը՝ որպես առանձին վարչաքաղաքական շրջան, «Թալիշ» կամ «Վելայաթ-է Թալիշ» անվանումներով հանդիպում է Ռաշիդ ադ-դին Ֆազուլլահի 13-րդ դարի վկայություններում: Թալիշների մյուս հատվածը բնակվում է ներկայիս Ադրբեջանի Հանրապետությունում:

Թեպետ ոմանք համարում են, որ Իրանի Իսլամական Հանրապետությունում էթնիկ խմբերը տարրալուծվում են, սակայն իրականում երկրում տիրում է լիակատար հանդուրժողականություն էթնիկ խմբերի նկատմամբ: Իրանում թալիշները քաղաքական և հասարակական հետապնդումների չեն ենթարկվում, պետությունը նրանց մշակույթին և լեզվին հարգանքով է վերաբերվում, ինչը չի կարելի ասել Ադրբեջանի Հանրապետությունում բնակվող թալիշների մասին, որոնք սոցիալ-քաղաքական և մշակութային ճնշումներին զուգահեռ գրկված են սեփական լեզվով հաղորդակցվելու և կրթվելու տարրական իրավունքից: Իրանում բավականաչափ թալիշական մշակութային և հասարակական կազմակերպություններ կան, տպագրվում է թալիշական գրականություն, մինչդեռ Ադրբեջանի Հանրապետությունում պետական մասշտաբով հետապնդման է ենթարկվում նմանատիպ կազմակերպությունների ստեղծման ցանկացած փորձ, արգելափակվում են թալիշներին առնչվող հեռուստաալիքները, ռադիոհաղորդումները, նրանց հարցերին անդրադարձող հեռուստաալիքները և համացանցային կայքերը: Բավական է ընդգծել, որ «ժողովրդավարական Ադրբեջանում» թալիշները գրկված են ինքնորոշման իրավունքից. պաշտոնական փաստաթղթերում և մարդահամարի ընթացքում նրանք պարտավոր են իրենց դասել ադրբեջանցիների շարքը:

Այսօր Ադրբեջանում թալիշների խնդիրները ոչ միայն ազգային, այլև քաղաքական բնույթ են կրում: Դեռևս 1993 թ. գնդապետ Ալաքբամ Հումմատովը հռչակեց Թալիշ-Մուղանյան Ինքնավար Հանրապետությունը, որն ընդգրկում էր թալիշներով բնակեցված՝ Ադրբեջանի 7 շրջանները: Սակայն Ադրբեջանի իշխանությունները չճանաչեցին այս ինքնավարությունը, և նրա ղեկավարները



հալածվեցին. ինքը՝ Հումմատովը, բանտարկվեց և դատապարտվեց մահապատժի, իսկ ավելի ուշ Եվրախորհրդի ճնշմամբ վտարվեց երկրից և գրկվեց քաղաքացիությունից: Այս շրջանում է, որ Բաքվում հակաթալիշական ալիքից հետո Թալիշ-Մուղանյան վտարանդի կառավարությունը հրապարակային կոչերով դիմեց միջազգային իրավապաշտպան կազմակերպություններին թալիշ ժողովրդի նկատմամբ Ադրբեջանի իշխանությունների խտրական և անմարդկային վերաբերմունքի առնչությամբ:

Թալիշական ազգային շարժման գոյության 10 տարիների ընթացքում նրա ղեկավարները բազմիցս խոսել են իրենց գործունեության խաղաղ բնույթի մասին, ինչը չի ենթադրում զինված պայքար: Միաժամանակ պետք է փաստել, որ ԱՀ տարածքում երկու իրադարձություն է տեղի ունեցել, որոնք լայն արձագանք են գտել ՋԼՄ-ներում և կապված են թալիշ հասարակական-քաղաքական ակտիվիստների նկատմամբ ճնշումների, մասնավորապես՝ 2007 թ. «Թալիշի ձայն» թալիշական թերթի խմբագիր Ն. Մամեդովի և 2013 թ. սեպտեմբերին դատապարտված Գ. Մամեդովի ձերբակալության հետ: Այս իրադարձություններից հետո թալիշական շարժումը կարծես թե նոր փուլ է թևակոխում: Արդեն 2009 թ. Ռուսաստանի տարածքում ստեղծվեց «Շարժում հանուն թալիշների վերածննդի» քաղաքական կազմակերպությունը, որի ղեկավարը թալիշ ակտիվիստ Ֆ. Արսուզդան էր: 2013 թ. Արցախի Հանրապետության Շուշի քաղաքից հեռարձակվում էր «Թալիշստանի ձայնը» ռադիոկայանը, իսկ 2014 թ. դեկտեմբերից՝ Թալիշստանի ազգային հեռուստատեսությունը

(ԹԱԹ), որոնց գործունեությունն ուղղված էր թալիշների ինքնագիտակցության բարձրացմանը և նրանց հոգևոր ներուժի զարգացմանը:

Թալիշների և Ադրբեջանի մյուս ազգային փոքրամասնությունների բնակության առանձնահատկությունն այն է, որ նրանք ապրում են ավտորիտար պետությունում, որի գավառներում իշխանությունը կենտրոնացված է շրջանային վարչակազմերի ղեկավարների ձեռքում, որոնք նշանակվում են նախագահի առաջադրմամբ: Մինևոյն ժամանակ տեղական քաղաքապետարաններն էական դեր չեն խաղում հասարակական կյանքում: Հատկանշական է նաև, որ թալիշական շրջաններում բարձրագույն օղակը, որպես կանոն, նշանակվում է ազգությամբ ոչ թալիշների շրջանից, ինչը երբեմն հիշեցնում է կառավարման խորհրդային համակարգը: Իսկ վերջին տարիներին Ադրբեջանի Հանրապետության ներքին քաղաքականության մեջ կարևոր տեղ էին զբաղեցնում ազգային նույնականացմանն առնչվող խնդիրները, հետևաբար ներքին դրությունը բնութագրվում էր էմոցիոնալ լարվածության բարձր աստիճանով:

Ըստ էության, ԱՀ անկախացումից հետո թալիշաբնակ տարածքներում վարվում է ծրագրված հակաթալիշական քաղաքականություն, և տարվում աշխարհաքաղաքական պայքար թալիշների և թալիշերենի վերացման ուղղությամբ: Թալիշների հարցը ցավոտ թեմա է Ադրբեջանի համար, իսկ վերջին շրջանում Բաքվում կրկին ակտիվացել է թալիշների դեմ շարժումը: Ինչնով է սա պայմանավորված: Իշխանությունները մտավախություն ունեն, որ Իրանի, Հայաստանի և Ռուսաստանի աջակցությամբ այնտեղ կկրկնվի «արցախյան սցենարը»: Բաքվի իշխանությունները պնդում են, որ թալիշների անջատողական տրամադրությունները սնվում են հատկապես Հայաստանից՝ հիմնվելով այն փաստի վրա, որ Հայաստանում անցկացվում են բազմաթիվ գիտաժողովներ ու սեմինարներ իրանագիտության վերաբերյալ՝ թալիշների՝ որպես էթնոսի գոյությունը պահպանելու նպատակով:


Թալիշաֆորքիայի պոռթկումները, որոնք պարբերաբար տեղի են ունենում Բաքվում, կարելի է շատ պարզ կերպով բացատրել: Նախ, Բաքուն մեծ գայրոյթով ընդունեց թալիշագիտական երրորդ միջազգային գիտաժողովը, որը մի քանի տարի առաջ տեղի ունեցավ Երևանում: Իրան մասնակցեց Իրանից ժամանած թալիշ գիտնականների ու հասարակական գործիչների մեծ պատվիրակություն, ինչը նշանակալից իրադարձություն էր ողջ թալիշ ժողովրդի համար, մինևոյն ժամանակ ցույց էր տալիս Իրանի վերաբերմունքը թալիշական խնդրի նկատմամբ:

Այսօր էլ պաշտոնական ադրբեջանական մամուլում խոսվում է թալիշական տարածքների տարանջատման փորձի մասին: Թալիշական տարածքներ ասելով նկատի են առնվում Ռուսաստանի նախկին

պրոտեկտորատ և դաշնակից Թալիշական խանության տարածքները, որոնք գոյություն են ունեցել մինչև 1840 թվականը: Ադրբեջանական իշխանությունները մտավախություն ունեն, որ ՌԴ-ի աջակցությամբ թալիշները կփորձեն այդ տարածքներում ստեղծել թալիշական պետություն կամ առանձին վարչատարածքային միավոր:

Բաքուն, չզիտես ինչու, օրինական է համարում Նախիջևանի ինքնավարությունը, արցախահայերին առաջարկում է ինքնավարություն՝ ամենալայն իմաստով, իսկ թալիշներին գրկում ցանկացած կարգավիճակից: Ոչ ոք չի կարող հստակ բացատրել, թե ինչով է պայմանավորված նման երկակի դիրքորոշումը: Բանն այն է, որ թալիշները որևէ էական, նույնիսկ երկրորդական դիրք չեն զբաղեցնում սեփական էթնիկ հողերում: Ալիևի վարչակազմը չի ցանկանում, որ որևէ թալիշ դառնա իր ժողովրդի մեջ հեղինակավոր և կշիռ ունեցող գործիչ: Մինչ այժմ Ադրբեջանի բուհերից և ոչ մեկում չկա թալիշերենի ֆակուլտետ, որը կպատրաստի արհեստավարժ ուսուցիչներ՝ դպրոցներում թալիշերեն ու թալիշական պատմություն դասավանդելու համար: Իսկ ադրբեջանական պաշտոնական աղբյուրների տեղեկությունները այն դպրոցների մասին, որոնցում իբր դասավանդվում է թալիշերեն, չեն համապատասխանում իրականությանը: Ըստ էության, Ադրբեջանում տեղի է ունենում թալիշերենի դանդաղ ոչնչացում. թալիշաբնակ շրջաններում նույնիսկ չկան թալիշական հեռուստատեսություն, ռադիո, թատրոն, գրադարաններ, լրատվամիջոցներ, որոնք կֆինանսավորվեին ադրբեջանական իշխանությունների կողմից:

Ասվածի համատեքստում ակնհայտ է, որ Ադրբեջանում ապրող թալիշների վիճակը շարունակում է մնալ ծայրահեղ ծանր. նրանց սպառնում է ոչ միայն սեփական մշակույթից ու պատմությունից օտարումը, այլև ֆիզիկական ոչնչացումը: Ազգային-ազատագրական պայքարի բոլոր մասնակիցները տարաբնույթ ճնշումների են ենթարկվում, նրանց նույնիսկ ֆիզիկական ոչնչացման վտանգ է սպառնում: Այս ամենի հիմնական պատճառներից մեկը Ադրբեջանում թալիշների թվաքանակն է: Դեռևս 1999-2001 թթ. ամերիկյան



Թալիշական կայքերում տարածված ծաղրանկար այն մասին թե ադրբեջանցիներն ինչպես են իրականացնում ձուլման քաղաքականությունը: Նկարի տեքստը հետևյալն է. «Դու թուրք ես. մեզ մոտ այլ ժողովուրդ չկա»

Աշխարհաքաղաքական

սոցիոլոգիական կազմակերպության անդամները սոցիալեզվաբանական հետազոտություններ են կատարել Ադրբեջանում բոլոր տարիքային խմբերում: Նրանց հաշվարկներով՝ միայն Լեռիկի շրջանում 62 հազար թալիշ կար, Աստարայում՝ 81 հազար, իսկ Լենքորանում ապրում էր ավելի քան 200 հազար մարդ, որոնց 90 %-ը թալիշներ էին: Նրանց տվյալների հիման վրա հետագայում հաշվարկվել էր, որ իրենց թալիշ ճանաչողներից 500 հազարը կոմպակտ ապրում էին Ադրբեջանի հարավային միայն 5 շրջանների տարածքում: Ավելի ուշ արդեն, Իրանի պաշտոնական կառավարական աղբյուրների համաձայն, Ադրբեջանում բնակչության 25 %-ը թալիշներ էին (մոտ 2,5 միլիոն մարդ): Սակայն ադրբեջանական պաշտոնական մարդահամարի անցկացման ընթացքում տեղի են ունենում զգալի խախտումներ:

Նախ՝ երկրի պատկան մարմինները նախօրոք և պատշաճ մակարդակով քարոզարշավ չեն իրականացրել՝ ընդգծելու բնակչության թիվը: Երկրորդ՝ թալիշ բնակչության թվաքանակի ճշտման հարցում առկա են տոտալ կեղծարարության փաստեր: Բազմաթիվ են դեպքերը, երբ ընդհանրապես ոչ ոք չի գնացել բնակիչների մոտ, որոշ դեպքերում էլ հարցաթերթիկները նախապես լրացվել են համաձայն կառավարության հրահանգների: Իսկ երբ Ադրբեջանի վիճակագրական կոմիտեի աշխատակիցները այնուամենայնիվ գնացել են համապատասխան հասցեներով, հարցման ժամանակ նույնիսկ չեն ճշտել հարցվածների ազգությունը և թալիշներին գրանցել են որպես ադրբեջանցիներ: Շատ դեպքերում ազգության արկղը դատարկ է մնացել կամ լրացվել է մատիտով, որպեսզի հետագայում ուղղվի կամ լրացվի հրահանգների համաձայն: Եղել են դեպքեր, երբ թալիշները պնդել են, որ իրենց ազգությունը ճիշտ գրանցվի, սակայն աշխատակիցները տարհանողել են նրանց և նույնիսկ շանտաժի են ենթարկել՝ պատճառաբանելով, որ նրանք՝ որպես թալիշ, հետագայում ոչ մի տեղ աշխատանքի չեն ընդունվի:

Բնականաբար, այս կերպ ադրբեջանական իշխանությունները փորձում են շարունակել տարիներով արմատացած ձուլման քաղաքականությունը և կանխել երկրի ներսում տեղաբնիկ ժողովուրդների հնարավոր ընդլվզումները: Բանն այն է, որ Արցախյան երկրորդ պատերազմը թալիշների ինքնագիտակցության վրա կարևոր ազդեցություն ունեցավ: Պատերազմի առաջին իսկ օրերից, երբ ակնհայտ դարձավ, որ ադրբեջանական իշխանությունները առաջնագիծ են ուղարկում հիմնականում տեղաբնիկ ժողովուրդների՝ թալիշների, լեզգիների, թաթերի և այլոց ներկայացուցիչների, որոնք դարձան ալիևական վարչախմբի մասաղցի զոհերը, երկրի թալիշ բնակչության շրջանում ակտիվացան հակաալիևական տրամադրությունները: Թալիշները կարծես թե պատրաստ էին լուրջ քայլերի դիմելու՝ պատմական արդարությունը վերականգնելու համար, սակայն 2021 թ. նոյեմբերի 9-ի տխրահռչակ

TALYSHISTAN - ТАЛЫШИСТАН



Թալիշստան

փաստաթղթի ստորագրումից հետո կշեռքի նժարը հակառակ կողմ թեքվեց: Արցախյան ճակատում տարած հաղթանակից հետո Ի. Ալիևի վարչախումբը լծվեց երկրի ներսում թալիշների ճնշմանը և նրանց նկատմամբ տարաբնույթ սահմանափակումների կիրառմանը:

Թալիշական ազգային շարժումն այժմ, ըստ էության, անցնում է զարգացման հաջորդ փուլ: Թալիշները շարունակում են պայքարել իրենց ազգային իրավունքների համար բոլոր մակարդակներում և փորձում են օգտվել օրենքով թույլատրված բոլոր հնարավորություններից: Թալիշական շարժման անդամներ կան տարբեր երկրներում: Կարելի է ասել, որ թալիշական շարժումը բաղկացած է տարբեր ճյուղերից, որոնք գործում են Ռուսաստանում, Եվրոպայում, Ադրբեջանում և այլուր: Ռուսաստանի Դաշնությունում թալիշները հանդես են գալիս տեղական և տարածաշրջանային մշակութային ինքնավարություններով, թալիշական կազմակերպություններով:

Թալիշ գործիչների ակտիվացման պայմաններում Ադրբեջանի ներսում հաճախ սկսեցին պնդումներ հնչել, թե թյուրքալեզու ադրբեջանցիներն ու թալիշները եղբայրական ժողովուրդներ են: Սակայն եղբայրական հարաբերությունները հնարավոր են միայն, եթե հիմնված են փոխըմբռնման ու հարգանքի վրա, իսկ Ադրբեջանում իշխանությունը կտրված է տեղաբնիկ ժողովուրդներից և վարում է ձուլման քաղաքականություն: ■

Հղումներ

- 1- Стів Маркарян С. М., Сибатян Р. С., Талыши в XIII-XIX вв., Введение в историю и культуру талышского народа, под ред. Асатрян Г. С., Ер., Кавказский центр иранистики, 2011, էջ 43:

Էթնիկ փոքրամասնությունների խնդիրը Թուրքիայում: Զազա-ալևներ

Նարե Գևորգյան
ԵՊՀ իրանագիտության ամբիոնի աշխատակից

4-6 միլիոն կազմող զազաները կուրմանջիով խոսող քրդերից հետո Թուրքիայի երկրորդ ամենամեծ էթնիկ փոքրամասնությունն են: Նրանք ունեն իրենց լեզուն, մշակույթը և բանահյուսությունը: Զազայերենը երրորդն է Թուրքիայում ամենաշատ խոսվող լեզուների թվում:

Թուրքիայի Հանրապետության վիճակագրության պետական ինստիտուտի կողմից 1962 թ. անցկացված ընդհանուր մարդահամարը փաստում է զազաների՝ ճանաչված էթնիկ խումբ լինելը: Այն նաև պարզում է, որ զազաների կեսը ալևի մուսուլմաններ են, իսկ մյուս կեսը՝ սուննի:

Ցավոք, զազա համայնքի մասին միջազգայնորեն քիչ բան է հայտնի: Զազաները մշտապես եղել են անտեսված և գրեթե մոռացված: Զազա համայնքից դուրս որոշ շովինիստական շրջանակներ նույնիսկ հերքում են զազայի՝ որպես առանձին էթնիկ խմբի գոյությունը:

Զազաները շուրջ չորս հազարամյակ ապրել են Անատոլիայի, Իրանի և Միջագետքի աշխարհագրական շրջաններում, ինչի մասին վկայում են շումերերեն, խեթերեն, աքքադերեն, ասորերեն, բաբելոներեն, պարսկերեն, արաբերեն, եբրայերեն, ուրարտերեն սեպագիր արձանագրությունները: Տվյալ աղբյուրները նաև փաստում են, որ այդ շրջաններում կիրառվել են զազա և զազանագ անվանումները:

Զազաները ներկայումս բնակվում են Թուրքիայի Հանրապետության արևելյան և հարավարևելյան շրջաններում՝ Տիգրիս և Եփրատ գետերի երկու կողմերում: Նրանց բնակության ընդհանուր տարածքը կազմում է մոտավորապես 72,00 քառ. կմ: Զազաները հիմնականում կենտրոնացած են եղել Բինգյոլի, Թունջելի (Դերսիմ), Դիարբեքիրի, Էլազիզի (Խարբերդ) և Երզնկայի շրջաններում: Այդ տարածքներում ապրող մարդկանց մեծամասնությունը զազա է, սակայն կան այլ քաղաքներ և գյուղեր, որտեղ միայն զազաներ են բնակվում: Այդպիսի քաղաքներից են Սիվերեկը (Ուրֆա), Գերգերը (Ադիյաման), Վարտոն (Մուշ), Մութկին (Բիթլիս), Էրզրումը, Իմրանլին, Ղանդալը, Ուլաշը, Զարան (Սիվաս):

1925 թ. Բինգյոլում, Էլազիզում, Դիարբեքիրում և 1937 թ. Դերսիմում Թուրքիայի Հանրապետության կառավարությունը քաղաքական նկատառումներով ռազմական ուժով զազաներին աքսորեց իրենց քաղաքներից և գյուղերից: Հազարավոր մարդիկ ուղարկվեցին Անատոլիա, Կորումի կենտրոնական և արևմտյան շրջաններ, Թոքատ, Քըրշեհիր, Կայսերի, Աքսարայ, Այդըն, Իզմիր և այլուր: Ավելի ուշ որոշ զազա ընտանիքներ վերադարձան իրենց հին բնակավայրեր, մինչդեռ զազա համայնքի այլ ներկայացուցիչներ մնացին այն քաղաքներում, ուր



տեղափոխվել էին: Վերջին 40-50 տարվա ընթացքում տնտեսական և սոցիալական մի շարք պատճառներով զազա բնակչության մի մասը հաստատվել է մեծ քաղաքներում, ինչպիսիք են Ստամբուլը, Անկարան, Իզմիրը, Բուրսան, Ադանան, Մերսինը և այլն: Զգալի թվով զազաներ էլ նույն նկատառումներով գաղթել և հաստատվել են Եվրոպայի մի շարք երկրներում: Առավել լայն իմաստով կարելի է փաստել, որ զազաների համայնքը ավելի շատ կենտրոնացած է ոչ թե Արևելյան Անատոլիայի հյուսիսարևմտյան հատվածում, այլ Գերմանիայում և Նիդեռլանդներում. այս երկրներում զազաների համայնքը զբաղեցնում է շուրջ 40 հզ. քառ. կմ տարածք: Իսկ Թուրքիայի 81 նահանգներից միայն 11-ում կա զազա բնակչություն: Այսպիսով՝ Թուրքիայի տարածքի 5 տոկոսը բնակեցված է զազաներով:

Այսպիսի մեծածավալ արտագաղթը բացասական ազդեցություն է ունեցել զազաների ազգային ինքնության պահպանման և նրանց որպես առանձին էթնիկ խումբ դիտարկելու անհրաժեշտության վրա:

Մինչև 2006 թ. Թուրքիայում տրված վիճակագրությունը կասկածելի է թուրքական քաղաքականության պատճառով: Այդպիսի սոցիալական տվյալները քննելիս պետք է հաշվի առնել, որ փոքրամասնությունների մասին տվյալները չեն հրապարակվում (վերջին մարդահամարը 1962 թ. է անցկացվել), իսկ ժողովրդագրական փոփոխությունները շատ են:

Վերջին տվյալներով (2006 թ. մայիս)՝ Թուրքիայում հաշվվում է մոտավորապես 11 միլիոն քրդեր բնակչություն, որի մեկ երրորդը զազաներ են: Ավելի քան 1.5 միլիոն զազա բնակվում է իր պատմական հայրենիքում, մոտ 1 միլիոնն էլ՝ Թուրքիայի արևմտյան շրջաններում: Բացի այդ՝ ենթադրվում է, որ 6 միլիոն զազաներից 700 հազարն էլ բնակվում է Սփյուռքում: Հաշվի առնելով այս թվերն ու վիճակագրությունը՝ որոշ չափով տրամաբանական է դառնում, թե ինչու

Աշխարհաքաղաքական

թուրքական իշխանությունները չեն ճանաչում և հրապարակայնորեն չեն խոսում այսպիսի մեծաթիվ համայնքի գոյության մասին: Կարելի է ենթադրել, որ նման մոտեցման գլխավոր պատճառներից մեկը զազաների ու քրդերի ազգայնական շարժումներից խուսափելն է:

Այսպիսով՝ Թուրքիայի զազաների մասին խոսելիս պետք է նկատի ունենալ, որ գործ ունենք պաշտոնապես չճանաչված էթնիկ խմբի հետ, որը չի դիտարկվում որպես ազգային կամ կրոնական փոքրամասնություն՝ ներկայացված որևէ ղեկավար իշխանության կողմից: Դա էլ ավելի զարմանալի է, երբ նկատի ենք ունենում, որ զազաների մեծամասնությունը հարում է իսլամական ալիքների աղանդին: Նույնիսկ նրանց դավանանքը՝ ալիզմը, պաշտոնապես չի ճանաչվում «աշխարհիկ» սահմանադրություն ունեցող թուրքական պետության կողմից: Ավելին՝ Թուրքիայում ալիքների հետապնդումն օրինական է. Թուրքիայի հիմնադիր կառավարության՝ «Ժողովրդահանրապետական կուսակցության» 1925 թ. ընդունած օրենքը, որն այսօր էլ գործում է Թուրքիայում, արգելում էր ալիքների կրոնական կենտրոնների գոյությունը, այդ թվում՝ աղոթատների, որոնք հայտնի են նաև որպես գերեզմանատներ:

Մինչև 1970-80-ական թթ. Թուրքիայում բնակվող փոքրամասնություններն իրենց անվանում էին թուրք՝ վախենալով էթնիկ փոքրամասնության պիտակավորում ստանալուց, ինչը պայմանավորված էր նաև թուրքական իշխանությունների որդեգրած հետադիմական և միատարրության ձգտող քաղաքականությամբ: Արդեն 1970-ականներին քուրդ ազգայնականները սկսեցին վիճարկել այս տեսակետը: Այսպես՝ 1979 թ. Թուրքիայի հանրային աշխատանքների գծով նախարար Շերաֆֆեթթեֆին Էլչին հրապարակայնորեն հայտարարեց, որ Թուրքիայում բազմաթիվ քրդեր են բնակվում, և ինքն էլ նրանցից մեկն է: 1980 թ. սեպտեմբերի ռազմական հեղաշրջումից հետո սկսված քաղաքական հետապնդումների հետևանքով վերջինս նույնպես ձերբակալվեց: 1980-1983 թթ. ռազմական վարչակարգի ռեպրեսիվ միջոցառումները, որոնք ուղղված էին լռեցնելու այն քրդերին, որոնք ցանկանում էին տարբերվել, հակառակ ազդեցությունն ունեցան և հանգեցրին անջատողական «Քրդստանի աշխատավորական կուսակցության» (PKK) նկատմամբ զանգվածային համակրանքի մեծացմանը: Դա իշխանությունների համար առիթ դարձավ թույլատրելու և նույնիսկ խթանելու ալիզմի զարգացումը որպես այլընտրանքային «էթնիկ» ինքնություն: 1990-ականների սկզբին պետությունը սկսեց հրապարակայնորեն աջակցել ալիզմին: Թուրքական կառավարությունը հասկացավ, որ միանմանություն պարտադրելու հետագա փորձերը հավանաբար անարդյունավետ կլինեն, դեռ ավելին՝ կխոչընդոտեն Եվրոպայի հետ ավելի սերտ հարաբերությունների հաստատումը, որտեղ փոքրամասնությունների մշակույթների պաշտպանությունը դարձել է քա-



Ethnic Groups in Turkey				
Turkic	Caucasian	Iranic	Semitic	
Azerbaijani	Adyghe	Kurdish	Arab	
Gagauz	Armenian	Zaza	Aramean	
Turkish	Georgian	Ruqq		
Yörük	Laz			

ղաքական կարևոր խնդիր: Քաղաքականության հանկարծակի փոփոխության հետևանքով կառավարությունը 1991 թ. չեղյալ հայտարարեց օրենքը, որն արգելում էր հրատարակություններում թուրքերենից բացի այլ լեզուների օգտագործումը: Զազայերենի համար ստեղծվեց առանձին լատիներեն այբուբեն, որը քրդերի կողմից ընկալվեց որպես թուրքական անվտանգության համակարգերի՝ իրենց դիրքերը թուլացնող և ներքին երկպառակություններ հրահրող գործիք:

Հենց այս ժամանակահատվածն էլ կարելի է համարել Թուրքիայում բնակվող էթնիկ-կրոնական փոքրամասնությունների ազգայնական շարժումների զարթոնքի շրջան, որից անմասն չմնացին նաև ալիք-զազաները: Ուշագրավ է, որ նրանց ինքնության ճանաչման գործընթացը խրախուսվում էր և՛ թուրքական իշխանությունների, և՛ քրդական ազգայնական շարժման կողմից, ինչը պայմանավորված էր սուննի պահպանողական հոսանքների նկատմամբ նրանց ատելությամբ: Պետք է նկատի ունենալ, որ մինչև 1980-ական թթ. ալիզմը դիտարկվում էր զուտ որպես սոցիալական շարժման գաղափարախոսություն, որը զերծ էր կրոնական ենթատեքստից: Հետագայում այն արդեն կրոնական երանգավորում ստացավ:


Որպես զազաների ազգայնական շարժման ընդդիմություն կարելի է դիտարկել նաև այն զազաներին, որոնք իրենց համարում են քուրդ: Հետաքրքիր է, որ Թուրքիայում բնակվող մի շարք զազաների անգամ խորթ է այն տեսակետը, որ իրենք առանձին էթնոս են: Տարեց զազաներն անգամ զազայերենը չեն ընդունում առանձին լեզու, այլ այն քրդերենի անբաժան մաս են համարում: Նրանք այս հայտարարությունները ուղղակիորեն կապում են թուրքական կառավարության քարոզչամեթոդային հետ և նաև նշում, թե ինչի կարող է հասնել Թուրքիան այդ քարոզչությամբ: Մասնավորապես, նրանք նշում են, որ երկար տարիներ իրենց համոզել են, որ քրդեր գոյություն չունեն, հետո՝ ասել, որ իրենք լեռնային քրդեր են, իսկ այժմ, պայմանավորված Թուրքիայի՝ ԵՄ-ին անդամակցությամբ, թուրքական

իշխանությունները հայտարարում են, որ քրդերը գոյություն ունեն ու ապրում են իրենց երկրում:

Զազաների ազգայնականությունը հիմնականում դրսևորվում է Թուրքիայի զազա խոսվածքով և հենց զազայերենով խոսող մարդկանց շրջանում: Նրանցից ոմանք անգամ պահանջում են անկախ Զազաստանի ստեղծում, ինչը կարող է թուլացնել PKK-ի դիրքերը զազայերենով խոսողների շրջանում: Թուրք ազգայնականները ևս պաշտպանում են զազաների՝ քրդերից անկախ էթնոս լինելու փաստը, որը, նրանց կարծիքով, ավելի կարագացնի քրդերի ճուլումն ու դիմադրության շարժման թուլացումը:

Զազաների ազգային շարժման մասին խոսելիս պետք է ընդգծել Էբաբեքիր Փամուկչուի անունը, ով համարվում է զազայական նացիոնալիստական շարժման հիմնադիրը: Որոշ քրդական շրջանակներ առաջ են քաշել այն տեսակետը, որ Է. Փամուկչուն, որը սուննիզմին էր հարում, գաղտնի համագործակցության մեջ է եղել թուրքական հետախուզական կազմակերպությունների հետ և գործուն աջակցություն ցուցաբերել նրանց քրդերին պառակտելու գործում: Թե որքանով են այս մեղադրանքները համապատասխանում իրականությանը, կարելի է միայն որոշ եզրակացություններ անել: Մասնավորապես, զազաների ազգայնական շարժումը խրախուսվել և ֆինանսական աջակցություն է ստացել թուրքական հետախուզական մի շարք շրջանակների կողմից, ինչն էլ Փամուկչուին մեղադրելու հիմնական պատճառն ու հիմնավորումն է: Քուրդ ազգայնական և զազայերենի գիտակ Մեհմեթ Մալմիսանիչն իր հարցազրույցներից մեկի ժամանակ նշել է, որ զազաներին պատկանող հրատարակչություններից մեկը ևս ֆինանսավորվում էր թուրքական հետախուզության կողմից: Նա կարծում էր, որ զազաները պետության հետ համաձայնեցված էին գործում: PKK-ի առաջնորդ Աբդուլլահ Օջալանը ևս պնդում էր, որ Թուրքիայի ազգային հետախուզական կազմակերպությունը (Milli İstihbarat Teskilati-MIT) կանգնած է զազաների՝ Թուրքիայում աճող քաղաքական և մշակութային գործունեության հետևում:

Հետագայում՝ արդեն 2000-ական թթ., Թուրքիայում չէին խուսափում զազա էթնոնիմը քաղաքական նկատառումներով օգտագործելուց, ինչի նպատակն էր ցույց տալ, որ Թուրքիայում այլևս խնդիր չեն քուրդ կամ զազա լինելը և այդ մասին բարձրաձայնելը: Քաղաքական որոշ գործիչներ անգամ սկսեցին ելույթ ունենալ քրդերենով և զազայերենով: Արդեն 2007 թ. «Կոնդա» սոցիալական միջոցով տարբերակում դրվեց քրդերի և զազաների միջև: Թերթերում սկսեցին պարբերաբար գրել, որ Թուրքիայում բնակվում են քրդեր, զազաներ, լազեր և այլ էթնիկ փոքրամասնություններ, որոնք իրենց չեն տարբերում եղբայրական թուրք ժողովրդից, և նրանց խնդիրները մշտապես Թուրքիայի իշխանությունների ուշադրության կենտրոնում են:



Էբաբեքիր Փամուկչու

Արդեն 2008 թ. քուրդ-զազա տարբերակումը սկսեց նաև Թուրքիայի վարչապետ Ռեջեփ Թայիփ Էրդոգանը: Դա պետական ամենաբարձր մակարդակով հայտարարություն էր, ինչը նույնպես գրգռեց քրդերի թշնամանքը զազա ազգայնականների նկատմամբ:

Հարկ է նշել, որ հենց այս ժամանակահատվածում, երբ Թուրքիայում սոցիալ-տնտեսական լուրջ զարգացումներ էին ընթանում, ալևիական համայնքը սկսեց ակտիվանալ նաև Գերմանիայում, ինչի վառ դրսևորումներից էր ալևիական մի շարք կազմակերպությունների ստեղծումը: Դրանցից էր նաև «Գերմանիայի Դաշնության ալևիներ» (AABF) կազմակերպությունը, որը «ընդդիմադիր սվյուտքի» վառ օրինակ էր: AABF-ի ընդդիմությունը Թուրքիայի՝ ալևիների նկատմամբ վարած ներկայիս քաղաքականությանը բխում է 1970-80-ական թթ. Թուրքիայից վտարված ձախերի քաղաքականությունը մասամբ ներկայացնող կազմակերպություններից: Բացի այդ՝ AABF-ում ընդգրկված են բազմաթիվ քրդախոս ալևիներ: AABF-ն բավականին ամուր դիրքեր ունի, այն պաշտոնապես ճանաչված է և՛ որպես կրոնական համայնք, որն իրավասու է Գերմանիայի հանրակրթական դպրոցներում կազմակերպելու կրոնական կրթության դասընթացներ՝ չնայած այն փաստին, որ նրա ուղղվածությունն ու ալևիականության ընկալումները երբեմն վիճարկվում են այլ՝ ավելի պահպանողական և կրոնական ուղղվածություն ունեցող կազմակերպությունների կողմից, բայց արտոնյալ կարգավիճակը, այն է՝ գրանցված լինելը, AABF-ն առանձնացնում է նմանատիպ այլ կազմակերպություններից:

Նշենք նաև, որ Թուրքիայի բոլոր ալևիների զազա անվանելը սխալ է, որովհետև ոչ բոլորն են զազա, և հակառակը՝ զազաներից ոչ բոլորն են ալևի. ոմանք հարում են նաև սուննիզմին, մի մասն էլ զրադաշտական է: Ըստ տարբեր աղբյուրների՝ Թուրքիայի ալևի համայնքի միայն մի մասն են երկրի բնակչության մոտ 15-20 %-ը կազմող զազաները:

մնացածը թուրքեր են, քրդեր կամ հայկական ծագում ունեցող մարդիկ: Ալևիզմը նույնպես հստակ սահմանում չունի: Փորձագետների մեծ մասը կարծում է, որ այն շիա իսլամի մի ճյուղ է, որը, սակայն, մեծապես տարբերվում է շիականությունից: Մինչդեռ որոշ ալևիներ վստահեցնում են, որ ալևիզմը կրոն է (կամ կրոնական ուղղություն), որը սկզբունքորեն տարբերվում է իսլամի թե՛ շիաների, թե՛ սուննիների ընկալումներից՝ հաշվի առնելով նրանց մշակութային, սոցիալական և առօրյա կյանքի առանձնահատկությունները: Կարևոր է նաև ալևիներին չփոթել սիրիական ալավիների հետ:

Ուշագրավ է, որ քրդական ազգայնական աշխատավորական կուսակցությունը բազմիցս նշել է, որ ալևիական կրոնը ավելի շատ իրանական (գրադաշտական) ծագում ունի, քան թուրքական, և նույնիսկ թուրք-ալևիները առնչություն ունեն քրդերի հետ: Այս փաստը նրանք օգտագործում են ի շահ իրենց՝ փորձելով զազա-ալևիներին վերագրել քրդական ծագում և համարել իրենցից մեկը: Բնականաբար, քրդական այս տեսակետը ձեռնառու է նաև պետական իշխանություններին, որոնք տարբերակում չեն դնում քրդերի և ալևի-զազաների միջև՝ այդպիսով խուսափելով իրենց որդեգրած միատարրության դոկտրինի խախտման հավանականությունից:

1993 թվականից սկսած՝ թուրքական իշխանությունները սկսում են զանգվածային բռնաճշումներ գործադրել ալևիների նկատմամբ, որոնք ուղեկցվում են բազմաթիվ գոհերով, թաղամասերում ալևի երիտասարդ ցուցարարների և ոստիկանական ուժերի միջև բախումներով: Հատկապես հայտնի են Միվասի և Գազի թաղամասերի դեպքերը, որոնց հետևանքով ավերվեցին մի շարք տներ ու ալևիներին պատկանող կառույցներ: Իշխանության բռնաճշումները հասան այնտեղ, որ զազաներով բնակեցված մի շարք քաղաքներ և գյուղեր դատարկվեցին: Այս դեպքերի առնչությամբ բողոքի ցույցեր ծավալվեցին Ստամբուլի Ումրանիե թաղամասում: Անվտանգության ուժերի կողմից հինգ ալևիներ սպանվեցին: ՄԻԵԴ-ը վճռել է, որ Գազիի և Ումրանիեի դեպքերի ժամանակ Թուրքիան խախտել է Մարդու իրավունքների եվրոպական կոնվենցիայի 2-րդ (կյանքի իրավունք) և 13-րդ հոդվածները (արդյունավետ պաշտպանության իրավունք): Այս դեպքերի ժամանակ Թուրքիայի վարչապետն էր Թանսու Չիլլերը (1996-1997), որը DYP-ի (The Right Way) առաջնորդներից էր: DYP-ը ծայրահեղ ազգայնամոլական գաղափարախոսությամբ թուրքական կուսակցություն է, որի գործունեությունն ուղղված է հիմնականում քրդերի դեմ, այն անգամ ժխտում է քրդերի գոյությունն ընդհանրապես:

Ջազա-ալևիների նկատմամբ թուրքական կառավարության բռնաճշումներն ու հետապնդումները այն աստիճանի են եղել, որ եթե հիմա նրանց հարցնեն, թե արդյոք ալևի են, ապա նրանք միանշանակ կժխտեն դա:

Այսպիսով՝ Թուրքիայի Հանրապետության վարած երկակի քաղաքականությունը զազա-ալևիների նկատմամբ կարելի է բնորոշել հետևյալ կերպ.



Զազաների ցույց

1. Թուրքիան զազաներին դիտում է որպես հակակշռող գործիք քրդական PKK-ի դեմ պայքարում: Շեշտը հատկապես դրվում է այն զազաների վրա, որոնք գործուն աջակցություն են ցուցաբերում այդ կուսակցությանը: Նման գործելաոճի հետևանքով շուրջ երեք միլիոն զազաներ արդեն ոչ թե կուսակցության շահերն են պաշտպանում, այլ հանդես են գալիս նրա դեմ՝ ստեղծելով իրենց ազգային դիմադրության նոր ճակատը, որը վայելում է թուրքական իշխանությունների համակրանքը: Թուրքիան օգտագործում է զազաներին քրդերին պառակտելու նպատակով: Չնայած զազայական ազգայնական շարժումը կարծես հովանավորվում է թուրքական հետախուզության կողմից, այնուամենայնիվ, Թուրքիայում զազա համայնքի գոյությունը պաշտոնապես չի ճանաչվել: Եվ հենց դրա պաշտոնական ճանաչման հարցն է, որ Թուրքիան մշտապես խաղարկելու է զազա-քուրդ հակամարտության համար, և հնարավոր է ու նաև կանխատեսելի, որ այն այդպես էլ կմնա օդում կախված՝ լինելով երկրի ներսում էթնիկ փոքրամասնություններին վերահսկելու և նրանց ազգային շարժումները միմյանցով հակակշռելու Թուրքիայի որդեգրած քաղաքականության առանցքում:

2. Էթնիկական տեսանկյունից Թուրքիան զազաներին որոշակի արտոնություններ է տվել, բայց նույնը չի կարելի ասել նրանց կրոնական հայացքների վերաբերյալ: Սուննի Թուրքիան բնականաբար հանդուրժող չէ երկրի ներսում գոյություն ունեցող մեծաքանակ ալևի կրոնական համայնքի նկատմամբ, ինչի վառ ապացույցն են նախորդ դարից մինչև օրս շարունակվող բռնաճշումներն ու դաժան վերաբերմունքը այդ համայնքի անդամների նկատմամբ: Եթե զազաներն այժմ որոշակի հանգստությամբ կարող են բարձրաձայնել իրենց էթնիկական պատկանելության մասին, ապա կրոնական ուղղվածության մասին նրանք նախընտրում են լռել: Այսպիսով՝ կարելի է հստակորեն եզրակացնել, որ Թուրքիան զազա-ալևիների նկատմամբ կիրառում է «մտրակի և բլիթի» քաղաքականություն՝ մերթ պաշտոնական համայնքի ստեղծման հույսեր տալով, մերթ զսպելով նրանց ազգային զարթոնքի շարժումները՝ շեշտը դնելով ալևիականության ժխտման և միատարրության ու միակրոնության դոկտրինի շարունակականության ապահովման վրա: ■

Հայկական ռազմական ուժի պատմությունից (մաս 1)

Անի Մելքոնյան
Պատմաբան

Հունվարի 28-ը Հայաստանի երրորդ հանրապետության զինված ուժերի կազմավորման օրն է: Այս տարի լրանում է Հայաստանի մերօրյա հանրապետության բանակի 30-ամյակը: Դա, սակայն, չի նշանակում, որ հայկական բանակը (ռազմական ուժերը) ընդամենը 30 տարեկան է:

Հայ ժողովուրդը աշխարհի հնագույն ժողովուրդներից է, և նրա ռազմական ուժերի պատմությունը սկսվում է վաղնջագույն ժամանակներից ու հասնում մինչև մեր օրերը: Այսպես՝ Ք.ա. 24-րդ դարում Միջագետքի կենտրոնում ստեղծված Աքքադ պետության բռնապետ Սարգոնը, նվաճելով Միջագետքը և դրան հարակից մի շարք շրջաններ, հասավ Հայկական լեռնաշխարհի փեշերին: Այստեղ նա հիշատակում է **Արմանի** երկիրը, որի բնակները պատասխան արշավանք են ձեռնարկում Աքքադի դեմ, և Սարգոնին հազիվ է հաջողվում փրկել իր գահը:

Ք.ա. 23-րդ դարում Աքքադի տերությունը կրկին հզորացավ Սարգոնի թոռան՝ Նարամ-Սուենի օրոք: Վերջինս դարձավ պատմության մեջ առաջինը, ով կենդանության օրոք իրեն հռչակեց «աստված», կործանեց աստվածների տաճարները և պարտադրեց, որ ժողովուրդը պաշտի իր անձը: Երբ նա պաշարեց շումերական գլխավոր պաշտամունքային կենտրոն Նիպպոտ արբազան քաղաքը, շումերական քրմությունը օգնության խնդրանքով դիմեց Հայկական լեռնաշխարհի իշխանություններին՝ 17 երկրների համադաշնությանը, որի գլուխ կանգնած էր **Կուտիական (Կորդվաց) երկիրը** (17-ի համադաշնությունը արքայական աղբյուրներում հիշատակվում է մեկ ընդհանուր **Արմանի/Արմանում** անվամբ): «Շուտով արընթաց գրոհով Միջագետքի կենտրոն արշավեցին հայկական լեռնաշխարհի լեռնականները, որոնց դեմ պատերազմում ինքնակոչ «աստվածը» սպանվեց»¹: Կործանելով արքայական բռնապետությունը՝ Հայկական լեռնաշխարհի գորքերն իրենց իշխանությունը տարածեցին մինչև Պարսից ծոց: Նրանց տիրապետությունը տևեց շուրջ 100 տարի: Ք.ա. 2109 թ. ավարտվում է Կուտիական աշխարհակալության պատմությունը: Հատկանշական է, որ ազատագրական առաքելությամբ Միջագետք հասած կուտիական գորքերը չփորձեցին արյան մեջ խեղդել շումերների ազատագրական շարժումը, որը բարձրացել էր Ուրուկ քաղաքում:

Ք.ա. 21-րդ դարում Հայաստանը շարունակում էր մնալ Առաջավոր Ասիայի հզորագույն երկրներից մեկը: Այդ են վկայում միջագետքյան Շուլգի արքայի հետախուզական արձանագրությունները Արմանի երկրի մասին (այն հիշատակվում է նաև **Սուրուր** անվանումով), որոնցից տեղեկանում ենք նաև Արմանի բանակի մասին: Նամակներից մեկից տեղեկանում ենք, որ «Սուրուր երկրի տիրակալն ուներ «արշավանքի տուն» (ներկայիս եզրութաբանությամբ՝



«գլխավոր շտաբ»), որի պատերը զարդարված էին թանկարժեք մետաղներից ու քարերից պատրաստված զինատեսակներով, ...կային գորակայաններ, որոնք կերակրվում էին արքունիքի կողմից, այսինքն՝ կար մշտական մասնագիտացված բանակ:

Օտարերկրյա դեսպանի ընդունելության ժամանակ արքայի աջում և ձախում կանգնում էին նրա կառավարիչները, որոնցից յուրաքանչյուրը պատասխանատու էր նշանակված հինգ հազար ծառայողների»²:

Ք.ա. 16-13-րդ դարերում Հայկական լեռնաշխարհի հարավ-արևմուտքում և Միջագետքի հյուսիսում հզորանում է Միտաննի թագավորությունը, որը եգիպտական աղբյուրներում հիշատակվում է Նահարինա (Նահիրի) ձևով: Միտաննին ուներ կանոնավոր բանակ, որի հրամանատարությունը սովորաբար հանձնվում էր արքայազնին: Բանակը կազմված էր հետևակից, հեծելազորից և մարտակառքերից:

Խեթական սեպագիր արձանագրություններում Ք.ա. 15-13-րդ դարերում հիշատակվում է Հայասա երկիրը, որը «ռազմադաշտ էր դուրս բերում 700 մարտակառքից և 10.000-անոց հետևազորից բաղկացած բանակ, որն այդ ժամանակաշրջանի համար նշանակալից ուժ էր»³:

Հայկական ռազմական ուժի պատմության տեսանկյունից կարևոր է հատկապես Վանի (Արարատյան) թագավորության ժամանակաշրջանը, երբ, ըստ էության, սկիզբ դրվեց կենտրոնացված հայկական պետության ստեղծմանը: Հենց այդ ժամանակ էր, որ սկսվեց կանոնավոր բանակի կազմավորումը. «Դեռևս Իշպուինիի և Մենուայի օրոք սկսվել էր դաշտային գորաջոկատների և աշխարհագորի փոխարինումն արհեստավարժ

զինվորականությանը»⁴: Բանակը կազմված էր հետևակից, հեծելազորից և մարտակառքերից: Այն բաժանված էր 3.000-անոց գնդերի, որոնք էլ կազմված էին 50-ական զինվորներից բաղկացած վաշտերից: Տերության հզորացման և ընդարձակման տարիներին «զինված ուժերի ընդհանուր թիվը 352 հազար էր: Այս թվի մեջ ներառված են նաև նվաճված ու հարկատու երկրների զինված ուժերը»⁵: Ջորջի գերագույն հրամանատարը արքան էր, որին օգնում էին առաջին և երկրորդ սպարապետները: Հիշատակվում են «զնդապետներ», «հարյուրապետներ», «հիսնապետներ» և «տասնապետներ»:

Հայկական կանոնավոր բանակի կազմավորումն ու հզորացումը շարունակվեցին Երվանդունյաց արքայատոհմի օրոք, հատկապես Տիգրան Ա Երվանդունի արքայի կառավարման շրջանում: Այդ մասին Պատմահայր Խորենացին հաղորդում է. «Հետևակ կռվողները ձիավոր դարձան, պարսերով կռվողներն հաջող աղեղնավորներ, կռպակներով կռվողները զինվեցին սրերով ու տեգավոր նիզակներով. մերկերը պատսպարվեցին վահաններով և երկաթե զգեստներով: Եվ երբ նրանք մի տեղ հավաքվեցին, միայն նրանց արտաքին տեսքն ու նրանց պահպանակների ու զենքերի փայլունքը բավական էր թշնամիներին հալածելու և վանելու»⁶: Երվանդունյաց թագավորության օրոք հայկական բանակն ուներ 40.000 հետևակ և 8.000 հեծելազոր: Ռուֆոսի վկայությամբ՝ «Բասուսի ճակատամարտում (Ք.Ա. 333 թ.) մարտադաշտ բերված հայոց բանակի թիվը 47 հազար էր՝ 7 հազար հեծելազոր և 40 հազար հետևակ»⁷: Երբ Ալեքսանդր Մակեդոնացին արշավանք ձեռնարկեց Աքեմենյան տերության դեմ, Մակեդոնացու դեմ քեմենյան բանակի կազմում պատերազմին մասնակցեցին նաև հայկական զորքերը: Հայերն աչքի ընկան Գավգամելայի ճակատամարտում (Ք.ա. 331 թ.) Օրոնտա-Երվանդ 3-րդի և Միթրատատեսի գլխավորությամբ, որոնք էլ այդ ճակատամարտից հետո վերականգնեցին Հայաստանի անկախությունը: «Մակեդոնական և հայկական բանակների հաջորդ և վերջին բախումը տեղի է ունենում 2-3 տարի անց, երբ Ալեքսանդրի զորաբանակներից մեկը Մենոն զորավարի գլխավորությամբ ուղարկվեց Բարձր Հայքի ոսկու հանքերի շրջանը: Ինչպես վկայում է հույն մատենագիր Ստրաբոնը, հայերը ոչնչացնում են նրա բանակը, իսկ զորավարին «խեղդամահ անում»: Դրանից հետո Ալեքսանդրը փորձ չարեց Հայաստան նոր զորք ուղարկելու, ինչը վկայում է, որ նա ստիպված էր հաշվի նստել հայկական զինուժի հետ և խուսափել է նոր առճակատումից»⁸:

Հայկական բանակի հզորացման պատմության մեջ մի նոր շրջան բացվեց Արտաշեսյան թագավորության, հատկապես պետության երկու հզորագույն արքաների՝ Արտաշես Ա Բարեպաշտի և Տիգրան Բ Մեծի օրոք: Ք.ա. 189 թ. Արտաշես Բարեպաշտը Մեծ Հայքում իրեն թագավոր հռչակեց և հայոց պատմության մեջ բացեց բարեփոխումների մի նոր շրջան: Այդ բարեփոխումները առնչվում էին երկրի կյանքի բոլոր

ասպարեզներին, այդ թվում նաև՝ բանակին, որը թերևս բարեփոխումների համար ամենակարևոր ոլորտներից էր: Հայրենիքի պաշտպանությունը պատշաճ կերպով կազմակերպելու համար Արտաշես Բարեպաշտը ստեղծեց չորս զորավարություններ: Արտաշես արքայի բարեփոխումներից խոսելիս Պատմահայր Խորենացին հաղորդում է. «Ջորջի իշխանությունն էլ չորս մասի է բաժանում. արևելյան կողմի զորքը թողնում է Արտավազդին, արևմտյանը տալիս է Տիրանին, հարավայինը հավատում է (հավանաբար «վստահում է» – Ա. Մ.) Սմբատին և հյուսիսայինը Ջարեհին»⁹: Ռազմական բարեփոխումների, կանոնավոր, մարտունակ և լավ զինված բանակի շնորհիվ Արտաշես Ա-ն կարողացավ Մեծ Հայքին միացնել նրանից անջատված մի շարք տարածքներ և ստեղծեց տարածաշրջանի հզորագույն պետություններից մեկը, որի հետ ստիպված էր հաշվի նստել անգամ Հռոմը, որի ոխերիմ թշնամի, Կարթագենի հզոր զորավար Հաննիբալը ապաստան էր ստացել Մեծ Հայքում:

Հայոց պատմության հզորագույն տիրակալը Տիգրան Բ Մեծն էր, որի տերությունն իր տարածքով և ազդեցության գոտիներով կազմում էր շուրջ 3 մլն քառ. կմ: Տերության կառավարման գործում, բնականաբար, առանցքային դեր ուներ բանակը, որի բարեփոխմանը Տիգրան արքան ձեռնամուխ եղավ գահ բարձրանալուն պես: «Դատելով փաստերից՝ ռազմական բարեփոխումները եղել են նորահռչակ թագավորի առաջին ձեռնարկումներից: Մենատին ուղղված Լուկոլյոսի զեկուցագրում ներկայացված է Տիգրան Մեծի բանակի կազմը և թվաքանակը՝ 300 հազար, ինչը վերաբերում է ողջ տերությանը: Բուն հայոց զորքի թիվը, դատելով «Ջորանամակից» և մատենագիտական այլ աղբյուրներից, եղել է շուրջ 120 հազար: Տիգրանյան բանակի գլխավոր հարվածային ուժը ծանրագեն հեծելազորն էր՝ հայոց փառապանձ այրուձին, որի փառքը հարատևեց դարեր շարունակ»¹⁰: Բարեփոխված բանակի շնորհիվ էր, որ



Արգիշտի Ա-ի արձանագրությամբ սաղավարտ և Սարդուրի Բ-ի արձանագրությամբ վահան՝ Վանի թագավորություն

Տիգրան Մեծը նախ վերադարձրեց իր ազատության դիմաց զիջված «յոթանասուն հովիտներն» ու Մեծ Հայքի այն տարածքները, որոնք նրա պապ Արտաշեսը չէր կարողացել միացնել իր թագավորությանը, սպա սկիզբ դրեց իր աշխարհակալությանը:

Հետագա իրադարձությունների վրա շատ կանգ չառնելու համար նշենք միայն, որ Ք.ա. 68 թ. Արածանիի ճակատամարտում հայոց բանակից կրած խայտառակ պարտությունից հետո Լուկուլլոսը պաշտոնանկ արվեց: Արածանիի ճակատամարտում հռոմեական բանակի պարտության մասին փոքրասիական ծագմամբ հռոմեացի պատմիչ Դիոն Կասիոսը գրում է. «Այս ընդհարման ժամանակ հռոմեացի հեծյալներին թշնամու հեծելագործը դժվար դրության մատնեց¹¹... Թշնամիները որևէ վնաս չկրեցին, այլ նրանք, ետ դառնալով և հետապնդողներին նետահարելով, շատերին իսկույն սպանեցին, իսկ շատ շատերին էլ վիրավորեցին: Ու վերքերը ծանր էին և դժվար բուժելի. քանզի նրանք գործածում էին երկծայր նետեր, և ծայրերը այնպես էին իրար ազուցված, որ նետերը թե մարմնի որևէ մասում մնալու և թե դուրս քաշվելու դեպքում արագորեն սպանում էին, որովհետև երկաթյա ծայրերից մեկը, որը չէր ամրացված, մնում էր վերքի մեջ»¹²: Հայկական ավանդական պատմագիտական աղբյուրները այնքան անկարևոր են համարել Լուկուլլոսի արշավանքները, որ Պատմահայր Խորենացին նրան հիշատակում է որպես մի ելուզակի, որը «վրդովում է Հայոց աշխարհը»¹³:

Հայկական բանակը հզորությունը պահպանեց նաև Տիգրան Մեծի որդու՝ Արտավազդ Բ-ի կառավարման շրջանում: Վերջինս գահ էր բարձրացել հռոմեա-պարսկական պատերազմների թե՛ ժամանակաշրջանում, երբ ստիպված էր դիմակայել կամ հաշտության եզրեր գտնել երկու պետությունների հետ: Ք.ա. 54 թ. գարնանը հռոմեացի եռապետներից Մարկոս Կրասոսը սկսեց իր պարթևական արշավանքը, որի ժամանակ Հռոմի դաշնակից հայոց արքան խոստացավ Կրասոսին տրամադրել 40.000-անոց ռազմական օգնություն և առաջարկեց Կրասոսին արշավել Մեծ Հայքի լեռնային գավառներով, ինչը Կրասոսի կողմից մերժվեց: Հայ-հռոմեական դաշինքը խափանելու համար պարթև Օրոդես 2-րդ արքան որոշեց հարձակվել Հայքի ծայրամասային բնակավայրերի վրա: Հայոց արքան բնականաբար պետք է պաշտպաներ սեփական երկիրը, ուստի Կրասոսին տեղեկացրեց, որ չի կարող նրան ռազմական օգնություն տրամադրել, և փոխարենը դաշինք կնքեց պարթև արքայի հետ: Հայ-պարթևական միացյալ զորքերը Կրասոսի հետ բախվեցին Ք.ա. 53 թ. մայիսի 6-ին Խառանում, որտեղ հռոմեական զորքերը խայտառակ պարտություն կրեցին, սպանվեց նաև Կրասոսը: Հռոմեական բանակին նույն ճակատագիրն էր սպասվում նաև Ք.ա. 36 թ. Մարկոս Անտոնիոսի պարթևական արշավանքների ժամանակ: Անտոնիոսը, սակայն, իր պարտության մեղքը բարդեց հայոց արքայի վրա և Ք.ա. 34 թ. դավադրաբար ձերբակալեց նրան ու Ք.ա. 31



Տիգրան Մեծը ազգային ընտրանու և ժողովրդի հետ

թ. մահապատժի ենթարկեց:

Ալեյիումի ճակատամարտից հետո (Ք.ա. 31 թ.) հայ-պարթևական զորքերը, գահաժառանգ Արտաշես Բ-ի գլխավորությամբ, Մեծ Հայքից դուրս շարժեցին հռոմեացիներին: Արտաշես Բ-ից հետո՝ մինչև Արտաշեսյան թագավորության անկումը՝ 1 թ., հայոց բանակը շարունակում էր պահպանել հզորությունը, իսկ Մեծ Հայքի ռազմական դաշնակիցը լինելն առավելություն էր համարվում թե՛ Պարթևստանի, թե՛ Հռոմի համար:

Արտաշեսյան արքայատոհմի անկումից հետո իր դրածոներին Մեծ Հայքի գահին բազմեցնել ցանկացող Հռոմը այնուամենայնիվ ստիպված էր հաշվի նստել հայկական ռազմական ուժի հետ: Արդեն 2 թ. տեղի ունեցավ հակահռոմեական հուժկու ապստամբություն նախ դրածո Արիոբարզանեսի, սպա՝ նրա որդի Արտավազդի դեմ: Շարունակական ապստամբություններից և դրածոներին Հայաստանից վճռաբար կամ սպանելուց հետո հայերը 6 թ. դարձյալ գահ բարձրացրին Տիգրան 4-րդի քրոջը՝ Էրատոյին, իսկ նրանից հետո՝ 12 թ.՝ Պարթևստանի երբեմնի թագավոր Վոնոն Արշակունուն:

18 թ. հայերի պահանջով Հայաստանում գահ բարձրացավ հայկական միջավայրում դաստիարակված ու մեծացած պոնտական արքայազն Ջենոնը, որը ստացավ Արտաշես գահանունը: Նա միակն էր օտար գահակալներից, որ գահընկեց չարվեց հայերի կողմից և մահացավ իր բնական մահով 34 թ.:

Արշակ Ա-ի կարճատև (34-35 թթ.) գահակալությունից հետո Հռոմը գահը հանձնեց վրաց արքայազն Միհրդատ Իբերացուն, որի դեմ սպարապետ Գիսակ Դիմարքայանի գլխավորությամբ բռնկվեց հակահռոմեական հուժկու ապստամբություն, ինչի շնորհիվ Միհրդատը վճռվեց Հայաստանից, երկիրն էլ մինչև 43 թ. լիովին վերականգնեց իր անկախությունը: Հենց այս շրջանում էր, որ հռոմեացի բանաստեղծ Վերգիլիոսը տվեց հայ ժողովրդի դիպուկ նկարագիրը՝ «Կամուրջներ չհանդուրժող Արաքս»:

Հայկական հզոր զինական ուժը և անդադար շարունակվող ապստամբությունները ի վերջո տվեցին իրենց արդյունքը. Հռոմը ստիպված էր 66 թ. հայ-պարթևական միացյալ ուժերի պահանջով հայոց թագավոր ճանաչել Տրդատ Ա Արշակունուն: Արշակունյաց թագավորական դինաստիան

Հայաստանում գոյատևեց մինչև 428 թ.: Ավելի քան 300 տարվա ընթացքում և աշխարհաքաղաքական լարված դրության պայմաններում կանոնավոր, մարտունակ ու լավ զինված բանակի շտրփիվ հայոց պետությունը կարողացավ պահպանել իր կայունությունը և գրեթե միշտ տարածաշրջանային գործոն լինելու հանգամանքը, ինչի շտրփիվ էլ թե՛ Պարթևստանը և թե՛ Հռոմը ձգտում էին ձեռք բերելու Մեծ Հայքի դաշնակցությունը:

Արշակունյաց թագավորության շրջանում հայոց բանակը հիմնականում ղեկավարում էր Մամիկոնյան սպարապետական տոհմը, որի գլխավորությամբ հայկական բանակը բազմաթիվ փառահեղ հաղթանակներ տարավ թշնամիների դեմ պայքարում: Ահա հիշատակման արժանի մի քանի օրինակներ: 335 թ. իրեն Արշակունի հռչակած մագքթաց թագավոր Սանեսանը ներխուժում է Հայաստան ու գրավում Վաղարշապատը: 336 թ. Վաչե Մամիկոնյան սպարապետը Վաղարշապատից դուրս է շարտում մագքթոսներին, այնուհետև՝ ջախջախում նրանց Օշականի՝ Ցլու գլուխ կոչվող լեռան մոտ:

Նույն՝ 336 թ. հայոց զորքը Վաչե Մամիկոնյանի գլխավորությամբ ջախջախում է Հայաստան ներխուժած Մասանյանների զորքին:

Մծբինի 40-ամյա պայմանագրի ժամկետը չլրացած՝ 337 թ., Մասանյան արքա Շապուհ 2-րդը պատերազմ է սկսում Հռոմեական կայսրության դեմ: Չկարողանալով գրավել Մծբինը՝ պարսիկները հարձակվում են Հայաստանի վրա, և հայոց զորքը Վաչե Մամիկոնյանի գլխավորությամբ դուրս է գալիս թշնամու դեմ: Տեղի ունեցած ճակատամարտում սպարապետն ու նրա մի շարք զինակիցներ զոհվում են, բայց թշնամին դուրս է շարտվում երկրից:

Հայաստանի համար ճակատագրական էին հատկապես Արշակ Բ-ի և Պապի կառավարման շրջանները: 359 թ. սկսված պարսկա-հռոմեական պատերազմը 363 թ. վերածեց հայ-պարսկական պատերազմի: Նույն թվականին Գանձակի սահմանագծից Հայաստան ներխուժելու պատրաստվող պարսից զորքերին դիմավորում է հայոց զորքը՝ սպարապետ Վասակ Մամիկոնյանի գլխավորությամբ, և պարտության է մատնում թշնամուն: Հաջորդ արշավանքի ժամանակ Շապուհի մեծաթիվ զորքերը, չկարողանալով գրավել Անգեղանառիկ բերդը, գրավում են Անի բերդը Դարանաղիում, որտեղ ամփոփված էին Արշակունի հայ արքաների մասունքները, բացում են հայոց արքաների գերեզմանները և գերեվարում նրանց ոսկորները, որպեսզի, ինչպես իրենք էին հավատում, հայոց արքաների գորությունն ու փառքը տեղափոխվեն իրենց երկիր:

Հայոց 60.000-անոց զորքը Վասակ Մամիկոնյանի գլխավորությամբ ջախջախում է թշնամուն, վերադարձնում հայոց թագավորների մասունքները և վերաթաղում Արագած լեռան լանջին՝ Աղձք գյուղում:

370 թ., հռոմեական զորքերի գլուխ անցած, Հայաստան է վերադառնում թագաժառանգ Պապը, սպարապետ է դառնում Վասակ Մամիկոնյանի

որդին՝ Մուշեղը, և հայոց բանակը սկսում է երկրի ազատագրումը: 370 թ. Մուշեղ սպարապետը Ատրպատականում հայոց 40.000-անոց զորքով նախահարձակ է լինում: Շապուհը փախչում է, իսկ պարսից մեծամեծներից շատերը ձերբակալվում և Մուշեղի հրամանով մահապատժի են ենթարկվում:

371 թ. պարսից մեծաթիվ զորքը կրկին ներխուժում է Հայաստան և հասնում Միջնաշխարհ: Տեղեկանալով այս մասին՝ Պապ թագավորը հրամայում է հայոց զորքը հավաքել Այրարատ նահանգի Բագրևանդ գավառի Ձիրավի դաշտում: Լուսադեմին սկսվում է Ձիրավի ճակատամարտը. հայոց բանակը Մուշեղ սպարապետի գլխավորությամբ գրոհում է պարսիկների վրա: Հաղթանակը կատարյալ էր: Պարսից բանակի մնացորդները փախուստի են դիմում:

372 թ. սպարապետ Մուշեղը, լուր ստանալով Շապուհի բանակի առաջիկա ներխուժման մասին, զորքով շարժվում է դեպի Գանձակ:

Հայոց զորքը «Քաջ Արշակի համար» բացականչություններով մարտի է նետվում և ջախջախում պարսկական ուժերին:

374 թ. հռոմեացիների կողմից դավադրաբար սպանվում է Պապ թագավորը, և սկսվում է Արշակունյաց թագավորության անկումը, թեև հայկական ռազմական ուժը շարունակում է մնալ տարածաշրջանային վճռորոշ գործոն: ■

Հղումներ

1. Մովսիսյան Ա., Հայոց 5000-ամյա պետականությունը, Եր., 2016, էջ 14:
2. Նույն տեղում, էջ 13:
3. Նույն տեղում, էջ 19:
4. Նույն տեղում, էջ 27:
5. Նույն տեղում:
6. Մովսես Խորենացի, Հայոց պատմություն, Եր., 1981, էջ 132-133:
7. Մովսիսյան Ա., Հայոց 5000-ամյա պետականությունը, էջ 29:
8. Նույն տեղում, էջ 30:
9. Մովսես Խորենացի, նշվ. աշխ., էջ 200:
10. Մովսիսյան Ա., Տիգրան Մեծ. թագավորներից մեծագույնը, Եր., 2010, էջ 73-74:
11. Նույն տեղում, էջ 50:
12. Նույն տեղում, էջ 62:
13. Մովսես Խորենացի, նշվ. աշխ., էջ 163:

- ա) Գրականություն
1. Հայաստանի Հանրապետությունը 1918-1920 թթ. (քաղաքական պատմություն), փաստաթղթերի և նյութերի ժողովածու, խմբ. Գ. Գալոյան, Եր., 2000:
 2. Մինասյան Է., Հայաստանի երրորդ հանրապետության պատմություն, Եր., 2013:
 3. Մովսես Խորենացի, Հայոց պատմություն, Եր., 1981:
 4. Մովսիսյան Ա., Հայոց 5000-ամյա պետականությունը, Եր., 2016:
 5. Մովսիսյան Ա., Տիգրան Մեծ. թագավորներից մեծագույնը, Եր., 2010:
 6. Վիրաբյան Վ., Հայաստանի Հանրապետության հետախուզությունը և բանակը 1918-1920 թթ., Եր., 2009:
 7. Վրացյան Ս., Հայաստանի Հանրապետություն, Եր., 1993:

- բ) Մամուլ
1. Հարությունյան Վ., Կարսի հանձնումը: Զինվորական դավադրության վարկածը, «ՎԷՄ» համահայկական հանդես, Եր., 2018, թիվ 4 (64):

- գ) Համացանցային նյութեր
1. <http://www.genocide-museum.am/arm/28.10.2020.php>.
 2. http://www.historyofarmenia-am.armin.am/am/Encyclopedia_of_armenian_history_Hayoc_azgayin_banak.

Միլի շարժումը Կ. Պոլսի «Ճակատամարտ» և «Ժամանակ» օրաթերթերի էջերում (1919-1920 թթ.) (մաս 2)

Մարիամ Հովսեփյան

ԳԱԱ պատմության ինստիտուտի ավագ գիտաշխատող, բանասիրական գիտությունների թեկնածու

«Ճակատամարտ» օրաթերթում տպագրված թղթակցություններում, լուրերում և հայտարարություններում պարզորոշ երևում էին հայկական և թուրքական տեղեկատվական աղբյուրների ու հաղորդած տեղեկատվության կամ վերլուծությունների հակասություններն ու իրարամերժությունը: Հայկական հարցի վերաբերյալ երկու կողմերի տեսակետներն ու ասածները լրիվ հակասող են: Օրինակ, ի տարբերություն Արտաշես Վանարյանի, Մուստաֆա Քեմալն իր հայտարարություններում և ելույթներում առաջ էր տանում թուրքական այն տեսակետը, թե հայերն ապստամբել էին Առաջին աշխարհամարտի տարիներին, դավաճանել պետությանը՝ անցնելով հակառակորդ Ռուսաստանի կողմը, ուստի տեղահանվել էին իրենց բնակավայրերից, որ նաև ռազմական գործողությունների թատերաբեմից հեռու մնային: Օրաթերթում բազմաթիվ են Աթաթուրքի արած նման հայտարարությունները: Դրանցից մեկում նա, կեղծելով իրականությունը, նշում էր, թե իբր Հայաստանի առաջին հանրապետությունում բնակվող թուրքերին և իսլամադավաններին հալածում էին, իսկ Թուրքիայում իրենք ամեն կարգի օգնություն էին ցույց տալիս հայերին. «Այնպես որ այն գործվալից ընթացքին առջև խելահաս հայերը կը զոջան, որ տեղահանութեան պատճառ եղող ապստամբութիւնը առաջ բերած են»¹:

Քեմալականները Սեբաստիայի համաժողովում ներկայացրած՝ շարժման նախնական ծրագրում նշել էին, որ պայքարելու են իրենց «հայրենիքի» պատիվը հույների և հայերի սկսած անջատողական ձեռնարկներից պաշտպանելու համար²: Մուստաֆա Քեմալն իր ճառում մասնավորապես Հայկական հարցի դեմ պայքարն էր կարևորում. «Արևելքի մեջ հայերը սկսան պատրաստուիլ մինչև Ալիս տարածելու և իրենց ջարդի քաղաքականութեան, որ այժմէն մինչև մեր սահմանները եկած հասած են... Արևելքի մեջ սահմանի մեր սգաւոր նահանգները, որոնք պատերազմին ամեն տեսակ չարիքներն ու վիշտերը կրած և մանաւանդ հայոց վայրագութեանց և զուլումներուն ասպարէզ եղած են, ազգային պատիւը փրկելու համար իրաւանց պաշտպան միութիւններ կազմեցին: Նոյնը ըրաւ Տիարպէքիր, որ արևելքէն ու հարաւէն վտանգ զգացած էր»³:

«Ճակատամարտ» օրաթերթի 1920 թ. հրապարակումների մեջ ավելի շատ էին Միլի շարժման և թուրքական կառավարող շրջանակների, հակամիլի ուժերի հարաբերություններին, Փարիզի համաժողովում Թուրքիայի բռնելիք դիրքին, Թուրքիայի «Ազգային ուխտին», Վուդրո Վիլսոնի



իրավարար վճռին վերաբերող վերլուծությունները, թարգմանական հոդվածներն ու լուրերը: Բերենք օրինակ: Երբ համաձայնական ուժերը մի պահ ցանկանում էին Կ. Պոլսը դուրս բերել թուրքական վերահսկողությունից, Մուստաֆա Քեմալն իր զորքերը Սվազից տեղափոխում է Էսկյուրի, որտեղից երկաթգծով հեշտանում էր նրա անմիջական կապը մայրաքաղաքի հետ: «Դաշնակիցներու՝ թուրքերը Պոլսէն հեռացնելու ենթադրեալ որոշումը պատճառ եղած է, որ միլիճիները կասկածոտ ըլլան հանդէպ դաշնակիցներու և կառավարութեան: Մուսթաֆա Քեմալ, Էսկիւրիի երևելիներու առջև բռուն ճառախօսութիւն մը ընելով, վերստին յիշած է Ուիլսոնի 14 կէտերը և բողոքած է՝ ըսելով, որ իրենց շարժումը երբեք չպիտի ընդունի Թուրքիոյ բաժանումը և ստրկացումը: Քեմալ փաշա դեռ կը շարունակէ պաշտպանել Թուրքիան դաշնակիցներու այն ամբաստանութիւններուն դէմ, թէ թուրք կառավարութիւնը ոչ մահմետական փոքրամասնութիւններու դէմ բռնակալօրէն վարուած է և թէ ան չունի կառավարելու յատկութիւնը»⁴, - կարդում ենք օրաթերթում «Մորնինգ փոստ» պարբերականի՝ հունվարի 12-ի համարից թարգմանաբար արտատպված վերլուծական հոդվածում: Թղթակիցը նաև գրում էր, որ այս ապստամբական քայլով Քեմալը հասկացնում էր, որ Միլին կառավարությանը կաջակցեր կամ կմիանար միայն այն դեպքում, եթե հաշտության պայմանները գոհացնեին իրենց, հակառակ դեպքում քեմալականները կպատերազմեին⁵: Մեկ այլ օրինակ: Իր պահանջներն առաջ տանելու նպատակով Քեմալն Էսկյուրիում ստեղծում է սեփական կառավարությունը՝ հրահանգելով իրեն հավատարիմ բոլոր ուժերին և անձանց հարաբերությունները խզել Կ. Պոլսում հաստատված՝ երկրի իրական իշխանությունների հետ⁶: Այս ամենը, «Ճակատամարտի» համոզմամբ,

լուրջ սպանալիքներ էր պարունակում հայերի և մյուս քրիստոնյաների կյանքի համար. «Հայ և յոյն բնակչություններուն կեանքը խաղալիք դարձած է»⁷: «Ընթացիկ կյանք» բաժնի լուրերից մեկից ընթերցողները տեղեկանում էին, որ Միլի շարժումը, արագ քայլերով առաջ գնալով, իր կամքն էր պարտադրում Թուրքիայի կառավարող շրջանակներին՝ փոփոխություններ կատարելով Նախարարների պալատում: «Միլին յաղթանակեց և յաջողեցաւ դահլիճէն դուրս նետել տալ իր չուզած նախարարները... Միլի խմբակը կը պահանջէր ներքին, արտաքին գործերու և դատական նախարարներու հրաժարումը»⁸, - գրում էր պարբերականը՝ ավելացնելով, որ միլիական «Հայրենիքի փրկության» խմբակը վարչապետին ներկայացրած վերջնագրով հասկացրել էր, որ իրենց պահանջը մերժելու պարագայում Միլին «դահլիճին վստահութեան քուէ»⁹ չէր տա: Թերթի հրապարակումները վկայում էին, որ միլիականների բոլոր պահանջները բավարարվել էին, իսկ նորընտիր պատգամավոր¹⁰ Մուստաֆա Քեմալին էլ ծափերով էին դիմավորել Թուրքիայի երեսփոխանական ժողովում¹¹: Այդտեղ քեմալական պարագլուխներից պատգամավոր ընտրված Բեուֆ բեյն իր ողջույնի խոսքում նշում է, որ իրենց շարժումը «ոչ մէկ արտաքին ուժի դրդումով չէ եղած, այլ ան Անատոլի ժողովուրդին ինքնապաշտպանութեան ձայնն է»¹² եղել: Շերիֆ բեյն էլ վերահաստատում է համաթրքության իրենց ծրագիրը, որը ներառում էր Օսմանյան կայսրության նախկին տարածքները, որոնցից ոչինչ չէին պատրաստվում զիջել միջազգային ճնշման ներքո կամ որևէ միջազգային համաձայնագրով ու փաստաթղթով¹³: Մեջբերենք նրա ելույթից մի հատված. «Իզմիրը թուրք է և թուրք պիտի մնայ... Պատերազմը կը շարունակուի, ինչ որ մեր երկիրը ժառանգի նման չկրնար բաժնուիլ: Անատոլու մէկ է և մէկ պիտի մնայ»¹⁴: Այսինքն՝ նրանք հայերին չէին պատրաստվում տալ Արևմտյան Հայաստանը կամ, իրենց բնորոշմամբ, Արևելյան Անատոլիան: «Ճակատամարտ» օրաթերթը նաև հստակ մատնանշում էր, որ այս մտեցումներն ամրագրված էին քեմալականների մշակած ու խորհրդարանի կողմից հաստատված Թուրքիայի «Ազգային ուխտ» փաստաթղթում: Խմբագրականում արտառոց էր համարում դրանում ներկայացված պահանջները¹⁵: Այսինչ Մուստաֆա Քեմալը վաղուց՝ դեռևս 1907 թ. էր մշակել այդ համաթրքական պետության քարտեզը, ինչը վկայել էր նրա մտերիմ ընկերներից Ջեբետյը կամ Ալի Ֆուադը¹⁶: Ինչպես տեղեկանում ենք ԳԱԱ պատմության ինստիտուտի հրատարակած «Հայոց պատմություն» բազմահատորյակից, Սևրի պայմանագրի մշակման և բանակցային փուլում Մուստաֆա Քեմալը հանդիպումների ընթացքում «պնդում էր, որ Թուրքիայի սահմաններում գոյություն չեն ունեցել ո՛չ Արևմտյան Հայաստան, ո՛չ էլ Հայկական հարց»¹⁷:

Եթե Փարիզի համաժողովի գործունեության

առաջին փուլում և Միլի շարժման ձևավորման սկզբնական շրջանում Մուստաֆա Քեմալը հանդես չէր գալիս թուրքական պետության ծավալապաշտական հայտարարություններով, բավարարվում էր Առաջին աշխարհամարտից հետո գրանցված սահմանային իրողություններով, ինչի մասին կարդում ենք օրաթերթի էջերում, որ 1919 թ. հուլիսի 23-ից օգոստոսի 6-ը «արևելեան նահանգներու համաժողովը գումարուեցաւ Էրզրումի մէջ... և երդում ըրաւ զինադադարի կնքման պահուն գոյութիւն ունեցող սահմանին մէջ հաշտութիւն մը կնքելու համար»¹⁸, սպա իշխանության գալու նախաշեմին նա գործում էր հանուն համաթրքական հզոր պետություն կերտելու մաքսիմում ծրագրի իրականացման¹⁹: «Ճակատամարտի» էջերում Քեմալի այդ նպատակներին էր անդրադարձել Տիգրան Զավենը: Իր վերլուծական հոդվածում նա փաստում էր, որ Միլի շարժումը «թրքական աշխարհին և թրքական ազգայնութեան զարթումին»²⁰ արտահայտությունն էր: Ահա թե հոդվածագիրն ինչպես էր հասկացել այդ շարժման առաջնահերթությունները. «Մուսթաֆա Քեմալները կը ջանան փլշող Օսմանեան կայսրութեան բեկորներուն վրայ բարձրացնել թրքական կայսրութիւն մը... Թուրքիոյ մասնակցութիւնը պատերազմին ուրիշ նպատակ չունէր, եթէ ո՛չ ազատագրել Կովկասի թրքութիւնը և միացնել զայն իրեն: Թուրք ժողովուրդը կը ձգտի իր միութեան... Թուրք վարիչները մինչև հիմա ազգային, տեղական պայքարին տուին անլուր բարբարոսութեան մը ձևերը: Կուի այս վայրագութենէն իսկ պէտք է հետևցնել, թէ որքան ուժգնօրէն կը ձգտին անոնք իրենց համաթրքական ու համալսամական իտէլի



իրագործման: Որովհետև հայ ժողովուրդի ազգային միության գործը կը խանգարէ թուրք վարիչներու երազը, անոնք վճռեցին բնաջնջել հայութիւնը: Ու կը շարունակեն երթալ նոյն ճամփով: Հակառակ պարագային, ինչպէ՛ս բացատրել Միլլի շարժման ղեկավարներու անհաշտ վերաբերմունքը դէպի մեր ինքնորոշման իրատունքը: Ինչպէ՛ս բացատրել այն ճիգերը, զոր գործ կը դնէ Ատրբէջանը, տիրանալու հրով ու սրով, հայկական այն հողամասերուն, որոնք կամուրջ կը կազմեն իր և Թուրքիոյ միջև»²¹: Տիգրան Զավենի այս խոսքերն առավել քան արդիական են: Այսօր Թուրքիայի Հանրապետությունը շարունակում է նախորդ վարչակարգերի համաթուրքական ծրագրի իրագործման քաղաքականությունը՝ ձգտելով մեջտեղից հանելու Հայկական հարցն ու հայոց պահանջատիրության խնդիրը: Թեև Թուրքիայի նախագահ Ռեջեփ Թայիփ Էրդողանն ամեն կերպ փորձում է ստվերել Աթաթուրքի՝ իբրև այդ ծրագրի նախակարապետի ձեռքբերումները, սակայն հենվում է նրա մշակած սկզբունքների վրա:

Թուրքիայի ներքին ու արտաքին կյանքում Մուստաֆա Քեմալի և նրա ստեղծած Միլլի շարժման դերն անուրանալի և բացառիկ է: «Ճակատամարտ» օրաթերթի աշխատակիցներից Արտաշես Վանարյանը դեռևս 1919 թ. գրում էր, որ այդ կազմակերպված ուժն անգամ հարգանք էր ներշնչել իր սկստմամբ արտաքին աշխարհի հզոր տերություններին²²: Հայերը, սակայն, քեմալականների գործողությունների հետևանքով ենթարկվեցին կոտորածների ու հիմնականում վտարվեցին իրենց հայրենիքից կամ մնացին այնտեղ՝ ստիպված դառնալով մահմեդական քուրդ կամ թուրք: Մուստաֆա Քեմալն ի սկզբանե պատերազմ էր հայտարարել հայությանը և Հայաստանին, քանի որ հայ ժողովուրդն ու պետականություն ունենալու նրա ձգտումը վտանգում էին Թուրքիա պետության տարածքային ամբողջականությունը: Չէ՛ որ Առաջին աշխարհամարտից հետո այդ պետության սահմանները հիմնականում ընդգրկում էին դարեր առաջ հայերից խլած հողատարածքները, որոնք վերջնականապես հայաթափվեցին հենց Աթաթուրք կոչված Մուստաֆա Քեմալի վարած քաղաքականության հետևանքով: Նա, իրոք, թուրքերի հայրն էր, որն իր գավակների համար ստեղծեց բնակավայրեր հայերի հողերի վրա, հայրենիք՝ հայերից բռնագավթած հայրենիքի հաշվին և բարեկեցիկ կյանք՝ արևմտահայերից խլված ու յուրացված հարստության և ունեցվածքի հիմքի վրա: Ժողովրդավարական արժեքների տեսանկյունից, սակայն, Աթաթուրքը հանցագործ հայր էր, որի հանցանքների թվարկումն ի չիք է դարձնում թուրքերի համար նրա ստեղծած բարիքներն ու կեղծ արժեքները: Նա անգամ իր՝ իշխանության գալուց առաջ էր խեղաթյուրել թուրքերի պատմությունը՝ 1919 թ. սեպտեմբերի 4-11-ը Մեքաստիայում տեղի ունեցած համաժողովում հայերին համարելով թուրքերին ջարդող ու երկրի դավաճան՝ մոռանալով, որ Թուրքիան հայերի հայրենիքը չէր, որ թուրքերը հարյուրավոր տարիներ առաջ գրավել էին հայոց

հայրենի երկիրը և հայերին դարձրել իրենց ենթակա: Հայերը դա երբեք չեն մոռանա՝ հոգու խորքում վառ պահելով նաև ցեղասպանության վնասների փոխհատուցման պահանջ-պայքարի անմար կրակը: Հայկական հարցի լուծման բանալին դեռևս 1920 թ. տվել էր հասարակական գործիչ, լրագրող Տիգրան Զավենը «Ճակատամարտի» էջերում: Նրա համոզմամբ՝ հայության ազատագրական պայքարին խանգարել էր ոչ իրատեսական վերլուծություններ ու դրանցից բխող հետևություններ անելը. «Մեր դժբախտության աղբիւրը պէտք է փնտռել կարգ մը պատրանքներու մէջ: Շատեր այն համոզումն ունէին, թէ մենք մեր ազատագրութիւնը պիտի ստանայինք «ազատատենչ» պետութիւններէն, իբրև վարձատրութիւն մեր ըրած հսկայական զոհողութիւններուն, իբրև արդար հատուցում մը մեր դարաւոր մարտիրոսագրութեան: Անոնք կ'անգիտանային, որ պետութիւնները կ'երկրպագեն մէկ կուռքի մը՝ Շահին»²³: Հայ քաղաքական գործիչների մեծամասնությունը, ըստ հողվածագրի, իր պատրանքներով և վարած վերացական քաղաքականության մղումով սպասում էր, որ Անտանտի պետությունները հայությանը նվիրելու են միացյալ, անկախ Հայաստան²⁴: Նրանք Հայկական հարցը բաժանել էին երկու մասի՝ արևելահայ և արևմտահայ դատի, այնինչ դա ավելորդ էր, եթե մեկ պետություն ստեղծելու հարցն էր քննարկվում միջազգային ատյաններում այն պարագայում, երբ հայ պետական ու հասարակական այրերից շատերը կատարված իրողություններից ավելի մեծ արժեք էին տալիս դիվանագիտական խաղերին²⁵: ■

Հղումներ

- 1- Նույն տեղում, 1919, թիվ 323:
- 2- Տեն նույն տեղում, 1919, թիվ 277:
- 3- Նույն տեղում:
- 4- Նույն տեղում, 1920, թիվ 367:
- 5- Տեն նույն տեղում:
- 6- Տեն նույն տեղում, 1920, թիվ 451:
- 7- Նույն տեղում:
- 8- Նույն տեղում, 1920, թիվ 376:
- 9- Նույն տեղում:
- 10- Տեն նույն տեղում:
- 11- Տեն նույն տեղում:
- 12- Նույն տեղում:
- 13- Տեն նույն տեղում:
- 14- Նույն տեղում:
- 15- Տեն նույն տեղում, 1920, թիվ 381:
- 16- Տեն «Թուրքիայի Հանրապետության պատմություն», էջ 28:
- 17- «Հայոց պատմություն», հ. 4, Եր., «Զանգակ 97», 2010, էջ 152:
- 18- «Ճակատամարտ», 1919, թիվ 275: Տե՛ս նաև 1919, թիվ 287:
- 19- Տեն «Թուրքիայի Հանրապետության պատմություն», էջ 24, 28:
- 20- «Ճակատամարտ», 1920, թիվ 380:
- 21- Նույն տեղում:
- 22- Տեն նույն տեղում, 1919, թիվ 287:
- 23- Նույն տեղում, 1920, թիվ 380:
- 24- Տեն նույն տեղում:
- 25- Տեն նույն տեղում:

Մուստաֆա Քեմալ Աթաթյուրքի պաշտամունքի կառուցարկումը և հետմահու պաշտամունքը Թուրքիայի քաղաքական համակարգում (հոդված 3)

Տիգրան Չանդոյան

Քաղաքագետ, ՀՅԴ «Նիկոլ Աղբալյան» ուսանողական միության անդամ

Անկախության պատերազմում Աթաթյուրքի դերակատարությունը որպես առաջնորդ, հրամանատար և դիվանագետ վերջինիս դարձրեց ժողովրդական հերոս: Սակայն Մուստաֆա Քեմալի հերոսական կերպարի կերտումը՝ «խարիզմատիկ առաջնորդության» ձևավորումը, սկսվել է ոչ Դիմադրության շարժման, ոչ էլ Անկախության պատերազմի ընթացքում: Այն սկսվել է Գալիպոլիի ճակատամարտից¹ հետո, որի ժամանակ նա դրսևորեց իրեն որպես ռազմական գործիչ: Կարելի է պնդել, որ հենց այդ ժամանակ սկսվեց Քեմալի հերոսական կերպարի կերտումը, որն աստիճանաբար լայն տարածում գտավ հասարակական տարբեր խմբերի շրջանում:

Ըստ ավանդույթի՝ Գալիպոլիի ճակատամարտի ընթացքում Քեմալը, տեսնելով փախչող օսմանյան զինվորներին, հարցնում է նրանց, թե ուր են վազում: Զինվորները պատասխանում են, որ թշնամին հարձակվում է:

«–Դուք չպիտի փախչեք թշնամուց:
– Մենք զինամթերք չունենք:
– Զինամթերք չունենք, բայց ունենք սվիններ»:

Դրանից հետո Քեմալը հրամայեց զինվորներին ամրացնել սվինները հրացաններին, հետ գնալ ընդդեմ թշնամու² ու պարտության մատնել նրան: Այս պատմությունը լայն տարածում գտավ, տպագրվեց օսմանյան մամուլում:

Անհրաժեշտ է, սակայն, նշել, որ Մուստաֆա Քեմալը երբևէ չի արժանացել այն ժողովրդական պաշտամունքին, որին արժանացել էին 1908 թ. հեղաշրջման երիտթուրք ռազմական առաջնորդները, ինչպիսիք էին, օրինակ, Էնվեր փաշան, Նիյազի բեյը³: Հանրապետության հիմնադրումից հետո Մուստաֆա Քեմալի՝ աշխարհիկացման և արևմտականացման կտրուկ քաղաքականությունը հանրության լայն շերտերի համար առավել ևս անընդունելի էր⁴, և դա անշուշտ չէր կարող նպաստել Քեմալի պաշտամունքի՝ բնական հունով ձևավորմանը:

Անկախության պատերազմի առաջնորդի համբավը Քեմալը հետագայում օգտագործեց իր նախագծած բարեփոխումների իրագործման համար՝ հանրային աջակցություն ձեռք բերելու նպատակով: Հերոսի և ուժեղ առաջնորդի կերպարն առանցքային նշանակություն ուներ Քեմալի քաղաքական գործունեության մեջ, քանի որ բարեփոխումների մեծագույն մասը ավանդական թուրք հասարակության համար անընդունելի էր⁵: Ուստի հանրապետության հիմնադրումից անմիջապես հետո Քեմալը և իր



մերձավոր շրջապատը լծվեցին իր անձի շուրջ խարիզմատիկ առաջնորդի պաշտամունք ձևավորելու գործին:

Խարիզմատիկ առաջնորդության տարրերը, որ մեկնաբանվել են Վերերի կողմից, պարզորեն նկատելի են այն հանգամանքներում, որոնցում Մուստաֆա Քեմալը և նրա ռեժիմի ներկայացուցիչները պատկերվում են, և նա կարող է կոչվել խարիզմատիկ, եթե, իհարկե, խարիզման նախ և առաջ ընդունենք որպես որևէ բան՝ կառուցված որպես քաղաքական գործընթացի կարևոր մաս: Սակայն եթե խարիզմատիկ առաջնորդությունն ընկալենք առավել «մաքուր վերբերյան» ձևով, այն է՝ առաջնորդի բնավորության գծերի կամ անհատական հատկանիշների վրա (հատկանիշներ և գծեր, որոնց առաջնորդը պարտական է իր «հայտնությամբ») հիմնված հարաբերություն առաջնորդի և նրա հետևորդների միջև, ապա պատկերը բոլորովին այլ կլինի⁶: Վերերի խարիզմատիկ առաջնորդության տեսության մեջ հատկապես շեշտվում է, որ առաջնորդը, որպես այդպիսին, ճանաչվում է իր արտաստվոր, գերբնական և անգամ մոգական հատկանիշների շնորհիվ և ոչ թե ռացիոնալ-իրավական կամ ավանդական հիմքերից ելնելով: Խարիզմատիկ առաջնորդի ձևավորումը ավելի շուտ մարտահրավեր է արդեն գործող համակարգին, քան թե դրա արդյունքը: Մուստաֆա Քեմալ Աթաթյուրքի պարագայում այս կետերից ոչ մեկը կիրառելի չէ⁷:

Մեր կարծիքով՝ Քեմալի՝ իշխանության հասնելը խարիզմայի այս տիպի հետ որևէ կապ չունի: Ոչ մի հիմք չկա ենթադրելու, որ նա իր ժամանակակիցների կողմից համարվում էր խարիզմատիկ առաջնորդ նախքան Թուրքիայի պետական գործիչ դառնալը:

1919 թ. Մուստաֆա Քեմալը բարձրաստիճան սպա էր, Օսմանյան կայսրության ռազմական էլիտայի ներկայացուցիչ, որը կանոնավոր ընթացակարգով առաջխաղացում էր ունեցել ռազմական ոլորտում: Նա նշանակվել էր 9-րդ բանակի ռազմական տեսուչի պաշտոնում սուլթանի և նրա կաբինետի կողմից: Երբ Քեմալը հեռացվեց օսմանյան բանակից, շարունակեց մնալ Դիմադրության շարժման առաջնորդ, որովհետև Անատոլիայի օսմանյան բանակի բարձրագույն սպայակազմն ընդունեց նրան որպես այդպիսին, սակայն նրանք այդպես վարվեցին ոչ թե Քեմալին վերագրված գերմարդկային ինչ-ինչ հատկանիշներից ելնելով, այլ որովհետև տեղյակ էին, որ նա եկել է «ազգային» պայքարի շարժում կազմակերպելու նպատակով, և ընդունում էին դա⁸: 1919 թ. Մուստաֆա Քեմալն ուներ արդեն իսկ ձևավորված, կայուն համբավ որպես ռազմական առաջնորդ և լավ հայտնի էր երիտթուրքերի ներքին շրջանակներում, սակայն նա հեռու էր լայն հասարակության համար ճանաչված լինելուց: Մուստաֆա Քեմալը 1919 թ. ընտրվեց «Անատոլիայի և Ռումելիայի իրավունքների պաշտպանության ընկերության» նախագահ, իսկ 1923 թ.՝ նաև երկրի նախագահ, սակայն այս ամենը տեղի ունեցավ օրենքների և ընթացակարգերի, ապա նաև Սահմանադրության համաձայն, այլ ոչ թե նրա անձնային խարիզմատիկ հատկանիշների հիման վրա: Ավելին, չնայած ավտորիտար կառավարման մեթոդներին, իր քաղաքական գործունեության ընթացքում Քեմալն ինքը կողմնակից էր իրավական ձևակերպումների և ընթացակարգերի մանրամասնությունների պահպանմանը⁹:

Ինչպես արդեն տեսանք, Աթաթուրքի՝ իշխանության գալն ու երկրի առաջնորդ ընտրվելը չեն կարող խարիզմատիկ համարվել վերերջյան իմաստով, սակայն անհատի պաշտամունքը պարուրել էր նրա կերպարը՝ ստեղծված իր իսկ կողմից, և շարունակվում էր անգամ իր մահից հետո՝ պարզորոշ կերպով կրելով խարիզմատիկ առաջնորդության բնութագիր: Ուստի խարիզման կարևոր դեր է խաղացել Թուրքիայի Հանրապետության «քաղաքական թատերաբեմում»: Անհատի պաշտամունքը, որում օգտագործվում է անգամ մահացած առաջնորդի խարիզման, արտառոց կերպով արդյունավետ է՝ պատկառանք առաջացնելու Մուստաֆա Քեմալ Աթաթուրքի նկատմամբ¹⁰:

Խարիզմատիկ առաջնորդության կառուցարկման սկզբնական փուլը, որը համընկավ հանրապետության վաղ տարիների հետ, նշանավորվում է հանրապետության տարբեր շրջանների խոշոր քաղաքներում արձանների և հուշարձանների կանգնեցմամբ: Իսլամում նկարչության ու քանդակագործության միջոցով անձի պատկերումը համարվում է Ալլահի հանդեպ գործած մեղք¹¹, և այս քայլով քեմալականները զուգահեռաբար փորձում էին պայքարել իսլամական ավանդույթների և կարծրատիպերի դեմ:

Առաջին արձանը կանգնեցվեց 1926 թ. Ստամբուլի Սարայբուրնու թաղամասում (Նկ. 1), որի ավտորիացի



Նկ. 1. Աթաթուրքի առաջին արձանը, Սարայբուրնու, Ստամբուլ, 1926 թ.

հեղինակն այդ նպատակով հրավիրվել էր Թուրքիա¹²: Հաջորդ տարի Անկարայում կանգնեցվեց ևս երկու հուշարձան՝ իտալացի քանդակագործ Պետրո Կանոնիկայի հեղինակությամբ: Վերջինս իր ժամանակների լավագույն քանդակագործ-հուշարձանագործներից էր, և Քեմալն անձամբ էր հրավիրել նրան՝ ստանձնելու հուշարձանների կառուցման գործը¹³: Նույն քանդակագործի հեղինակած երկու այլ հուշարձաններ կանգնեցվեցին հաջորդ տարի: Դրանք էին Ստամբուլի Թաքսիմ հրապարակի «Հանրապետության հուշարձանը» և Քեմալի արձանը Կայսերի քաղաքում¹⁴: Թաքսիմ հրապարակում կանգնեցված «Հանրապետության հուշարձանը» (Նկ. 2) մի արձանախումբ է, որտեղ Մուստաֆա Քեմալն անդիմադրելիորեն ու անշեղորեն ընթանում է առաջ՝ իր ետևից տանելով անկախության պայքարի մյուս առաջնորդներին և իր համախոհներին¹⁵: 1931 թ. Քեմալի արձանը (քանդակագործ՝ Հ. Կիպպել) կանգնեցվեց Սամսունում, որտեղ 1919 թ. Քեմալի ժամանումով սկիզբ դրվեց Անկախության պատերազմին¹⁶:

Հետագայում ևս բազմաթիվ արձաններ և հուշարձաններ կանգնեցվեցին Թուրքիայի տարբեր վայրերում՝ հաճախ դրանց տալով մոդեռնիստական լուծումներ, ինչպիսին, օրինակ, 1970 թ. Ստամբուլի Հաջեթեփե համալսարանում կանգնեցված Աթաթուրքի արձանն է¹⁷ (Նկ. 3, քանդակագործ՝ Հուսեյին Գեզեր):

Քեմալ Աթաթուրքն արտաքինապես տարբերվում էր անատոլիացի թուրքերից իր խարտյաշ մազերով ու կապտավուն աչքերով: Սակայն ավելի ուշ շրջանի նկարներում այս արտաքին հատկանիշները չափազանցված են: Դրանցում Աթաթուրքը պատկերված է շողացող ոսկե մազերով և թափանցող կապույտ աչքերով: Հանրապետության համեմատաբար վաղ շրջանում ցածր դասարաններում սովորող աշակերտներին սա ներկայացվում էր հետևյալ կերպ. «Երբ նա (Քեմալը) ծնվեց, նրա աչքերը վերցրին երկնքի գույնը, իսկ մազերը՝ արևինը»¹⁸: Նման պատումի նպատակը առաջնորդին առավելագույնս տարբերվող և գերմարդկային ներկայացնելն էր՝ այդպես կառուցարկելով նրա խարիզման:

Աթաթուրքի խարիզմայի, նրա անձնային

արտասովոր գրավչության և գերմարդկային որակների հիշատակումները գրականության մեջ վերաբերում են ուշ 30-ականներին և դրանից հետո¹⁹ ընկած ժամանակաշրջանին: Դրանք մեծավ մասամբ հանդիպում են գեղարվեստական գրականության էջերում, և առաջին օրինակը Յաքոբ Բ. Քարաօսմանօղլուի «Անկարա» վեպն է, որը լույս տեսավ 1934 թ.²⁰: Հետագայում նմանատիպ գեղարվեստական երկեր ավելի շատ գրվեցին և հրատարակվեցին:

Քեմալ Աթաթուրքի խարիզմատիկ առաջնորդության կառուցարկման նպատակով ստեղծվեցին նրան վեհացնող դերեր, որոնց օգնությամբ փորձ էր արվում ահռելի նշանակություն և կշիռ տալու Քեմալի ծավալած գործունեությանը:

Ըստ թուրքագետ Է. Զյուրխերի՝ կարելի է առանձնացնել չորս հիմնական դերեր, որոնք վերագրվում են Քեմալին՝ ռազմական հերոս, ուսուցիչ, հայր և արդիականացման նախակարապետ:

Քեմալի՝ վաղ շրջանի գրեթե բոլոր արձանները պատկերում են նրան որպես ռազմական առաջնորդի՝ հեծյալ կամ հետիորան: Առաջին բացառությունը Սարայբուրնուում՝ Ստամբուլի թաղամասերից մեկում կանգնեցված արձանն է, որում Աթաթուրքը պատկերված է որպես ուժեղ, վճռական առաջնորդ՝ մեկուսի քայլելով առաջ, հեռուն նայելով, ձախ ձեռքը բռունցք արած, սակայն քաղաքացիական հագուստով, առանց ռազմական խորհրդանիշների: Նկարներում ևս, որպես կանոն, Աթաթուրքը պատկերված է որպես ռազմական առաջնորդ՝ առաջ ընթացող, մարդկանց առաջնորդող, դեպի առաջ ուղղված ձեռքով, աչքերը հորիզոնին հառած: Քեմալի հանրահայտ և տարածված լուսանկարներից առանձնանում է Քոչաթեփեում արված մի լուսանկար, որում Քեմալը պատկերված է մտքերից հակված, մյուս զինվորականներից առանձին, մտախոհ քայլելիս²¹ (Նկ. 4): Այս լուսանկարը դարձավ հեղափոխության առաջնորդի խորհրդանիշներից մեկը:

Վաղ 30-ականներին՝ արաբատառ գրից լատինատառ գրին անցնելուց և թուրքերին որպես քաղաքակրթության տարածողների ներկայացնող թուրքական պատմության և լեզվի նոր տեսությունները ներկայացնելուց հետո, որում Քեմալ Աթաթուրքն ակտիվ դերակատարում ուներ, նա սկսեց պատկերվել որպես ազգի ուսուցիչ: Մասնավորապես շատ հայտնի դարձավ մի լուսանկար, որում Քեմալ Աթաթուրքը Ստամբուլի Գյուլհանե այգում գրատախտակի վրա ցուցադրում է լատինատառ այբուբենը (Նկ. 5): Այն բազմաթիվ օրինակներով տարածվեց՝ դառնալով Քեմալի ամենահայտնի նկարներից մեկը²²:

Հաջորդը հոր դերն է, որով Մուստաֆա Քեմալ Աթաթուրքը հանդես է գալիս մասնավորապես 30-ականների կեսից հետո: Հանրապետության երիտասարդ սերնդի և երեխաների նկատմամբ նրա վերաբերմունքը առանձնակի ուշադրության է արժանացել: 1927 թ. իր վեցօրյա ճառում Աթաթուրքը բացորոշ կերպով դիմում է թուրք երիտասարդությանը՝

նրան կտակելով ու նրա պահպանությանը հանձնելով իր ժառանգությունը (հանրապետությունը) և հայրաբար պատգամելով նրան պաշտպանել այն. «Հեյ թուրք երիտասարդություն, առաջին պարտքդ է ընդմիջու պահպանել ու պաշտպանել Թուրքիայի անկախությունն ու Թուրքիայի Հանրապետությունը»²³: Այս պատգամը, որը հետագայում ստացավ «Կոչ երիտասարդությանը» անվանումը, փակցված է բազմաթիվ հանրային վայրերում և Թուրքիայի Հանրապետության կրթության նախարարության բոլոր դպրոցներում: Այն կրկնվում է դպրոցներում դասերի ժամանակ, տպագրված է դասագրքերում և մաս է կազմում «Երիտասարդի երդման» տեքստին, որն արտասանում են թուրք դպրոցականները ամեն օր: Աթաթուրքի նկատմամբ սերը նույնացվում է ծնողի նկատմամբ սիրո հետ: Քեմալ Աթաթուրքը երեխա չի ունեցել, սակայն որդեգրել է տասներեք երեխայի՝ մեկ տղա ու տասներկու աղջիկ: Իր որդեգրյալ կրտսեր աղջկա՝ Ուլքյուի հետ լուսանկարներից մեկը լայն ճանաչում է գտել և շրջանառվում է՝ ցուցադրելով նրա հայրական սերը:

Վերջինը, որով ներկայացվում էր Քեմալի խարիզմատիկ կերպարը, արդիականացման նախակարապետի կերպարն է: Չնայած արդիականացումը դեռևս Օսմանյան կայսրության ժամանակներից ձեռնարկվել էր տարբեր ոլորտներում՝ բանակ, կառավարման համակարգ և այլն, այնուամենայնիվ, Քեմալը առաջինն էր, ով սկսեց արդիականացնել թուրք հասարակությունը: Այս դերում Քեմալը հանդես է գալիս շատ անբնագրու կերպով եվրոպական զգեստներ հագած և այնպիսի գործողությամբ զբաղվելիս, որը քեմալականների համար արևմտյան խորհրդանիշներ է պարունակում (ինչպիսին են վալս պարելը, լողալը, մեքենա վարելը, գոլֆ խաղալը և գնացքով ճամփորդելը): Աթաթուրքի՝ որպես ժամանակակից քաղաքակիրթ մարդու և քաղաքակրթող առաքելությամբ գործչի կերպարը հատկապես հոգեհարազատ էր քաղաքական ուղղվածությամբ անձանց համար՝ որպես քաղաքացիության նյութ:



Նկ. 2. «Հանրապետության հուշարձանը»

Գիտության և տեխնոլոգիաների զարգացումն իր հետ բերեց քարոզչության և, ըստ այդմ, նաև խարիզմատիկ առաջնորդության կառուցարկման նոր հնարավորություններ ու մեթոդներ: Հետագայում ստեղծվեցին և շրջանառության մեջ մտան Աթաթյուրքի պատկերով կրծքանշաններ, շապիկներ, մեծածավալ պաստառներ, անգամ ժամացույցներ և կոշիկներ, իսկ արդեն թվային դարաշրջանում գովազդային հոլովակները, հեռուստացույցի էկրանին հայտնվող տարբեր տեսաուղերձերը²⁴ սկսեցին աճող դեր ունենալ Աթաթյուրքի անձի պաշտամունքի շարունակական ամրապնդման և դրա կենսունակության գործում:

Ելնելով Թուրքիայի Հանրապետության պատմության նորագույն շրջանի իրադարձություններից՝ կարելի է պնդել, որ Մուստաֆա Քեմալ Աթաթյուրքի պաշտամունքը «անմահ» է: Սա ամրագրված է նրա «հավերժ առաջնորդ» տիտղոսով, որը նրան շնորհվեց 1938 թ. դեկտեմբերի 26-ին Ժողովրդահանրապետական կուսակցության համագումարում²⁵: ԺՀԿ-ն Աթաթյուրքի թողած ժառանգության կարևոր բաղադրիչներից էր, որը շարունակեց երկրի ղեկավարումը մինչև 1950 թվականը: Աթաթյուրքը հեղափոխական էր, ով «վեր է բարձրացնում սովորական թուրք մարդուն առօրյա միապաղաղ հոգսերից» և «մատնանշում է ապագայի տեսլականը»²⁶: Նա «ճշմարիտ ուղեկից է, ով առաջնորդեց իր ժողովրդին մթությունից դեպի լույս և այսօր էլ շարունակում է առաջնորդել»²⁷: Այսպիսին էր Աթաթյուրքի կերպարը արդեն իր կյանքի վերջին տարիներին, և իդեալականացման այս գործընթացը շարունակվեց նաև նրա մահից հետո:

Քանի որ ի սկզբանե Աթաթյուրքի իշխանության հիմքում դրված չէր բնական խարիզման, նրա իշխանության վերջին տարիներին և նրա մահից հետո կարիք չկար առօրեականացնելու նրա խարիզման՝ քեմալիզմի իշխանությունը հարատև դարձնելու համար, ինչպես պետք է ենթադրել, եթե հետևենք Վերերի տեսությանը: Փաստ է, որ Աթաթյուրքն ու նրա աջակիցները ստեղծեցին

Թուրքիայի Հանրապետությունն ու դրա բաղկացուցիչ մաս կազմող այլ ինստիտուտներ, սակայն բոլոր այդ ինստիտուտները, որ գոյություն ունեն էին պետությանը, և պետությանն առնչվող այլ ինստիտուտներ լայն իմաստով Աթաթյուրքը կամ հանրապետությունը չէին ստեղծել, այլ ուշ շրջանի Օսմանյան կայսրության ժառանգությունն էին²⁸: Անշուշտ, որոշ աստիճանական փոփոխություններ տեղի ունեցան, սակայն պետության ու կուսակցության կառուցվածքը և գաղափարը կայուն էին ու անփոփոխ²⁹: Իսմեթ Իյյոնյուն, ով հաջորդեց Քեմալին նախագահի պաշտոնում, պահպանեց արդեն ձևավորված անհատի պաշտամունքի ինստիտուտը, սակայն, աստիճանաբար նվազեցնելով Աթաթյուրքի պաշտամունքը, փորձում էր այն փոխարինել սեփականով:

Շրջանառության մեջ դրվեցին նոր թղթադրամներ՝ Իյյոնյուի դիմանկարով, նոր փոստային նամականիշներ թողարկվեցին նրա նկարներով³⁰: Սակայն, 1950 թ. Դեմոկրատական կուսակցության՝ իշխանության գալով, Իյյոնյուի անհատի պաշտամունքը շատ արագ փլվեց: Երկրի միանձնյա ղեկավարումը կորցնելով՝ նա ստանձնում է ընդդիմության առաջնորդի դերը, ինչը, սակայն, անհանգստացնում էր օրվա իշխանություններին, քանի որ վտանգ կար, որ այդ «դերում» Իյյոնյուն հնարավորություն կունենար մոբիլիզացնելու բանակի և բյուրոկրատիայի շարքերում գտնվող ընդդիմադիրներին ընդդեմ իշխանության: Այս խնդրի լուծման համար «հարություն տրվեց» Աթաթյուրքի պաշտամունքին³¹: Ձևավորվեց մի մոտեցում, ըստ որի՝ քեմալիզմի բոլոր նվաճումները վերագրվում էին Քեմալ Աթաթյուրքին, իսկ ձախողումները՝ Իսմեթ Իյյոնյուին³²: Կանխելու համար ցանկացած ոտնձգություն Աթաթյուրքի և նրա հիշատակի նկատմամբ՝ դեմոկրատական խորհրդարանն ընդունեց մի օրենք, որով հանցագործություն էին որակվում Աթաթյուրքին ուղղված վիրավորանքը, նրա հիշատակի պղծումը³³:

Մուստաֆա Քեմալ Աթաթյուրքի ժառանգության պահպանումը, առանց այդ մասին հայտարարելու, իր պարտականությունն էր դարձրել թուրքական բանակի էլիտան, որն այն համարում էր քեմալիզմի հիմքը, և Թուրքիան պեկոճած ռազմական հեղաշրջումներին միշտ հաջորդում էին Քեմալ Աթաթյուրքի անձի պաշտամունքի ուժեղացումն ու ժառանգության նորովի վերաթևոթումը:

Քեմալ Աթաթյուրքի ժառանգությունն այսօր էլ շարունակում է ապրել Թուրքիայում, որոշ չափով էլ՝ իսլամական աշխարհում: Աթաթյուրքի մտավոր գործունեության արդյունքը հավասարազոր չէ ամբողջական գաղափարախոսության, սակայն նրա գործունեության տարբեր դրվագների և աշխատությունների տարբեր մեկնաբանությունների հիման վրա ձևավորվել և զարգացել է մի գաղափարախոսություն՝ քեմալիզմ, իսկ ավելի ուշ՝ աթաթյուրքիզմ անվամբ:

Չնայած որ թուրք կառավարող վերնախավը ներդրել է զգալի ջանքեր քեմալիզմի զարգացման մեջ՝ որպես պաշտոնական գաղափարախոսության (հատկապես



Նկ. 3. Հաջերեփին համալսարանում կանգնեցված Աթաթյուրքի անձնը

1960 թվականից հետո), հաճախ դժվարանում ենք կապել քեմալիզմի՝ գնալով աճող պետական դոկտրինը Աթաթուրքի ժառանգության հետ: Սակայն այս փաստերից և ոչ մեկը չի նվազեցնում այն կտրուկ փոփոխությունների նշանակությունը, որոնք առաջ բերեց Աթաթուրքը, ինչպես նաև չի նվազեցնում դրանց մերօրյա անսպասելի հետևանքները: Իր ուտոպիայի իրականացմանը միտված ջանքերով Մուստաֆա Քեմալ Աթաթուրքը արմատական վերաձևումների ենթարկեց թուրքական պետությունն ու հասարակությանը, և այս ամենի հետևանքով ո՛չ Թուրքիան, ո՛չ էլ անգամ իսլամական աշխարհը երբևէ կրկին չեն լինի այնպիսին, ինչպիսին էին Քեմալ Աթաթուրքից առաջ³⁴:

Քեմալիզմը՝ որպես մի յուրօրինակ պետական հավատքի համակարգ, դարձել է հանրապետության հիմնադրի ամենաճկուն ժառանգությունը³⁵: Այսօր Թուրքիայի Հանրապետության ռազմական կրթության հաստատություններում դասավանդվում է կառավարության կողմից հաստատված և երաշխավորված «Աթաթուրքիստական մտածողության համակարգ»³⁶ առարկան, որը սպայակազմի կողմից ընդունված է համարել ռազմական կրթության ոգի³⁷: Բոլոր համալսարաններում, անկախ մասնագիտական ուղղվածությունից, ավարտական կուրսի ուսանողները դիպլոմ ստանալու համար պարտավոր են հանձնել «Թուրքիայի հեղափոխության պատմություն» և «Աթաթուրքի սկզբունքներ» առարկաներից քննություն (սա մեզ հիշեցնում է ԽՍՀՄ ուսումնական հաստատություններում տիրող նույն վիճակը «ՄՄԿԿ պատմության», «Գիտական կոմունիզմի» և կուսակցական-գաղափարախոսական այլ առարկաների առումով): Հանրապետության նախագահն ու խորհրդարանի պատգամավորները իրենց պաշտոնները ստանձնելիս երդվում են «հավատարիմ մնալ Աթաթուրքի սկզբունքներին և բարեփոխումներին»³⁸:

Սակայն ժամանակի ընթացքում «հավերժական ղեկավարի» ժառանգությունը ցուցաբերում է իր հիմնական բնութագիրը կորցնելու միտում³⁹: Այսօր



Նկ. 4. Քեմալը՝ Բոզսաթլիում

քեմալիզմը ավելի շուտ կարող է դիտվել Թուրքիայի կառավարող վերնախավի մի հատվածի կողմից օգտագործվող գործիք՝ մեկնաբանելու երկրում տիրող դրությունը Աթաթուրքի ասույթների ու գործերի վկայակոչմամբ, և յուրաքանչյուր ոք այս դժվարըմբռնելի մեջբերումների էությունը հասկանում է յուրովի: Հետևաբար դրա էությունը կախված է համատեքստից և այն մեջբերողից: Քեմալիզմը կարելի է օգտագործել՝ աջակցելու և՛ էտատիստական կամ լիբերալ, և՛ ազգայնական կամ սոցիալիստական, և՛ կրոնական կամ գիտական, ինչպես նաև էլիտիստական կամ պոպուլիստական գաղափարներին: ■

Հղումներ

- 1- Տես Andrew Mango, Atatürk, New York, 2002 էջ 156:
- 2- Տես նույն տեղում, էջ 146:
- 3- Տես Erik-Jan Zürcher, In the name of the father, the teacher, and the hero: the Atatürk personality cult in Turkey, New York, 2012 էջ 4:
- 4- Տես նույն տեղում, էջ 4:
- 5- Տես նույն տեղում, էջ 4:
- 6- Տես նույն տեղում, էջ 10:
- 7- Տես նույն տեղում, էջ 12:
- 8- Տես նույն տեղում, էջ 11:
- 9- Տես նույն տեղում, էջ 12:
- 10- Տես նույն տեղում, էջ 12:
- 11- Տես Walter B. Denny, Atatürk and Political Art in Turkey, Turkish Studies Association Bulletin, Vol. 6, No. 2 (September, 1982), էջ 17:
- 12- Տես Erik-Jan Zürcher, նշվ. աշխ., էջ 3:
- 13- Տես նույն տեղում, էջ 3:
- 14- Տես նույն տեղում, էջ 3:
- 15- Տես Walter B. Denny, նշվ. աշխ., էջ 18:
- 16- Տես Erik-Jan Zürcher, նշվ. աշխ., էջ 3:
- 17- Տես Walter B. Denny, նշվ. աշխ., էջ 20:
- 18- Տես Erik-Jan Zürcher, նշվ. աշխ., էջ 10:
- 19- Տես նույն տեղում, էջ 11:
- 20- Տես Yakup Kadri Karaosmanoğlu, Ankara, Ankara: Akba, 1934:
- 21- Տես Walter B. Denny, նշվ. աշխ., էջ 17:
- 22- Տես Erik-Jan Zürcher, նշվ. աշխ., էջ 8:
- 23- Nutuk, Gazi Mustafa Kemal Tarafından, Ankara: n.p., 1927, էջ 430.
- 24- Տես Erik-Jan Zürcher, նշվ. աշխ., էջ 11:
- 25- Տես նույն տեղում, էջ 11:
- 26- Տես նույն տեղում, էջ 11:
- 27- Տես նույն տեղում, էջ 11:
- 28- Տես նույն տեղում, էջ 11:
- 29- Տես նույն տեղում, էջ 11:
- 30- Տես նույն տեղում, էջ 5:
- 31- Տես նույն տեղում, էջ 5:
- 32- Տես նույն տեղում, էջ 5:
- 33- Տես նույն տեղում, էջ 5:
- 34- Տես M. Şükrü Hanioğlu, Atatürk: An Intellectual Biography, Princeton, 2013, էջ 198:
- 35- Տես նույն տեղում, էջ 198:
- 36- Տես նույն տեղում, էջ 198:
- 37- Տես նույն տեղում, էջ 198:
- 38- T. C. 1982 Anayasası: 1993 Değişiklikleriyle, ed. A. Şeref Gözübüyük, Ankara: Turhan Yayınevi, n.d. [1993], s. 88, 71.
- 39- Տես M. Şükrü Hanioğlu, նշվ. աշխ., էջ 198:



Նկ. 5. Քեմալը ցուցադրում է լայրինաբառ այբուբենը

Մշակութային ժառանգության տարրերը արդիականացնելով հաստատուն քայլերով ուղղուիլ դեպի երաշխավորեալ ապագայ:

Հարցազրույց «Համազգային» հայ կրթական և մշակութային միության կեդրոնական վարչության ատենապետ Մկրտիչ Մկրտիչեանի հետ

«Դրօշակ» – Ընկեր Մկրտիչեան, մամուլին տեղեկացանք, որ վերջերս այցելած էք Մոսկուա՝ այնտեղ «Համազգայինի» շրջան մը կեանքի կոչելու համար: Կրնա՞ք մանրամասնել:

Մկրտիչ Մկրտիչեան – Առաջին անգամ չէր, որ Մոսկուա կ'երթայինք: Անցեալ մայիսին այնտեղ էինք «Համազգայինի» կառոյց հիմնելու մտադրութեամբ: Կորիզ մը կազմուած էր արդէն բոլորովին ինքնաբերական կերպով: Մայիսին նշանակուեցաւ ժամանակատար վարչութիւն մը՝ նախնական աշխատանքները տանելու առաքելութեամբ: Այս անգամ յաւելեալ խորհրդակցութիւններով կարելի եղաւ կազմակերպել միութեան հիմնադիր ժողովը, որուն ասարտին ընտրուեցաւ մայրաքաղաքի վարչութիւնը: Նոյնը տեղի ունեցաւ Ս. Փետրասպուրկի մէջ:

«Բ.» – Ձէք կարծեր, որ բառական ուղացումով կը ձեռնարկէք Ռուսիոյ մէջ «Համազգայինը» կազմակերպելու գործին:

Մ. Մ. – Իրաւունք ունիք: «Համազգայինը» շատոնց պէտք է այնտեղ հաստատուած ըլլար: Այդպէս ալ նախատեսուած էր: Արդարեւ, ԱՊՀ միջպետական կառոյցին մէջ «Համազգայինը» կազմակերպելու որոշումը առնուած է երկրորդ պատգամաւորական ժողովին՝ դեռ 1994-ին: Յապաղումի հիմնական պատճառներէն մէկը այդ ժամանակաշրջանին միութեան՝ իր համահայկական աշխատանքը հունաւորելու ճիգն էր: Չմոռնանք, որ «Համազգայինը» միայն 1990-ին համազգայութային կառոյցով կազմակերպութիւն դարձաւ: Ատկէ անկախ, սակայն, խոչընդոտ էր նաև այն, որ «Համազգայինի» պատասխանատուները բոլորովին անծանօթ էին ԱՊՀ-ի և Արևելեան Եւրոպայի երկիրներու հայկական համայնքներուն: Պէտք է միաժամանակ խոստովանիլ, որ Ռուսիոյ պարագային ալ նախաձեռնողները Մոսկուայի մեր ընկերները եղան: Այս հանգամանքը մեզի կը ներշնչէ վստահութիւն, որ գործը ի սկզբանէ կը դրոյի ամուր հիմերու վրայ: Մոսկուայի մէջ վերջին մէկ տարուան ընթացքին կեանքի կոչուած են բազմաթիւ մշակութային ձեռնարկներ, աւելին՝ արդէն կը գործեն շարաթօրեայ երկու դպրոցներ, իւրաքանչիւրը՝ շուրջ յիստն աշակերտներով: Նոյնպիսի աշխատանքներ սկսած են Ս. Փետրասպուրկի մէջ:

«Բ.» – Վերջին երկու տարիներուն համայն աշխարհը ցնցուեցաւ մինչև այսօր շարունակուող թագաժահրի համավարակով: «Համազգայինի»՝ աշխարհով մէկ տարածուած կառոյցը ինչպէս կրցաւ



գործել այս մթնոլորտին մէջ:

Մ. Մ. – Անխուսափելիօրէն մեծ դժուարութիւններ ունեցանք: Սկզբնական շրջանին մեր մտահոգութիւններուն հիմնական առարկան կրթական մարզն էր: Հետեւելով համավարակի վերիվայրումներուն՝ որդեգրուեցան հեռավար կամ ընթացիկ ուսուցման տարբերակները: Այս ձևով Պէյրութի «Մելանքթոն և Հայկ Արսլանեան» և Մարսելի «Համազգային» երկլեզու մեր ճեմարանները գործեցին գրեթէ անխափան: Մեր կրթական զոյգ հաստատութիւններու ուսուցչական կազմերու և ընդհանրապէս պաշտօնէութեան նուիրումը անգամ մը ևս յստակօրէն երևաց: Տարեվերջի պետական պաշտօնական քննութիւններուն մեր աշակերտութեան բացարձակ յաջողութիւնը ապացոյցն է անոնց տարած աշխատանքին: Անշուշտ, պէտք է նկատի ունենալ, որ դպրոցական մակարդակին հեռավար ուսուցումը դիւրաւ հասկնալի պատճառներով նոյնքան արդիւնաւետ չէ, որքան ուսուցիչի և դաստիարակի ֆիզիքական ներկայութեամբ դասաւանդութիւնը: Կրնանք երևակայել, թէ ինչքան դժուարացաւ ուսուցչական կազմի գործը այսպիսի պայմաններու մէջ. անոնց թափած ճիգը անգնահատելի է: Նոյնը կարելի է ըսել Միտնիի Համազգայինի «Արշակ և Սօֆի Գոլստըն» ճեմարանին համար, որ կը գործէ Աւստրալիոյ շրջանային վարչութեան հովանիին տակ, նաև Փարիզի շրջանի Իսսի-լէ-Մուլինոյի մէջ գործող Համազգային-Թարգմանչաց նախակրթարանի պարագային:

«Բ.» – Վարսահ ենք, որ Լիբանանի մէջ գործող ճեմարանը, համավարակի պարճաւոր դժուարութիւններու կողքին, երկրի իւրապարտ կլիճակը նկարի ունենալով, նաև այլ տեսակի մարտահրաւերներու դիմաց գտնուած է:

Մ. Մ. – Անշուշտ, և ոչ միայն ճեմարանը: Կեդրոնական վարչությունը (ԿՎ) և իր բոլոր հաստատությունները, Շրջանային վարչությունը և իր հաստատությունները, ողջ լիբանանահայությունը 2019-ի հոկտեմբերին սկսեալ մինչև այսօր ենթարկուած են հետզհետե՛ մագցող տնտեսական դժուարություններու, սահմանափակումներու: Սկսելով ճեմարանէ՛ն՝ հասցուած վսասը զգալի դարձաւ Լիբանանի մէջ գործող մեր բոլոր կառոյցներուն համար: Ամէնէն կարևորը՝ ԿՎ-ի ֆինանսական կարողականությունը ոչ միայն արժեզրկուեցաւ, այլև իր այդ արժեզրկուած վիճակին մէջ իսկ սահմանափակումներով միայն օգտագործելի եղաւ: Դպրոցի պարագային, վճարողական կարողականությունը զգալիօրէն պակասած ըլլալով, ծնողները դժուարություն ունեցան նոյնիսկ արժեզրկուած դրամանիշով վճարելու իրենց զաւակներուն թոշակները: Պէտք է ըսել, սակայն, որ մեր ծնողները ամէն ճիգ կը թափեն իրենց պարտաւորությունները լրիւ կատարելու համար: Ատիկա, ի շարս այլոց, մասամբ արդիւնք է հաստատութեան ընկերային գրասենեակի արդար ու արհեստավարժ մօտեցումներուն: Նիւթական մարզէն ներս նշելի է համաշխարհային ներկայ տխուր վիճակին մէջ Մարսէյի ճեմարանի յաջողությունը: Ինամակալությունը ի վիճակի եղաւ Մարսէյի քաղաքապետութեան կողմէ տրամադրուած դպրոցի հողամասը սեփականացնելու: Միւս կողմէ՛ տնտեսական առողջ յանձանձումին շնորհիւ ինամակալությունը այս տարեշրջանի աւարտին պիտի սկսի շինարարական աշխատանքի՝ երկու հարիւր յաւելեալ աշակերտի համար տեղ պատրաստելու նպատակով: Վերջին տասնամեակին տնօրէնությունը պարտադրուած էր իւրաքանչիւր վերամուտին տեղի պակասութեան պատճառով աշակերտ մերժելու: Եթէ ամէն ինչ լաւ ընթանայ, 2023-ի վերամուտէն սկսեալ դպրոցը ի վիճակի պիտի ըլլայ ընդունելու մինչև վեց հարիւր աշակերտ:

«Դ.» – Բոլորս տեղեակ ենք, որ «Համազգայինը» սերտ գործակցութեան մէջ է Երևանի պետական համալսարանին հետ: Կրնա՞ք այդ մարզէն և ընդհանրապէս Հայաստանէն ներս «Համազգայինի» գործունէութեան մասին տեղեկություններ տալ:

Մ. Մ. – Այլ կերպ չէր կրնար ըլլալ հարկաւ: ԵՊՀ-ն և «Համազգայինի» Պէյրոյի ճեմարանը նոյն կնքահօր՝ Նիկոլ Աղբալեանի սաներն են. Ն. Աղբալեան երկուքին ալ հասարակաց հիմնադիրներէն է: Երևանի մեր գրասենեակը շարունակեց կազմակերպել տարեկան գիտաժողովները ԵՊՀ-ի հետ գործակցաբար: Իսկ ԵՊՀ-էն ներս հայագիտական նիւթերու ուսուցիչներու պատրաստութեան մեր նախաձեռնությունը տուած է արդէն իր առաջին պտուղները. ատենէ՛ մը ի վեր հնգեակ մը շրջանաւարտներ կը պաշտօնավարեն Լիբանանի, Կիպրոսի և Ֆրանսայի հայկական վարժարաններուն մէջ:

«Դ.» – Կ'ենթադրեմ, որ ուսուցչութեան ձեր թեկնածուները առաւելաբար արևմտահայերէն ուսուցանելու կը պարրասարուին: Հնարա՞նք է արևելահայերէնի իշխող մթնոլորտի մը մէջ հանգիստ արևմտահայերէն սորվիլ կամ ուսումնասիրել:

Մ. Մ. – Սփիւռքեան որոշ շրջանակներ արդէն կը քննադատեն մեր այս նախաձեռնությունը ճիշդ այդ պատճառով: Կը կարծենք, որ այդ մտավախությունը տեղին չէ: Այժմ, երբ շրջանաւարտները ասպարէզ իջած են, ատիկ առարկայական կարծիք կարելի է կազմել իրենց կատարած գործը տեսնելով: Ամէն պարագայի, անկախ այս խնդիրէն, հայերէնն ու հայագիտությունն ընդհանրապէս հայրենի հողին վրայ սորվիլը ունի այլ առաւելություններ, որ կարելի չէ գտնել այլ մայրաքաղաքներու մէջ. ջուրն ու հողը, ժողովուրդը, յուշարձանները կը կազմեն կենդանի իրականությունը, մեր թեկնածուները ոչ միայն ուսում կը ստանան, այլև կ'ընկալեն հայկական հոգին ու ոգին, հայրենի միջավայրը: Հիմնական փաստարկը անշուշտ այն է, թէ մեր թեկնածուները ԵՊՀ կը ժամանեն հետերնին բերելով արևմտահայերէնի ամուր պաշար: Ի դէպ, մենք շրջանաւարտ ունեցած ենք նաև արևմտահայերէնի ծննդավայր Պոլիսէն: Եթէ չեմ սխալիր, հինգ տարիներէ ի վեր Երևան կ'ապրի: Երբ հետը կը խօսիս, այն սպասությունը կ'ունենաս, թէ ան օդանաւէն նոր իջած է:

«Դ.» – Այդպէս ուրեմն: «Համազգայինը» Սրտեփանակերտի մէջ ալ գրասենեակ ունէր: Կը պահէ՞ք տակաւին այդ գրասենեակը:

Մ. Մ. – Անշուշտ: Հիմա՛ ատելով: Ստեփանակերտի մեր գրասենեակը անցեալ տարուան պատերազմէն ետք առաւելաբար զբաղեցաւ տեղահանուած մանուկներու և պատանիներու խմբակներու համար մշակութային զբաղումներ հայթայթելով, նախ՝ Երևանի, ապա՝ Արցախի մէջ: Այդ գործը կը շարունակուի: Համավարակի շրջանին թէ՛ Երևանի,



Քեյրոսի «Մելանքթոն և Հայկ Արայանեան» ճեմարանը

թէ՛ Ստեփանակերտի գրասենեակները ունեցան հրատարակչական գնահատելի գործունեություն:

«Բ.» – Քանի որ հրատարակչական գործին մասին խօսք բացիք, կրնա՞ք խօսիլ ընդհանրապես ԿՎ-ի հրատարակչական գործին մասին:

Մ. Մ. – Անպայման: Հրատարակչական գործը սկսած է «Համագայինի» առաջին գործով՝ հայկական ճեմարանի հիմնադրությամբ, քանի որ անհրաժեշտ էր նոր դասագիրքերու հրատարակություն: Ներկայ պայմաններուն մէջ, իհարկէ, հրատարակչական աշխատանքը տուժեց. տեղական դրամանիշի արժեզրկման գուցակցող անկայունությունը, պետական ծառայություններու՝ ժամանակի ընթացքին զգալի դարձող համեմատական քայքայումը, գրավաճառքի անկումը բնականոն զարգացման առջև լուրջ խոչընդոտներ ստեղծեցին: Փոխարէնը առաջ տարուեցան ելեկտրոնային գրավաճառքի (e-Library) համակարգ ստեղծելու աշխատանքները: Այսօր արդէն կը գործէ «Համագայինի» ելեկտրոնային գրախանութը: Քանի մը ամիսէն կ'արտատի հրատարակչական գրացուցակի բոլոր գիրքերու ելեկտրոնային տարբերակների պատրաստությունը: Անխուսափելիօրէն պակսեցաւ նոր հրատարակություններու և վերատպումներու թիւը:

Շարունակուեցաւ մանկապարտէզի նոր դասագիրքերու շարքի պատրաստությունը, և շուտով լոյս կը տեսնէ երկրորդ հատորը:

«Բագինը» ունեցաւ իր արդիական կայքէջը, որ ժամանակ մը փորձարկուելէ ետք յաջորդի կ'իջնէ հրապարակ:

Հրատարակչական աշխատանքի ելեկտրոնային արդիականացումը կարելի կը դառնայ «Համագայինի» գրասէր անհատներու և ի մասնաւորի «Գալուստ Կիլպէնկեան» հիմնարկութեան նիւթական շօշափելի օժանդակութեամբ:

«Բ.» – Մեզ վրայ շար դրական պատրուքին ձգող ձեռնարկը «Համագայինի» ուսանողական հասարն է՝ ֆորումը: Դժբախտաբար, վերջին երկու

տարիներուն ան տեղի չունեցաւ: Կրցա՞ք զայն այլ գրադասով փոխարինել:

Մ. Մ. – Համավարակի ընթացքին ֆորումը կազմակերպուեցաւ առցանց: Հարկաւ, նոյն տարողությունը չունեցաւ, բայց կարևոր է նաև ճիգը շարունակել ապագային հետ կապի թելը պահել կարենալու համար: Ատկէ դուրս՝ արդէն ատենէ մը ի վեր ԿՎ-ն որոշ շրջաններու հետ գործակցաբար կը կազմակերպէ երիտասարդական այլ հաւաքներ ևս: «ArtLinks»-ը Հիւսիսային Ամերիկայի երեք շրջանային վարչություններու կազմակերպութեամբ տեղի ունեցող եռօրեայ մշակութային հաւաք մըն է, իսկ «Youthlinks Europe»-ը՝ նոյնը երոսպական ցամաքամասի վրայ:

«Բ.» – Իսկ ինչո՞ն նոյնաման աշխարանքի մը չէք ձեռնարկեր ատեի փոքր տարիքի պատանիներու համար:

Մ. Մ. – Կան կանոնաւոր կերպով տեղի ունեցող աշխատանքներ տարիքային այդ խումբին և ան ատեի փոքրերու համար: «Լալան ու Արան» փոքր տարիքի խմբերի համար նախատեսուած՝ հաճելի գոյներով զծագրուած փոքր հերոսներու և անոնց ձայներու օգտագործումով տարրական հայերէնի վարժեցման ելեկտրոնային «գործակ» (app) է: Իսկ Միացեալ Նահանգներու Արևելեան շրջանի մէջ ԿՎ-ի հովանաւորութեամբ երկու տարիներէ ի վեր կը կազմակերպուի «Փեթակը», որ ցարդ տեղի ունեցած է միայն առցանց և կը միտի պատանիներուն հայերէնը հաճելի մեթոտով սորվեցնելու: Կը յուսանք, որ համավարակը, այլևս մէկ կողմ քաշուելով, կ'արտօնէ, որ «Փեթակը» կազմակերպուի ճամբարային ջերմ մթնոլորտի մէջ:

«Բ.» – «Համագայինի»՝ վերջին տարիներու նորութիւնը համացանցային բեմն է՝ www.h-pem.com-ը: Այս ձեռնարկը ինչպէս դիմակայեց տագնապներուն:

Մ. Մ. – Համացանցային բեմը հրապարակ իջաւ տարիներու բժախնդի պատրաստութենէ ետք՝ 2019-ի մայիսին: Ատկէ վեց ամիս ետք սկսաւ Լիբանանի տնտեսական տագնապը: Ատկէ ալ կարճ ատեն ետք՝ համավարակի քաշքշուող ողիսականը: Համավարակի պարտադրած մեկուսացման ժամանակ www.h-pem.com-ի այցելուներու թիւը բնականաբար ատելի կը մեծանար: Բայց տնտեսական կարողականութեան տկարացումը պատճառ դարձաւ, որ ատեն մը ետք պիտոճեական պատշաճեցումով ձեռնարկը գրկուի իր արտալիբանանեան թղթակիցներէն, որոնք անհրաժեշտ էին ձեռնարկի լիակատար արդիւնաւետութեան համար: Երեք լիաժամ աշխատող մասնագէտներով կատարուող գործը ներկայիս կը կատարուի մէկ հոգիով: Հասկնալի է, որ այդ պատճառով ձեռնարկի գոնէ աշխուժությունը պակսած ըլլայ:



«Համագայինի»ի Մարտելի ճեմարանի բակը

«Դ.» – Ձեր խօսքն յայտնի է, որ համազգային բնը ձեր արտիստի խօսող աշխարհն է: Մակայն գիտնե՞ք նաև, որ այս ծրագիրը ունի նաև իր ընդդիմադիրները: Ինչո՞ւ է այդպես:

Մ. Մ. – Դժգոհներու գոյության և անոնց փաստարկներուն մասին տեղեակ եմ: Անոր մէջ անբնական ու տարօրինակ ոչինչ կայ. դասական՝ հինի և նորի միջև պայքարի մէկ արտայայտութիւնն է: Ինչ է, վերջիվերջոյ, հ-բեմ ծրագրի փիլիսոփայութիւնը: Հ-բեմը միջազգային լեզուով՝ անգլերէնով, հայկական մշակոյթի ներկայացումը և անոր շուրջ խօսակցութիւնն ու քննարկումն է: Ան ուղղուած է օտարալեզու հայ երիտասարդութեան, որ այս կամ այն պատճառով պատեհութիւնը չէ ունեցած հայերէնը սորվելու: Մէկ խօսքով՝ հ-բեմ ձեռնարկը դիմադրութեան գործիք մըն է այն ճշումին դէմ, որ յատուկ ծրագրումով կամ ոչ կը բանեցուցի փոքր հաւաքականութիւններու մշակոյթներուն վրայ՝ սպառնալով անոնց գոյութեան իսկ: Հ-բեմով կը հետապնդուի հայ երիտասարդութիւնը հայութեան ծիրին մէջ պահելու նպատակը՝ անոր մէջ վառ պահելով հայկական ինքնութեան ցցուն տարրերը: Այս իմաստով հ-բեմը ազգային ծրագրի մէկ մասնիկն է: Թերևս մասնակի, բայց սփիտքեան պայմաններու մէջ կարևոր ձեռնարկ է. մեր պայմաններուն մէջ ամէն մարդ հայկական վարժարան յաճախելու կարելիութիւնը կամ կամքը չունի:

«Դ.» – Կրնայ ըլլալ, որ այս ծրագրի քարոզչութիւնը բաւարար չափով փարածում չգտաւ:

Մ. Մ. – Կրնայ ըլլալ: Պէտք է ըսել, որ կարծես թէ «Համազգայինը» և իր լայն շրջանակը ի բնէ ինքնաքարոզչութեան հանդէպ իրօրինակ հակակրանք մը ունին, որ յաճախ ձախողութեան կը մատնէ այս կամ այն լաւ գործը: Սակայն գոյութիւն ունի նաև հայապահպանման պահպանողական մօտեցում մը՝ յաճախ ինքզինքին անգիտակցաբար վնաս հասցնելու աստիճան: Օրինակ՝ երբ աղումագոտ նորընծայ երիտասարդ էի, մեզի ներշնչած էին այն համոզումը, որ Միացեալ Նահանգներու մէջ հայկական դպրոց ունենալը անիմաստ է, թէ այդ ցամաքամասը արհեստավարժ խառնարան մըն է, որ անկարելի է ազգային ինքնութիւն ու նման բաներ պահելը, թէ պէտք է հրաժարիլ այնտեղ հայկական վարժարան ունենալէ և փոխարէնը այդ նպատակին համար միջոցները պէտք է ներդնել Միջին Արևելքի միջավայրին մէջ: Կասկած չկայ, որ Միջին Արևելքը լաւագոյնս արդարացուց իր վրայ դրուած յոյսերը, սակայն այդ քաղաքականութենէն ամերիկահայութիւնը զգալաբար տուժեց: Այսօր կը տեսնենք, որ անհատական նախաձեռնութեան մը շնորհիւ փաստուեցաւ, որ այնտեղ ալ հայկական վարժարանը վերապրելի է, պարզապէս, ինչպէս որևէ այլ ոլորտի մէջ, կրթական գործադաշտին մէջ ալ նիւթական անհրաժեշտ ներդրումը անելի բարձր



«Համազգային»ի Արցախի մասնաճյուղի ցուցահանդեսը ավիրված 44 օրյա պատերազմին

է: Կը կարծեմ, թէ հ-բեմի պարագան ալ նոյնն է: Անհրաժեշտ է, բայց համեմատաբար թանկ է, սակայն ակնկալուած արդիւնքը՝ թանկագին. ան փրկութեան լաստ է ամերիկեան համալսարաններուն մէջ մխրճուող, այնտեղ հալոդագող հայկականութեան համար: Հ-բեմի ծրագիրը ոչ միայն հայ մշակութասէր երիտասարդութիւնը հայկական որակաւոր մշակոյթի շուրջ համախմբելու ծառայութիւնը կը մատուցէ, այլև այդ մշակոյթը օտար հասարակութիւններու ներկայացնելու և սիրցնելու: Փորձը ցոյց տուաւ, որ այսպիսի ծրագիր մը անհրաժեշտ է Հայ դատի աշխատանքներուն մէջ նետուած երիտասարդներուն համար և ոչ միայն:

«Դ.» – Ձեր կարծեք, որ այդ իսկ պարճաւորով այս աշխարհնախն ուղղութիւնը դէպի քաղաքականութիւն կ'առաջնորդէ:

Մ. Մ. – Մարդկային կեանքի բոլոր ոլորտները հեռուէն կամ մօտէն քաղաքականութեան առնչուած են: Միշտ այդպէս եղած է: Ժամանակին հողը, ջուրը, օդն ու կրակը արհատուտեղեան բնագիտութեան ու փիլիսոփայութեան հիմնաքարերն էին: Մեր օրերուն ինչո՞վ կը զբաղին բնապահպանման նախաքարութիւնները:

«Դ.» – Փիլիսոփայութիւն: Կրնա՞ք մեզի մէկ նախադասութեանը բացատրել «Համազգայինի» նման միութիւններու գործունէութեան «փիլիսոփայութիւնը»:

Մ. Մ. – Փորձենք: Մշակութային ժառանգութեան տարրերը արդիականացնելով հաստատուն քայլերով ուղղուիլ դէպի երաշխատրեալ ապագայ:

«Դ.» – Ընկեր Մկրտիչեան, շնորհակալ ենք համապարփակ ներկայացումին համար:

Մ. Մ. – Ե՛ն եմ ձեզի շնորհակալ ընձեռած առիթին համար: ■

Անճախները




Արմեն Առուստամյան

Ծնվել է 2001 թ. հունվարի 19-ին Երևանում: Նախնական կրթությունը ստացել է Երևանի Հովհաննես Հովհաննիսյանի անվան թիվ 52 դպրոցում, այնուհետև ուսումը շարունակել է Մանուկ Աբեղյանի անվան թիվ 3 դպրոցում: 2016 թ. անդամակցել է ՀՄԸՄ-ՀԱՄԿ-ի Նոր Նորք համայնքի «Յովհաննես Հինդլեան» մասնաճյուղին:

2017-2019 թթ. սովորել է Ճարտարապետության և շինարարության Հայաստանի ազգային համալսարանի համակարգչային գիտության բաժանմունքում: 2019 թ. գորակոչվել է և ծառայել Արցախի Հանրապետության պաշտպանության բանակում: Մարտական գործողության ժամանակ վիրավորվել է, սակայն վիրավոր վիճակում ձգտել է փրկելու ընկերներին:

2020 թ. արցախյան պատերազմի առաջին իսկ օրից մասնակցել է մարտական գործողություններին և հետո ընդհատել է ծառայել իրեն վատահաված անձնակազմի գործողությունները: Հերոսաբար նահատակվել է նոյեմբերի 9-ին՝ հավատարիմ մնալով իր դավանած սկստուական երդմանը:



Ալբերտ Խառատյան

Ծնվել է 1995 թ. սեպտեմբերի 3-ին Կոտայքի մարզի Պողոսյան գյուղում: Սովորել է Պողոսյանի Պետրոս Ղևոնդյանի անվան միջնակարգ դպրոցում: Ուսումը շարունակել է Երևանի Զարդարվեստի պետական արհեստագործական ուսումնարանում ընտրելով մանրանկարչությունը:

2014-2016 թթ. ծառայել է հայոց բանակում որպես տանկի վարորդ-մեխանիկ և ստացել կրտսեր սերժանտի կոչում: Մասնակցել է նաև 2016 թ. ապրիլյան պատերազմին:

2020 թ. հոկտեմբերի 2-ին «Կամավորական շարժում» ՀԿ 2-րդ հրաձգային վաշտի կազմում մեկնել է առաջնագիծ:

Հերոսաբար զոհվել է 2020 թ. հոկտեմբերի 6-ին Վարանգաթաղի բարձունքում Մատաղիսի մատույցներում, իր 21 նվիրյալ ընկերների հետ:

Ալբերտ Խառատյանը Արցախի նախագահի հրամանագրով հետմահու պարգևատրվել է «Արիության համար» մեդալով:

Մավրիկ Գրիգորյան

Ծնվել է 1983 թ. Արցախի Ասկերանի շրջանի Ակնաղբյուր գյուղում:

1990-2000 թթ. սովորել է հայրենի գյուղի Վարդան Ջիվանշիրյանի անվան դպրոցում:

2001-2003 թթ. ժամկետային զինծառայություն է անցել Մադաղիսի զորամասում:

2013-2016 թթ. եղել է պայմանագրային զինծառայող: Ծառայության ընթացքում աչքի է ընկել պատրաստակամությամբ ու խիզախությամբ, հանձն է առել ամենադժվար ու վտանգավոր մարտական առաջադրանքները: 2015 թ. Արցախի նախագահ Բակո Մահալյանի կողմից արժանացել է «Մարտական ծառայության համար» մեդալի:

Մասնակցել է նաև 2016 թ. ապրիլյան քառօրյա պատերազմին:

2020 թ. սեպտեմբերի 27-ին սանձազերծված Արցախյան 3-րդ պատերազմի ժամանակ կրկին մարտական առաջին շարքերում էր: 10 օր դիրքերում գտնվելուց հետո տեղափոխվել է հարազատ գյուղ, որը, լինելով խոր թիկունքում, վերածվել էր առաջնագծի և հայտնվել թշնամու դեպի Շուշի տեղաշարժի ճանապարհին: Զոհվել է 2020 թ. հոկտեմբերի 29-ին գյուղի մատույցներում թշնամու նշանառուի դավադիր գնդակից:

Հերոս հայրդու աճյունը ամփոփված է Եռաբլուր զինվորական պանթեոնում: ՀՅԴ անդամ էր: Ուներ երեք զավակ:



Արմո Ավանեսյան

Ծնվել է 1967 թ. դեկտեմբերի 15-ին Մարտունու շրջանի Կովսոզաշեն գյուղում: 1985 թ. ավարտելով գյուղի միջնակարգ դպրոցը՝ ընդունվել է Կիրովաբադի ժողտնտեսության ինստիտուտի էլեկտրաֆիկացիայի բաժինը: Ուսումը կիսատ թողնելով՝ ծառայության է մեկնել խորհրդային բանակ: Զորացրվելուց հետո ուսումը շարունակել է Երևանում:

Հենց սկզբից ակտիվորեն մասնակցել է Արցախյան շարժմանը: Մասնակցել է Արցախյան առաջին պատերազմին, որի ընթացքում եղել է գյուղի նախագահը: 2003 թ. ընտանիքով տեղափոխվել է Ստեփանակերտ, աշխատել է տնտեսության տարբեր բնագավառներում:

Զոհվել է 2020 թ. նոյեմբերի 1-ին վիրավորներին տեղափոխելիս, հակառակորդի անօդաչուի հարվածից:

Ամուսնացած էր, ուներ երեք զավակ: ՀՅԴ անդամ էր:

Հանգչում է Ստեփանակերտի հուշահամալիրում:



Սուրեն Հովսեփյան

Ծնվել է 1979 թ. հունիսի 17-ին: Մինչև 9-րդ դասարանը հաճախել է Պոռոշյանի միջնակարգ դպրոց, այնուհետև տեղափոխվել է Արցախ՝ հայրենի Չլդրան գյուղ, որտեղի դպրոցում ուսանել է մեկ տարի: 10-րդ դասարանում վերադարձել է Պոռոշյան գյուղ և ավարտել տեղի դպրոցը:

1997-98 թթ. ծառայել է հայկական բանակում:

2020 թ. սեպտեմբերի 27-ին անդամագրվել է ՀՅԴ «Կամավորական շարժում» ՀԿ-ին և գումարտակի 2-րդ վաշտի կազմում հոկտեմբերի 2-ին մեկնել է Արցախ ու անմիջապես ընդգրկվել պատերազմական գործողություններում Վարանգաթաղի (Լույսազ) բարձունքի շրջանում: Հերոսաբար գոհվել է հոկտեմբերի 6-ին՝ Մարտակերտի շրջանի համար մղված մարտերի ժամանակ՝ կյանքի գնով պաշտպանելով Վարանգաթաղի բարձունքը:

Մարտական գործողությունների ընթացքում ցուցաբերած արիության համար ԱՀ նախագահի հրամանագրով պարգևատրվել է «Արիության համար» մեդալով:

Հ.Յ.Դ. ՔԱՂԱՔԱԿԱՆ ՈՒՂԵԳԻԾ ԵՒ ՌԱԶՄԱՎԱՐՈՒԹԻՒՆ

Հայաստանը համայն հայութեան հայրենիքն է: Առ այդ, Հայաստանի Հանրապետությունը իր հոգածությունը պէտք է փարածէ հայրենասրբակ ու արտերկրի հայութեան վրայ...

Հողափարածքը, որուն վրայ կերտուած է հայոց հայրենիքը, միշտ ենթակայ եղած է աշխարհագրական, քաղաքական, ռազմական և փնտրեալական աննպաստ պայմաններու, որոնց իբրև հերևանք՝ ազգի ու հայրենիքի լինելիութեան և գոյութեան ճիգը փրկապետած է հայ ժողովուրդի նկարագրի կազմաւորման մէջ: Հողին կատշոյ կամ հողը լքող, մարտունակ կամ երկչոր, ազնուասիրտ կամ անձնապաշտ՝ հայր իր դիմադրութեամբ կամ իր նահանջով գրած է հայութեան պատմութիւնը և գծած է Հայաստանի սահմանները:

Կարելի է թերևս յուսալ, որ սպազայ վերիվայրումները կը արեղծեն հայ ազգային նպատակներուն իրականացման նպաստող պայմաններ, սակայն նոյն փարերային փոփոխութիւնները կրնան նաև կործանել շրջափակուած երկիրն ու ժողովուրդը՝ պարճառելով փնտրեալական ճգնաժամ, արտագաղթի աճ և նոյնիսկ փարածքային կորուստներ: Գալիք անկայուն իրավիճակներէն անվրանգ դուրս գալու համար երկիրը՝ ժողովուրդը և պետութիւնը, պէտք է ըլլան առաւելագոյն չափով պարտաւոր ու միակամ քաղաքական, փնտրեալական, ռազմական, հասարակական և հոգեմտաւոր իմաստով:

Հայաստանի Հանրապետությունը կը գրնոյի աշխարհաքաղաքական, փնտրեալական և ռազմական սուր մրցակցութեան խաչմերուկներուն վրայ, ենթակայ շրջանային և մեծապետական վրանգաւոր ճնշումներու: Երկրի ամբողջականութեան և քաղաքական անկախութեան պահպանման համար կենսական պայման են Հայաստանի պետականութեան ամրապնդումը, երկրի փնտրեալական վերելքը, ժողովուրդի հասարակական կամքի գոյացումը և ազատագրուած Արցախի հզօրացումը:

Սփիւռքի համայնքներ և պետական քաղաքականութիւն

Ազգին համար սփիւռքահայութիւնը ունի բարոյական և քաղաքական անժամանցելի արժէք ու կարևորութիւն: Հիմնականին մէջ իբրև Հայոց Յեղասպանութեան հերևանք փարագիր դարձած հայերու անհատական և հասարակական վերականգնումը, ինքնակազմակերպումը և քաղաքականացումը ազգային պարմական իրագործում է: Սփիւռքեան համայնքները կերտուած են քաղաքական, փնտրեալական և կազմակերպական իրայայտուկ ներուժ, որ պէտք է հոնաւորուի դէպի Հայաստանի հզօրացումը և համայն հայութեան ինքնահասարակումը:

Հայաստանի և Սփիւռքի համայնքներուն միջև յարաբերութիւնները կը բիւին ազգի ամբողջականութեան և հայրենիքի հզօրացման՝ զիրար ամբողջացնող սկզբունքներէն: Հայաստանը ազգի փունն է և անոր գոյապայքարի կոռուար: Սփիւռքի հայութեան քաղաքական գիտակցութիւնը և ազգային ինքնութիւնը կը հիմնուին Ազատ և Անկախ Հայաստանի իրողութեան ու Միացեալ Հայաստանի փետլականին վրայ:



ԴՐՈՇԱԿ

Հունվարի 28-ը
ՀՀ զինված ուժերի օրն է